

ADITUS NOVUS
AD OCCULTAS
SYMPATHIÆ
ET
ANTIPATHIÆ

CAUSAS inveniendas:
PER
Principia Philosophiæ na-
turalis, ex Fermentorum
artificioſâ ANATOMIA hauſta,
PATEFACTUS.

A SYLVESTRO RATTRAY,
Med. Doct. Glasguenſi Scoto.

*Natura eſt arcanorum ſuorum interpres ſidiſ-
ſima, nam quæ in uno aliquo genere obſcu-
rius exhibet, caluſculentius in alio explicat.*

GLASGUE,
Excudebat ANDREAS ANDERSON,
ANNO DOM. 1658.

ADITUS NOVUS

AD OCCULTAS

SYMPATHIAE

ET

ANTIPATHIAE

Classis invenerunt

PER

Principis Philosopher in

lunae, ex Elementorum

aratione Astronomiae hanc

PATHECTUS.

A STEPHANO RASTRATY

Med. Doct. Glasg. Scoto.

Notandum, quod haec Opera
non sunt in uno aliquo genere
sed sunt tribus distinctis in his capitulis

DE ASCENSU

Excusant Andreas Anderson

ANNO DOM. 1678

()



CLARISSIMO,
AMPLISSIMO,

AC

CONSULTISSIMO VIRO,
D. D. IOANNI SCOTO,

SCOTOTARVATIO,

Nobili Musarum Mæcenati,
amico suo submisit colendo,

Sylvester Rattray, M. D.

S. P. D.



In universâ Scientiarum
Encyclopædiâ (Vir Cla-
rissime) jure sibi primas
vendicat Physica; cujus
studium res sanè ardua,
sacra & planè divina: sed ita naturâ compara-

()
tum est, ut, quietem potius amantes, quam ea
quæ difficilia & obscura sunt, & in cendo
naturæ tenebricoso latitantia indagantes, in-
geniis obices posuerimus, ignaviâ lege
quâdam sancientes. Quod, ne verba in re
tam manifestâ prodigamus, non opus est
pluribus rationum momentis statuminare;
nam Auctores Phyci, maximâ ex parte,
nihil præter scitam inscitiam plenis plaustris
ingerentes, dicunt se malle cum *Aristotele*,
Galeno, & Antiquis errare, quàm cum *Ne-
otericis* vera proferre. Diæterium verè Sa-
tanicum, scientiarum omnium interneci-
um exitium, ingeniorum acutissimorum
venenum verè deleterium, quo in ipso li-
mine ita contaminantur, & nisi salutare
aliquod antidotum hauserint, inebriantur
& ita insatiuntur, ut in posterum continuo
cespitan-

()

cespitantibus, à veritatis tramite aberrantibus, & lètericis oculis objecta conspicientibus, omnia iis flavefcant, ad præconcepta opinionum potentia, naturam incertitæ funiculis devinctam pro libitu torquentibus, quod impium semper judicavi, & à vero Philosophiæ studio alienissimum. Ideoque in concinnando nostro hoc Tractatu non libros scriptorum, sed folia & codicem naturæ à vinculis liberæ evolvi. En igitur, Domine clarissime, Musarum Charitumque deliciae, *Palladis & Apollinis* Alumne meritissime, tenellum ingenioli nostri foetum, è florifero amænissimæ naturæ viridario oriundum, ad aras patrocini tui gratitudinis obsidem humiliter sisto; ut à fascinatione oculorum malignantium fartum tectum tuearis. Interim non ignore,

()

ro, te splendorem ex nostrâ commendati-
one, & opusculis non aucupari, qui lucere
vis iis ignibus quos proprii labores accen-
derunt, sed ut testatum facerem, immane
quantum vestræ humanitati & benevolentiae
deberem, quem si æqui bonique consulere
dignemur, excitabitur animus tam suaviter
stimulatus ad maiora offerenda. Vale.

Datum *Glasgæ*,

Febr. 10. 1658.

Clarissimi tui Nominis

Studiofissimus cultor,

SYLVESTER RATTRAY.

Præfatio ad LECTOREM.

Insanabile illud huius seculi cacothetes (amantissime lector) scripturiendi nimirum prurigo, quæ passim grassatur suo contagio me leuiter fermentando, inter alios authores, qui autem sunt huiusmodi, impulit ut Rudimenta studiorum iuvenilia, & præcoces, ne abortiuos dicam, ingeniosi nostri factus, lucis & Doctorem aleam subire permitterem. Ante duos annos hortatu quorundam amicorum, animus erat tractatum tantum de Sympathiâ & Antipathiâ, Mineralium, Vegetabilium, & Animalium exornare, cui sedulo incumbens, postquam plurima per classes distribuissem exempla, atque exinde Corollariâ deducens, inveni multa plane repugnantia principiis Philosophiæ Peripatetica, Epicurea, & cæteris. Exin perspicue cognovi, naturam tam angustis cancellis non posse concludi, ideoque merito post habitis omnium libris & opinionibus, me immenso natura pelago, ratione duce, experientiâ Pliniano, pro Acto natura phenomena designando, commisi: Quibus cursum meum dirigendo, Scyllam sæpe feliciter & Charybdim enavigando, in intima natura latifundia memet

memet demisi, ubi augustissima ejus magnalia sum-
 ma cum voluptate contemplanti, nudam, neque
 confragrosis disputationum ineptiarum salubris ve-
 stitam (quibus dignitas ejus & forma magis obscu-
 rantur & offuscantur, quàm illustrantur) mihi
 per transfennam sese conspiciendam obtulit. Cujus
 conspectu intellectus, sicut vespertilionum oculi ad
 solis radios, vacillans, Proteiformem illam vir-
 ginem non intueri, nedum vivis coloribus depinge-
 re poterat: & sic stans obtutu defixus in una,
 splendore faciei, ita occacatus sum, ut necesse esset
 oculos fatiscentes aliò ad visum disgregatum recu-
 perandum deflectere. Ecce se mihi interea obtu-
 lit ingens speculum ex materia Vegetabilium, Mi-
 neralium, & Animalium constatum, ubi virgo
 ista quotidie sese offert conspiciendam amatoribus
 suis: at ocelli mei, spisso velut glaucomate obsessi,
 per nebulam tantum, faciem in se splendentissi-
 mam intueri poterant. Adde quòd è longinquo
 stabant grandævi quidam senes, quorum alii obli-
 què, alii casu, alii iëtericiis oculis speculum in-
 tuentes, faciem natura pulcherrimam, pro vario
 intuitu variè & diversissimis coloribus pingentes
 & adumbrantes, longe tamen à prototypo devian-
 tes, suam quisque picturam supra aliorum laudi-
 bus extollens, magna hinc inter eos orta est dis-
 cordia, nunc his, nunc illis, ex hominum opinio-
 ne vincentibus. Pulvere istius acerrimi certami-
 nis adeo pro longo tempore conspurcârunt. ut exin-
 de desperârint posteri unquam in speculo isto faciem
 ejus pulchrigenam se amplius visuras, idcòque fi-
 elitius,

Et istis istis contenti, ab ulteriori scrutinio quiesce-
 bant. Exactis quibusdam seculis nascuti quidam
 exorti sunt, quibus fucuum subolfacientibus glan-
 comare magna ex parte sale ex oculis abluto, cla-
 rior paululum visus obtigit: ac indignabundi se
 Pandæ putationibus & phantasmatis aliorum, fi-
 ctis & fucatis coloribus natura faciem delineanti-
 um ludificari, serio scrutinio se dantes omnem mo-
 vebant lapidem, si quid sub sole fortè reperirent,
 quod pristinum splendorem ac nitorem speculo, ab-
 sterfo istius certaminis pulvere, conciliaret. Fru-
 stra diu, multis tentatis præsidis, laborarunt, ac
 tandem subiit animos igne comburere, accenso au-
 tem igne haud improspere laborârunt, nam, abla-
 tis ejus vi facibus ex multis speculi partibus, hic
 oculum, illic genam, istic palpebras, ast omnia
 tantum dimidiata, viderunt. De hinc tanto a-
 more ardebant integram ejus faciem conspiciendi,
 ut ignis gradum intendens, secundo opus aggres-
 si sint. Sed interea tantus evolavit fumus, ut,
 fuligine densissima adharente, duas faciei partes,
 velamine magis furvo obscurârunt tertiâ ejus par-
 te, ubi ignis immediatè agebat, manente tantum
 clarâ; unde reliquas duas, si non intactas, sal-
 tem leviter & superficie tenus adumbrârunt colo-
 ribus ex irinum mistelâ, Salis nempe, Sulphuris, &
 Mercurii, haud sufficientibus quacunque propor-
 tione inter se coeant ad tot diversas figuras, propor-
 tiones, colores, odores, saponos, & cet. deline-
 anda, quæ in speculo natura se visui offerunt; &
 licet imparibus telis & viribus opus aggressi oneris
 ponderi

()
ponderi oppressi fatiscentes succubuerint, tamen
non negandum est eos immensis & continuo sudori-
bus & laboribus (quibus Dii omnia vendunt)
præclara spolia & celeberrimam mercedem retu-
lisse. Igitur, ut missas faciamus eos qui ex im-
pari confluxu quatuor elementorum, atque alios
qui ex duobus, alios etiam qui ex Atomorum coi-
tionibus natura varietates depingere conantur.
At noster Palinurus verè pollicitus est, si pro
polo designarem ipsius natura phenomena, non opi-
nationes aliorum & scripta fallacia se non solum
monstraturam speculum in suo splendore & nitore
naturali, Ariadnem filo facem in obscuris prae-
tendo, & in Labyrinthis intricatissimis, per ma-
nus ducendo, & navem à scopulis, procellis, &
predonibus incolumem, ex tam immenso & profun-
do pelago reducendo, sed etiam quibus coloribus
faciem natura in speculo nitentem ad vivum de-
pingerem. Atque idneque ex mistela quatuor,
trium, duorum, aut ex Atomorum phantasticorum
congregatione aut segregatione, sed solà purâ, sim-
plici, & limpidâ aquâ opus esse perficiendum, in
tabula autem ipsâ latitare tot invisibilia contagia
à natura ipsius digito in primâ creatione impressa,
quorū expectationes proportionum, odorum, sapo-
rum & virtutum, ex quibus natura proteizantes
varietates originem ducunt. Ego igitur, benigne
lector, quò facilius ac felicius ad occultas Sympa-
thia & Antipathia causas pervenirem & penetra-
rem hoc eramisse insistendum fore duxi primum
principia philosophia naturalis, maxime vero ea
qua

()
qua ad praesens institutum accommodata sunt ex hoc
fonte limpidissimo eruere, & prolegomenum loco de-
scribere, antequam ulteriori scrutinio causas Sym-
pathia & Antipathia in specie prosequeretur: unde
habes hic prima quasi rudimenta & fundamenta
majoris operis, ad excitanda eruditorum ingenia
& acumina, veterno & narcosi inexpugnabili
jam diu sopita, ex cognitione fructus deveniendo
ad cognitionem arboris, qua in studio philosophia
naturalis inter omnes sola est methodus certissima,
tutissima, & praestantissima. Non me latet hic
occurrere quadam exempla, de quorum veritate
dubitant viri doctissimi, sed his in eruendis corol-
lariis non utar. Et licet nullibi tot exempla Sym-
pathia & Antipathia reperiri possint in uno tra-
ctatu, tamen quia omnia tum philosophorum tum
medicorum scripta hisce aut similibus referta sunt,
ut cuiusvis perferutanti liquido patebit: visum est
authorum nomina silentio praeferre, tum ne tra-
ctatus hic authorum nudis nominibus solum turgescer-
ceret, tum quia testimonia humana tanti, haud
ponderant, quantum propria uniuscujusque expe-
riencia; apposui multa igitur hic, ne qua tota
antiquitas tanquam verissima amplectebatur; te-
mere viderer repudiasse, & ut si alieni esset animus
ea experiendi hic in synopsi paucis schedulis com-
prehensa habeat quae aliter nisi lectione tactiosa
multorum voluminum haud inveniat. Novi quam
sit arduum novis auctoritatem dare, neque ignoro
tractatum hunc laudari, celebrari, vituperari,
condemnari, convicijs proscindi in admirationem
rapi,

()
rapi, pro diversitate geniorum in quarum manus
inciderit. Scio me, quamvis bona aperte profer-
re studui, non posse Zoilorum unguis devitare, qui-
bus placere ne quidem ipse potest Jupiter. Conspi-
cio Momos quasi indignabundos in me arietando vi-
res & virus plenis labris & flabris evomere: sed
si tam facile esset eorum opprobria & dubia divina-
re quam diluere, laborem sane non detrectarem,
Velim interim cogitent non mirum esse in tam ab-
strusis natura mysteriis homuncionem hallucinari,
feci quantum potui, meliora si quis dederit, ei nec
obsto nec invideo, sed lubens palmam cedo, à le-
ctoribus benignissimis hoc unum extorquere vellem,
ut me, magis veritatis quam gloria avidum pu-
tent. Hisce frui lector, si fuerint genio non
inamena tuo, & si vitam, valetudinem, etiam
Deus Opt. Max. largitus fuerit, altiora for-
san & jucundiora ex iisdem fontibus eruere non
pigebit. Vale.

In

IN AUCTOREM & OPUS ENCOMIASTICON.

Natura quicunque cupis mysteria nôsse,
Assidue hunc lepidum volve, revolve
Librum.

Illic pulchra leges, atque admiranda relatu,
Qua rebus sapiens indidit ille Deus.

Hi jucunda solent peritura scribere chartâ,
Deliciis aures qua retinere valent.

Ast alii seclis qua profunt scripta futuris
Edunt, quos merito major habendus honos.

Hac duo Rattrzus doctus conjunxit in unum,
Jucundo oblectans; utilitate juvans.

Illis est igitur tantum anteferendus utrisque,
Quanto plura uno sunt potiora bona.

Vivas Rattrzus Medicâ praeclarus in arte,
Oblectare simul quoque juvare queat.

Errata sic corrige.

- P**ag. 7. lin. 19. Agaracus lege Agaricus.
Pag. 15. lin. 1. quia lege qui.
Pag. 21. lin. 10. veg lucis lege deplucis.
Pag. 27. lin. 10. infantus lege infans.
Pag. 32. lin. 1. summa lege summo.
Pag. 33. lin. 10. exultantur lege exultantur.
Pag. 41. lin. 17. germen lege germen.
Pag. 51. lin. 13. generura lege genitura.
Pag. 59. lin. 8. talli lege talla.
Pag. 59. lin. 18. cornucopus lege coronopus.
Pag. 69. lin. 14. puca lege pauca.
Pag. 78. lin. 19. apposiro lege opposito.
Pag. 93. lin. 25. specificce lege specifica.
Pag. 103. lin. 10. inter lege intra.
Pag. 115. lin. 1. in istas lege in istas.

MAGNALIA NATURÆ
 PER OMNES
 SYMPATHIÆ & ANTIPATHIÆ,
 Mineralium, Vegetabilium,
 & Animalium, COMPLICATIONES
 Methodicè digesta.

Vegetabilium Antipathia.



Rassica, Cyclamino, apposita vel
 juxta sata, arescit.

Brassica, ab Origano, arescit.

Brassica, & ruta, simul sata arescunt.

Vites, si ei Brassica applantetur,
 arescit. & se in adversum flectit.

Succi eorum etiam post, mutuam
 Antipathiam exercent, nam ebrietatem ex vino, Bras-
 sica, comescit.

Item si Brassica in ollâ bullienti imponetur tantillum
 vini, non coquitur neque tenerescit.

Cucumeres, cum Oleâ, inimicitiam habent.

Quercus Olea adversatur, ita ut si juxta sint, in-
 arescant.

Vitis abhorrescit Laurus, neque crescit, si ei Laurus
applanetur.

Mala medica abhorrent panem, nam si cumulo eorum
inspergas panem, continuo putrescunt.

Arundo succescit, obsita filicibus, & contra.

Quercus Juglandi proximè crescens, arescit.

Cicuta à Vite succescit, & veneno Cicutæ, vinum
postea exhibitum est antidotus, si verò cum Cicuta
exhibeatur, intendit ejus vim.

Nox, umbra solum proximis arboribus, & vegetabi-
libus, exosa.

Lavendula herbis proximè satis inimica.

Mandragora vitibus nocet, nam vim iis narcoticam
indit.

Chamæpitys Viti adversatur, & ramis, ejus corona-
ti non inebriantur.

Colocynthis omnes herbas sibi vicinas, veneni modo
inficit, & amaras reddit.

Ocymum inficit Cuscutam, in eo nascentem.

Salix inimica frugibus, nam juxta salicta non crescunt.

Ruta cum Basilico non crescit.

Taxi inficionem nulla arbor admittit.

Cerasus, nec Perfici, nec Terebinthi inficionem ad-
mittit.

Si frumentum imponas saccis farinaceis, uredinem
contrahunt fruges, ex eo productæ.

Thuris arbor inficit alias odoris fragrantia.

Asa gravis factoris participes reddit accrescentes.

Lupini Sycomoris infesti sunt, neque simul crescunt.

Rosa abhorret Cape.

Ruta Cicutam odit.

Sigillum B. Mariæ averſatur Braſſicam.
Orobanche, legumina omnia, ſi inter ea creſcat,
ſtrangulat.
Aconito ruta adverſatur.
Hedera arboribus omnibus, & ſatis, nocet.
Si putamina fabarum juxta radices arborum ſerantur,
eas ſteriles reddunt.
Antithora inimica Aconito.

Animalium Antipathia.

TOrpedo Piſcatoris manum convellit, in diſtans
operando.

Leo omnium Animalium terror, cantu Galli terretur.

Homines viſo Lupo rauceſcunt, & vocem amittunt.

Baſiliſci aſpectus Homini lethalis, in diſtans.

Pullus gallinaceus timet Accipitrem, non prius viſum.

Agnus, modò enixus, timet Lupum & Vulpem.

Conſoſſum cadaver coram Judice, præſente Homi-
dâ, cruorem effundit.

Crocodylus hominibus infeſtus.

Cancri fluviatiles abhorrent Sues, & ab odore foetido
eorum moriuntur.

Aranea & Buſones, ſe mutuo odio proſequuntur, &
veneno Buſonis antidotus eſt Aranea appoſita.

Mures, Glires & Sues Phaſeolum timent, & citiùs
perirent quàm eum comederent.

Mustela timet Buſonem, nam ſi diu teneatur in ejus
conſpectu, moritur: & attractrici vi ad ſe eam al-
licit Buſo, ut devoret, nec Mustela aggreditur

Caponem, aut Anates, Bufonibus pastos.
 Canes Pelliones, non prius visos, odio habent.
 Canes Hyanam odio prosequuntur, & contactu um-
 brae ejus obmutescunt.
 Gallinae, appenso iis milvi capite, nunquam quiescunt.
 Aureolus avis ab aspectu IctERICI moritur, attrahen-
 do aegritudinem ad se.
 Odor Cancrorum Apes interficit, & ab alvearibus
 pellit.
 Mures caeci, pertranseundo vel attingendo membrum
 aliquod hominis, illud stupidum reddunt.
 Mures odio prosequuntur Scorpiones, & eos inte-
 rimunt.
 Lupi timent Lepores.
 Elephas furens ad conspectum arietis mansuescit, &
 ejus morsum sanat pinguedo ejus.
 Elephas Porcelli grunnitum timet.
 Serpentes Ibidem timent.
 Equus timet Lupum
 Camelum Equus etiam timet.
 Vespertilionem timet Ciconia, & ova ejus contactu
 suo sterilia reddit.
 Crocodilus timet Ibidem.
 Otis timet Equum.
 Alauda Serpentes timet, nam sibilis eam fascinant, &
 ad se trahunt.
 Pavonis Vox terribilis Serpentibus.
 Payo terror Bufonum.
 Noctua, & Phoenicurus se mutuo oderunt.
 Ibidis penna injecta in cavernam Serpentum, eos stu-
 pidos reddit.

Hyanam

Hyenam Pardus timet.

Si Equa Lupi vestigia conculcaverit, torpescit & abortit.

Vespertilio & Ciconia se odio prosequuntur.

Vermes Talpam fugiunt.

Simia Serpentes odio prosequitur.

Mineralium Antipathia.

Mercurius tyrannide quadam omnia metalla, dempto auro, destruit, omnia cætera metalla Mercurio supernatant.

Antimonii vis attractiva, & humorum purgativa, ligatur à nitro, in Antimonio diaphoretico.

Magnetis vis ligatur præsentè Adamante: & tamen hoc negat doctissimus *Keircherus*.

Plumbum Adamantem frangit, quod ferrum & ignis non possunt.

Lapis Theamedes ferrum abigit, & à se pellit, in Æthiopiâ nascitur.

Stannum odit omnia metalla, quia si cum iis miscetur, ea impura, friabilia, immalleabilia & dura facit.

Corrodentes aquæ, aquæ fortes, Salia, Sulphur, Antimonium, metalla ab iis mortificantur, dissolvuntur, calcinantur, corrumpuntur, & in tenues auras auferuntur.

Mercurius & Antimonium se mutuò averfantur.

Aqua liquefactionis plumbi, ferrum molle reddit.

CrySTALLUS Arsenico adversatur.

Vegetabilium.

Vegetabilium Sympathia.

Vitis Ulmo gaudet associari, & roboratur si tartarum radicibus inspergatur.

Lupini vitem meliorem reddunt, si juxta ferantur.

Rhaphanus, eodem modo, Hermodactylos meliores facit.

Vitis quando floret, turbat Vicia in cellis procul, quæ non turbantur ubi nulla Vitis nascitur: & citius in *Hispaniâ* quàm *Galliâ*, & illic quàm apud *Rhenan.*

Cerevisia in cadis, florente hordeo, turbatur, & ex hordeo non fit malta, dum reliquum in Campis floret.

Cerasi species, impressa in Embryonem, per imaginationem maternam, viridescit, flavescit, & rubescit cum Cerasis in arboribus, & pro diversitate regionum citius aut tardius.

Cucumeres amant aquam.

Olea amica Viti, & lignum Aloes, nam intendunt ejus vim.

Palma non germinat, nec fructificat: Formella, nisi vicina ad contactum maris & exciso mari sterilefcit.

Vitis admittit infusionem Oleæ, unde fit Elzostaphylon.

Filix resistit frumenti corruptioni.

Asparagus delectatur in Arundinetis, nam illic melius crescit.

Castaneæ, commixtæ Juglandibus, non putrescunt.

Lilia Rosis applantata, melius crescunt, & fragrantiores sunt.

Platanus gaudet ficu inferi, & accrescere.
Castanea Moro delectatur, & ferè omnibus aliis arboribus.

Quercus Castaneæ, Terebinthi, & Cerasi, admittit infitionem.

Punica malus omnibus aliis arboribus associari cupit.

Ficus Moro & Platano conjungi cupit.

Pyrus Amygdalo, Terebintho & Moro inferi cupit.

Nux soli Arbuto jungi potest, nam cæteris nocet.

Laurus Malo Damascenæ & Persicæ jungitur.

Cydoneæ & Caprificus omnibus ferè jungi gaudent.

Caprificus innumeras ficus producit, sed non mature-
sunt nisi circumpositis scemellis, & etiam sic fir-
mantur in arbore.

Nymphææ Ranunculi commercio delectatur.

Ruta Nymphææ benè accrescit.

Ficus Nepetæ consortio delectatur.

Pulegium Asparagum amat.

Agaracus Cedro accrescit.

Polypodium accrescit Quercui, vel apud radices ejus.

Epithymum in Thymo, & Lino.

Iva accrescit cæteris arboribus.

Uva una, livescens reliquas propinquas, livore inficit.

Unum pomum, putredine marcidum, quotquot at-
tingit marcida reddit.

Ruta & Ficus se mutuo amant.

Rosa, & Allium simul crescere delectantur.

Papaver Rheas, & Triticum mutuo consortio dele-
ctantur.

Aqua distillata Rosarum & Aurantiorum, solum
odorem emittunt, eo tempore quo Rosa & Au-
rantia florent,
Zythum,

Zythum. ex hordeo confectum, preservatur à Ca-
riophyllis.

Vinum instauratur à Betâ.

Cocao ita Ebenum amat, ut nullibi nisi sub umbra
ejus crescat.

Picearum umbrâ gaudent Tapfia, herba cuculi, Co-
tyledon.

Taxorum umbris gaudent Aconiti & Solani species.

Animalium Sympathia.

Delphinus, Lacerti, Elephantes, Canes, amant
Homines.

Puer seu infans recenter natus, sæpè iisdem tormini-
bus afficitur, quibus mater, ante lapsum umbilici.

Rubecula Phœnicuri sodalitio gaudet, nam ejus ope-
rura est à Noctua.

Insidia Pavonem amat.

Antagines & Perdices Cervos amant.

Columbæ Tinnunculum amant.

Hirundines hominum aspectu recreantur.

Vulpes cum Serpente amicè degit.

Corvus, Lupus, Picus, cum Vulpe.

Anas & Capo Bufones amant.

Galli & Gallinæ Araneas in deliciis habent, ut &
Simia.

Cervus Serpentes etiam in deliciis habet.

Sues etiam Salamandram amant, urfi formicas.

Ciconia omnia genera reptilium in deliciis habet.

Mine-

Mineralium Sympathia.

M Agnes amat ferrum, & limaturâ ejus pascitur.
 Aqua Tartari præservat argentum.
 Arsenicum fufum cum metallis, ea præservat à rubi-
 gine, &c.
 Cuprum gaudet associari Mercurio, item cum subli-
 mato Mercurio.
 Cuprum præservat oleum falis marini.
 Mercurius habet ad aurum Magnetismum, nam ab
 auro attrahitur.
 Argentum, dissolutum in aquâ Regiâ, adhæret ari.
 Et, in aquâ Regiâ dissolutum, adhæret ferro.
 Mercurius etiam argentum amat.
 Si multa metalla simul cum auro injiciantur in vas Hy-
 drargyro plenum, aurum fundum petit, cæteris
 supernatantibus.
 Aurum coalescit cum argento, pulvere Boracis.

Antipathia Hominis cum partibus Animalium.

L Epus marinus, vel assumptus, vel tactus, vomi-
 tum Cholerae, & sanguinis sputum, difficul-
 tem urinæ, & ulcus pulmonum, infert.
 Cantharides non solum assumptæ, sed & applicatæ in
 distantissimis corporis partibus, efficiunt vesicæ, &
 eam exulcerant, & stranguriam inferunt, quarum
 etiam cinis post combustionem idem facit.

Cati

Cati cerebrum qui comedit, vertiginem incurret, & stolidus redditur, mores, gesticulationes, & vociferationes Cati præ se ferens.

Fel Leopardi efficit vomitum materię viridis, Aloes odorem habentis, & Ictericus redditur assumens, & frequenter syncopizans moritur.

Cervinę caudę extremitas, angustiam & dolorem stomachi, cum syncope inducit.

Fel canis marini infert symptomata fellis Leopardi. Sanguis hominis irati & furiosi epotus, confundit sensus, & intellectum cum furore maximo, & inveterundiā, & mautismo paulatim consumpti potantes moriuntur.

Sanguis Tauri, assumptus vomitum sanguinis producit, præfocationem, spasmus, & mortem.

Spuma & sanguis Bufonis difficultatem anhelitus, intumescētiā corporis, cordis syncopen, mortemque inducit.

Sanguis puerperialis assumptus, lunaticum, leprosum, maleficum, & obliuiofum reddit, & si conceperit mulier fluentibus mensibus, iisdem, ut plurimum, tentatur infans.

Pisces cocti & rancidi faciunt ventris & stomachi inflammationem cum pectoris dolore, urinę retentione, brevi spirio, syncope, sudore frigido, & tandem mortem.

Scorpionis ictus vehementem infert dolorem & incendium, oculi torquentur, corpus videtur quasi guttis quibusdam percuti, in oculis lachrymę viscida, membra torquentur, horrores perpetui, & frigus etiam congelans, tumores sub axillis vel inguinibus,

bus, anus extra procedit, aliquando delirant, & loquelam amittunt, ignorantes omnia.

Tarantulae ictus relinquit hominem in statu quo invenit, sed potius dicunt saltationem continuam cum dementia, ab ictu ejus provenire.

Percussio Viperæ totum corpus tumidum reddit, Ictus aliquando flavum, aliquando nigrum infert, horrores, refrigerationes, mentis stuporem, singultus, febres, Hæmorrhagiam narium, difficultatem anhelitus subinde inferens.

Araneæ punctura tumidum reddit hominem, & hoc peculiare habet, quod puncti in excrementis & urinâ ejiciunt telis aranearum aliquid simile.

Aspidis morsus visus hebetudinem, tumorem faciei, surditatem & dolorem hebetem, cum torpore, crebros hiatus & inclinationes colli infert.

Si quis pertransiverit tumulum Embryonis mortui in utero, ante partum ferunt corpus ejus ita aduri, ac si se urticis fricuisset.

Canis rabidi saliva ex dentibus morso, in carne relicta, inducit Hydrophobiam, & omnia symptomata quæ in canibus rabidis videntur, & si alium memorderint, iis etiam accidunt talia symptomata, &c.

Dens cadaveris longâ tabe extincti, solo attactu dentes excidere facit.

Tempore conceptus, si contigerit mulierem pertransisse sedem leporis, infans bifurcato labio notabitur.

Capillus cadaveris longâ tabe extincti, calvitiam facit solo attactu.

Ungule jumentorum lascivientium dysentericis venena.

Catula luxurians, si manum alicujus lambat, vesicatur.
 Stragulum ex pelle gulonis (animal est in *Sueciâ* voracissimum) excitat insomnia de venatione, & epularum voracitate.

Crabronum, Apum & Vesparum ictu inflammationem partis causant.

Solifuga (animal exiguum est instar araneæ) fodinis argenteis frequens, si quem pungat, excitat vesiculam venenolam, unde oritur peltis.

In mortu canis rabidi crescunt vermes capite canino, item in demorforum urinâ.

Vinum in quo viva anguilla perierit, item in quo ponitur polluties ranarum, homines vinum pro vita spatio abhorrere facit, & abstemios reddit.

Sal Viperæ ptyalissimum homini excitat, quasi Mercurio usus fuisset.

Dipsadis morsus sibi intolerabili excruciat.

Piscis quidam, qui ob id febrificus dicitur, prænensori febrem inducit, si manu gestaverit.

Capræ pellis gestata vel odorata, epilepsiam reducit, & istud animal insultibus epilepticis maximè tentatur.

Sanies viperina, mixta cum sanguine humano, toxicum est hominibus lethale.

Urina arietum à muliere epota inhibet ejus conceptum.

Stercus leporis gestatum idem præstat.

Vermiculi noctu lucentes si exhibeantur homini, eum emasculant.

Si caudæ Pavonis pennas deferenti ex casu aut ictu contingat hæmorrhagia, non potest sisti sanguis nisi iis ablatis.

Indusia ex pellibus lascivientium animalium, gestantes lascivos reddunt.

Qui vestibus ex lanâ scabiosorum animalium licet tinctâ & præparatâ utitur, scabiosus evadit.

Odor cornu capræ Epilepsiam inducit.

Scarabei cornuti oleo subacti & appositi carpis, continuo febrem ardentem inducunt.

Medulla Arietis memoriam labefactat.

Mullus suffocatus in vino, & si deinde potatus, sterilitatem inducit.

Animalculum lacertæ instar, nomine Gnaris in occidente æstate frequens visitur, cujus ictus syncopen, livorem partis, & præsentaneam mortem infert.

Ferino sanguine epoto ferini mores induuntur: ut sanguis Lupi, Canis, Felis, Leonis, Tygris, &c. item carnes eorum sæpè commestæ.

Caro Porcina in Palestinâ & Ægypto lepram generat, si comedatur.

Carnes animalium non ruminantium, ex toto vel parte sunt venena, præcipuè si animal herbis, quæ hominibus venena sunt, vescitur, quia remanet qualitas superstes post pravam digestionem.

Radius pistinacæ marinæ infixus loco ubi minxerat aliquis, urinam ei sistit nisi evellatur.

Antipathia hominum cum vegetabilibus, prava inducentibus Symptomata.

R Utæ odor Epilepticis nocet, morbum inducendo.
Species avenarum est apud nos, quas avenas inebriantes

ebriantes appellant, quarum esu homines vertigine tentantur, cespitantes usque dum dormiverint.

Taxus tam presenti veneno est Narbonæ, ut sedentes sub ejus umbrâ strangulet.

Anacardis assumptus febres excitat, apostemata, morphaeas & lepram.

Herba Sardonia risum facit ad mortem.

Sorba arbor si quis sub eâ jacuerit, qui prius à cane rabido demorsus in rabiem rursus fertur.

Lolium exhibitum vertiginem inducit.

Baccæ Taxi profluvia ventris excitant hominibus, & febres.

Cornus vel Sanguinaria attactu, demorsos à cane rabido rursus in Hydrophobiam conjicit.

Coriandrum recens cum inconstanti sopore mentem turbat, aphoniam inducens, hominem stupidum reddens.

Ulus multus Papaveris Rheados, infatuat & stupidos reddit homines.

Salicis decoctum exhibitum jejuno stomacho, sterilem reddit.

Mentha apposita matricis orificio aut prope, conceptum impedit; hoc negant practici.

Mentha, si exhibeatur vulnerato, non facile curatur.

Trifolium coctum sanis impositum, doloribus lancinat.

Piper Indicum tussim causat stercorationem & vomitum.

Triticum viride lumbricos in homine generat.

Item idem præstant nuces Indicæ.

Aloe Hemorrhoides provocat.

Apium lactantibus malum, nam si eo nutrantur nutrices, epilepsiam inducit.

Fabarum

Fabarum flores eos quia ad maniam aut melancholiam propensi sunt, furere faciunt mentem turbando.

Lysimachia melancholiam inducit, excepta ea quae luteo est flore.

Crocus agrestis dysenteriam inducit.

Orobi vel Erui continuus usus sanguinem per meatus urinarios & anum expellit.

Flos in capite arundinis vallatoris, si imponatur auribus, surditatem causat.

Atriplicis sativa usus pustulas rubentes in facie excitat, item morbum regium producit.

Pomum Solani sylvatici phrenetidem & amorem insanum producit, item semen Solani hortensis.

Napelli succus facit vertiginem, syncopen, apostemationem linguae & labiorum, oculorum egressum, tenasnum, & si evaserint, feбри hectica corripuntur.

Cornuspicæ assumptum facit mictionem sanguinis, nigredinem linguae cum phrenesi.

Hyoscyami radices inducunt stuporem, mentis alienationem, Scotomam, vertiginem, Catalepsi, rubedinem oculorum, inflammationem linguae, spumant etiam ore & rugiunt sicuti mulus, cum siti intolerabili & dysuria.

Tithymalus & ejus species Scammonium & Mezereon eadem symptomata inducunt, nauseam, singultum, torsiones ventris cum fluxu, vocis defectum cum spasmo, & subinde mortem, in magna dosi.

Oleandri succus intestinorum & stomachi inflammationem, cordis tremorem, & syncopen inducit.

Brioniae succus crudè assumptus, Scotomiam, cordis angustiam & stoliditatem inducit.

Cyclaminis

Cyclaminis succus strangulationem & suffocationem facit.

Cicuta inducit stuporem & sensuum amissionem.

Aconiti omnes species, præcipuè autem **Pardalianches** assumptus, vel manu donec tepescat detentus, vel si diu odoretur, congelant spiritus, Scotomam oris apostemata & apoplexiam inducunt.

Mandagoræ poma & radices, stuporem, mentis alienationem, amentiam, & ruborem ferinum oculorum, lethargum; **Papaver nigrum** etiam supra scripta symptomata facit.

Opium assumptum, commata, catalepsies & stuporem inducit, & insensibilitatem cum somno profundo adfert.

Fungorum species multæ ventris & stomachi inflammationem cum pectoris dolore, urinæ retentione, brevi spirio, syncope, sudore frigido, apoplexiam & mortem inducunt.

Ficus Pharaonis tertianas febres inducunt, ac totius corporis fractionem & hydropem.

Colocynthis in magnâ quantitate eadem symptomata quæ **Scammonium**, **Tithymalus**, &c.

Serpentariæ semen, oris & gutturis inflammationem & excoriationem cum tremore cordis infert.

Euphorbium eadem symptomata cum fluxu immoderato.

Thymelæa ventri prægnantis applicata, partum extinguit.

Si ignis ex lignis ficulneis accendatur coram hernioso, crepitant ejus testiculi.

Fructus brevioris vitæ (ut horarii) & animalia quæ

his vescuntur, si saepe his utamur, vitam nostram abbreviant.

Succus rithymalli soli mistus, & stercore humano, recenti impositus, ventrem solvit.

Umbra Juglandis hominibus gravem capitis dolorem infert.

Antipathia hominis cum Mineralibus & Lapidibus.

Argenti vivi usus, Apoplexiam, Epilepsiam, nervorum tremorem, dentium casum, & congelationem spirituum, si crudè usurpetur, inducit, cum Ptyalismo potenti.

Lithargyron dolores intestinorum & rejectionem fecum per superiora cum passione Iliacâ infert.

Cerussa linguam albificat, dentes denigrat, singulorum & tussim inducit, dolorem & tensionem ventris, sanguinemque externere facit.

Gypsum difficultatem anhelitus, colorem lividum, & stipticitatem alvi causat.

Scoria ferri inducit dolorem ventris & capitis, cum oris & gutturis Inflammatione & febre hecticâ.

Scoria zris dolorem & termina ventris, cum fluxu ingenti & vomitu inducit.

Realgar sitim, astuationem & contractionem membrorum facit.

Plumbumustum mutat colorem linguae & labiorum in plumbeum, & suffocationem spirituum cum morte inducit.

Qui magnetem in potu sumpserit, Lunaticus & melancholicus redditur.

Lapis Lazuli in magnâ quantitate & non ablatus subversionem stomachi, tristitiam, solitudinem & melancholiam inducit.

Arsenicum adurendo, sitimque intolerabilem cum doloribus stomachi sævissimis inducendo, necat. Sarcophagus lapis carnem exedit, consumendo.

Stibium aut Antimonium cum fluxu vehementissimo Convulsiones atroces omnium membrorum inducit, aqua infusionis ejus in pavimento sparsa alvum movet, si pedibus nudis attingatur, item in annulo gestatum idem facit.

Aquæ Chrysulæ suffusus, Apoplexiam inducit.

Corallium si carnem mulieris hysterice aut fluxu menstruo laborantis tetigerit, colore mutatur & pallefcit, si removeatur pristinum recuperat splendorem.

Animalium cæterorum Antipathia, cum partibus Animalium, & partium inter se.

Pedes leporis ano ligati, non permittunt canes lacrare.

Assatura hirci, armenta caprarum & bonum fugat.

Stercus bovinum fugat cimices.

Fumigatio cum herbâ Scorpione, fugat Scorpiones

Fumigatio ex stercore vaccino vel cervino, fugat Leontas.

Fumigatio

Fumigatio pulmonis Asini in domo, necat vermes,
Serpentes, & venenata omnia.

Plumæ caterarum avium cariem subeunt, à pennis
aquilarum si iis misceantur.

Pannus è sponte mortuorum Animalium lanis, mor-
foraminibus scater, velut cariè resolutus, quibus
locis fila mortua insunt, quod non cernitur si to-
tus pannus ex mortuorum lanis fiat.

Tympanum ex pelle vitulinâ & agninâ mutescit, so-
nante ex lupinis hoc negat *Kircherus*.

Plumæ ferarum si pulvillis indentur, excitant peregri-
na insomnia.

Stragulum ex pelle Gulonis, (animal est in *Sueciâ*
voracissimum) excitat insomnia de epularum vo-
racitate.

Si pellis lupina ponatur inter ovinas, lanæ earum
sponte cadunt.

Carnes Serpentum & venenosorum Animalium, iis
venena sunt, ut caro viperina viperis exhibita, &c.

Mures fugiunt halitum murium putrefactorum.

Chordæ ex intestinis lupi, & ovis, si in instrumentis
extendantur, semper discordant.

Vulneris fuci Antidotus muscæ contritæ & appositæ.

Milvi fimus, si eo suffumigeretur domus, fugat Serpen-
tes, araneas, & venenata animalcula.

Odor corii combusti, fugat venenata animalcula.

Dum caseus fit, si aliquantillum cerebri mustelæ im-
posueris, non attingunt neque glires neque mures.

Toxici Scytharum Antidotus Cantharides.

Os capitis equæ, fugat Erucas ex hortis.

Si suspendatur caput, pellis, aut cauda lupi, super
præsepe

præsepe non comedent boves nec oves, sed timent & moventur de loco in locum: hoc negant multi.

Hyæna pellis contactu, Pardi pellis pili decidunt.

Vespertilio solo attractu ova Ciconiæ sterilia reddit.

A Scorpione aliquando percussi, nunquam crabronibus, vespis, apibusve, percutiuntur.

Vestes quæ fuerunt in funere, nunquam à tineis attinguntur.

Suffitus penarum Upupæ fugat muscas, araneas, & Scorpiones.

Capri abhorrent salivam hominis, & si homo aliquid prius tetigerit aut gustaverit, non attingunt.

Qui stercus leporis habet ab eo terrentur lupi.

Cimices lectularii in vino exhibiti, abigunt hirudines adherentes in distantissimis corporis partibus.

Sanguis hircinus in lecto omnes pulices necat.

Pulvis lumbicorum lumbricos interimit.

Animalium cæterorum Antipathia cum Vegetabilibus & contrà.

Corallina, & semên Santonicum & Portulaca, vermes necant.

Dictamnus fugat Serpentes.

Palma Christi Talpam fugat.

Laurus vel ejus folia strata, abigunt venenata ex ædibus.

Decoctum Nigellæ sparsum in domo, pulices necat & abigit.

Dra-

Dracunculus minor est Serpentibus venenum, & ad
vernationes Serpentum se è terrâ exerit, & dis-
cedentibus iis non ampliùs cernitur.

Sabina & Rhododaphne, omnia Animalia necant, ex-
cepto homine.

Regulus fugit Rutam.

Fraxini folia, item & sola umbra, fugat Serpentes.

Scorpio torpescit Aconito, item ab arbore Avellanâ.

Organum Serpyllum, Solanum, Abrotanum, As-
phodelus, Centaureum minus inimica venenatis
& Serpentibus.

Succus Taxi viperam interficit, & volatilia depennat
aut jugulat.

Arum, Scammonia & Aconitum quadrupedes omnes
aversantur in pascuis.

Viperæ Fagi vel arundinis ramulo tacta stupescunt.

Apium & Batrachium ovibus lethalia, & ea in pas-
cuis fugiunt.

Anchusa manibus portata arceat Serpentes.

Echium idem præstat.

Succo Rhaphani si imbuantur manus, impunè tra-
ctabunt Serpentes.

Taurus licet furens ficui alligatus mansuescit.

Cancris si ponantur in loco ubi est Polypodium, un-
gues ex pedibus decidunt & corrumpuntur.

Scorpiones contactu Herbe Scorpionidis exanimantur.

Ranunculus flammæus corrumpit tecur ovium, & ex
comestione ejus, animalcula instar solem in co-
crescunt.

Contactu lychnis Coronaria Scorpiones torpescunt.

Eringium ore unius capre detentum, totum gregem
libat.

Lupus

Lupus ab Allio sylvestri terretur, nam si suspendas
allium collo unius reddit totum gregem à lupo
immunem.

Serpens quernis foliis contactus moritur.

Aspis contactu radice Halicacabi seu Vesicariæ mino-
ris stupefcit, neque rursus potest excitari.

Culices non ingrediuntur ubi est semen Comini, item
ubi sunt folia Cannabis.

Succus allii Curculiones abigit & necat.

Telephium genitalibus omnium quadrupedum ap-
positum eos necat.

Thymelæa solo odore vermes necat.

Succus Genistæ aut Rapiſtri pediculos necat &
Phthiriasi adverſantur.

Radius Paſtinacæ marinæ arborum radicibus infixus
iis est venenum.

Origanum formicarum cellulis impositum eas inter-
ficat.

Semina quæ in boum cornua impingunt effata red-
duntur.

Apium Blattas interficit, & hirundines nidis im-
ponunt ut eas arceant.

Leo & lupus si conculcaverint Ilicis vel Scyllæ folia,
torpeſcunt.

Canibus Fraxini fructus venenum, neque adoriuntur
ſues iis paſtas.

Lupus si tetigerit Lycoſtanum Herbam, Convulſio-
nibus tentatur.

Mandragoræ ſuccus ebur emollit.

Malva aut Althæa aculeatis omnibus inimica ſunt,
neque feriunt quemlibet ea portantem.

Vespertilio

Vespertilio torpore corripitur à Platano, ideoque Ciconiæ folia nidis imponunt, ut se defendant & ova sua à Vespertilione.

Atriplex suis venenum est.

Chamæleon canibus, & cæteris venenum, hominibus Antidotus.

Folia Sambuci in cavernâ Talpæ imposita eam abigunt.

Decoctum Cannabis vermes ex foraminibus educit & necat.

Abſynthium interficit & fugat mures, ita ut, si atramento Scriptorio misceatur, libri sint immunes à muribus.

Ulmus inimica apibus neque benè apud eam vivunt. Nux vomica Cornices, Vultures, Canes, & Feles necat.

Hypericon vermes & tineas abigit.

Polypus Piscis fugit pulicariam herbam & ejus succum.

Omnes Pisces, asam fatidam fugiunt.

Vespertiliones Eryngium averſantur, ita Ciconiæ ejus usu à vespertilionibus se defendunt.

Animalium cæterorum Antipathia cum Mineralibus.

Argentum vivum venenum est vermibus & pediculis.

Gagates lapis Serpentes fascinat.

Arsenicum gliribus & muribus inimicum.

Realga

Realgar & Auri pigmentum idem præstant odore
tenuis.

Fumigatio ex Vitriolo mures fugat.

Hominis Sympathia cum par- tibus Animalium, quæ morbis ejus ad- versantur vel sponte intus genitis vel ab externis.

Antidotus veneni leporis marini est sanguis an-
serinus caro vulpis, Rubetæ cinis.

Moschus est Antidotus cerebri Cati assumpti.

Carnes viperinæ auxiliantur symptomatibus ortis ex
felle Leopardi & felle canis marini.

Carnes viperinæ contrariantur etiam symptomatibus
sanguinis furiosi & rabidi hominis, item renovat
carnem Elephantiacorum.

Coagulum leporis medetur malis ex sanguine tauri-
no epoto ortis.

Caro Serpentum resistit sanguini puerperiali assump-
to.

Carnes viperinæ morsus viperæ antidotus.

Aranea ipsa apposita & trita resistit puncturæ ipsius.

Saliva humana, item Oleum Scorpionis resistit vene-
no ejus.

Urina ipsius demorfi resistit malis ex morfu Aspidis
ortis.

Virga Tauri, fimus equinus, dens apri, Pleurictidi
medentur.

Vermium pulvis exhibitus vermes in homine necat.

Cancrorum

Cancrorum cinis, item caro, pili, & hepar canis
hydrophobiam ex morfu canis rabidi arcet.

Talpæ pes applicatus sincipiti fascinationi resistit.

Pannus tinctus in sanguine leporino assumptus & ad-
hibitus, antidotus est Erysipelatis & Dysenteriz.

Cancri fluviatiles auxiliantur demorsis à colubro.

Cor hirundinis devoratum memoriz labifactatæ me-
detur.

Cor Turturis palpitans & ranarum viventium oculi
veglutiti vel amuleticè gestati curant Tertianas.

Serpentum viventium dentes gestari curant quatta-
nam.

Capillus cadaveris longâ tabe extincti calvitiei cau-
sat attactu.

Talpæ vivæ dens dentium doloribus medetur.

Cranium hominis medetur Epilepsiz, item ungula
Alcis.

Cingulum ex pelle humanâ gestatum idem præstat.

Linguâ hirundinis exsiccata & sub linguâ detenta
exosculatis philtrum esse dicitur.

Dens cadaveris longâ tabe confecti solo attactu pa-
cat dolorem dentium, & dentes deciduos reddit.

Spleneticis succurrit potus suæ urinz.

Rhinocerotis sanguis exhibitus resistit febribus ma-
lignis & moribus Tygridis.

Pisces Mullus antidotus est veneni Draconis Marini,
id est Murzæ : Scorpii, & Aranei, item ipsius
caro & pinguedo superposita.

Schini caro impotentiam veneream curat.

Bufo alligatus sistit Hæmorrhagiam.

Piscis Anthropomorphos Syrene dictus idem præstat,
si ossa ejus exhibeantur trita. Stercus

Stercus muris tritum idem præstat præsertim in Hemoptysi.

Medullæ arietis veneno succurrit caro Phasiani comesta.

Scobs dentis Hippopotami Hæmorrhagiam sistit.

Testis suis domestici venere utentis est optimum Antiepilepticum.

Apri testes valent contra sterilitatem.

Os de corde cervi gestantem reddit immunem à venenatorum moribus.

Pastinacæ Marinæ radius dentium dolori medetur.

Ad ligationem solvendam fel Corvi cum Oleo Selsamino valet, item suffumigium ex dente cadaveris, item cor Cornicis.

Coria pedum Gallinarum sub cinere tosta verrucas abigunt.

Fimus Porcinus fluxum narium sistit.

Hyanz Corii particula gestata Hydrophobia amuletum est.

Aranea amuleticè Brachio apponitur ad febrem quotidianam.

Vermis in Dipsaci capite inventus valet ad quarantanas.

Pici viridis pulvis ad Epilepsiam.

Dens Canis rabidi amuleti loco gestatus præservat à moribus Canum.

Aranea contusa, si juxta nares teneatur, Hæmorrhagiam insistit.

Pellis leonis particula apposita ano Hæmorrhoides sanat.

Cingulum ex lupinâ pelle conceptum retinet & ex corio equi marini. Puncturas

Puncturas Scorpionum mus appositus sanat.

Ictus Gnatæ curatur à stercore humano epoto, & aliis alexiteriis non cedit.

Exuvie Serpentum mulieri circumdatae aut plantis appositæ partum accelerant.

Pennæ vulturis subditæ pedibus parturientium idem præstant.

Catuli coagulum in aceto epotum curat hydrophobiam, & continuo aquam appetunt.

Umbilicus infans exhibitus (sponte cadens) conceptum promover.

Officulum in vertice Cyprini Piscis est, quod contrahitur Epilepsia.

Sanguis picæ certo experimento, verrucas ex toto corpore tollit.

Pellis vituli marini applicata hydropicis aquam exhaurit.

Intestinum lupi ad Colicum dolorem valet.

Cor Vespertilionis ad accersendum somnum valet, si gestetur.

Officulum è poplite leporis amuletum Spasmi.

Testudo mascula quæ cognoscitur ex levi incisurâ sub inferiori teste alligata membro sanat Arthritidem.

Pulvis ex visceribus Milvi & ejus carne sanat Elephantiasin.

Ho-

Hominis Sympathia cum Vegetabilibus quæ morbis ejus adversantur.

G Rana Alkekengi & semen Cucumeris Cantharidum antidotus.

Urtica rubra antidotus fellis Leopardi & canis marini.

Nux Avellana Pistacia veneno extremitatis caudæ cervinæ contrariantur.

Semen caulis cum aceto Antidotus veneni sanguinis Tauri.

Allia cruda, pulvis Calamenthi veneno & morbis à piscibus rancidis ortis contrariantur.

Abrótani succus adversatur veneno Scorpionum.

Scorzonera percussis à viperâ succurrit.

Endivia, Melissa, Carduus benedictus, Ruta puncturis Araneæ medentur.

Acetum largiter potatum Aspidis veneno adversatur, item veneno avenarum inebriantium.

Cynorrhodi radix, Gentiana, Melissa, Ruta hydrophobis profunt, & medentur morbis canis rabidi.

Pzonia, Saponaria, Valeriana agrestis, Epilepsiam tollunt.

Argenti vivi Antidotus sunt Scolopendria, Ruta, Juncus Indicus quem Icho appellant, hydrargyrum ex corpore gallicatorum trahit, si eo suffumigentur.

Decoctum apii morbis ex Lithargyrio ortis resistit.

Vinum ad ebrietatem morbis à Cerussâ ortis adversatur.

Cineres

Cineres sarmentorum vitis aut fabarum in vino hyssopi morbis à gypso ortis, succurrit.

Apii succus morbis ex scoriâ aris originem habentibus prodest.

Oleum nucleorum pini symptomatibus à Realgare ortis medetur.

Opium & adstringentia adversantur venenis laxativis, succus Ribium Scammonia, Origani succus Mezereo, &c.

Agnus castus, grana Juniperi succurrunt morbis ab Oleandri succo ortis, item Satyriasi.

Piper nigrum succo Brionia contrariatur.

Piper album medetur morbis à succo Cyclamini ortis & Aristolochia.

Antithora antidotus aconitorum omnium & malorum ab his ortorum.

Urtica minor Romana occurrit symptomatibus à Coriandro recenti ortis.

Radix Rhaspiani medetur veneno pomorum Mandragoræ assumptorum.

Allium est antidotus Papaveris nigri.

Vini spiritus antidotus Opii.

Allium, Calamentha, Absinthium, Sinapi contrariantur morbis à comestione fungorum ortis.

Nasturtium, grana Fisticorum, pini, Hyoscyamo contrariantur.

Semen Cucumeris & lac ejus ficus Pharaonis antidotus.

Semen Citri Euphorbii antidotus.

Hordei Cremor Serpentaria symptomatibus adversatur.

Vinum antidotus Solani sylvatici.

Fraxini

- Fraxini succus ad morsus serpentum.
 Hedera ad Anguinam & cochlear ex ea confectum.
 Squilla ad Epilepsiam.
 Corallium nigrum, quod Antipathes dicitur, Phre-
 netidi succurrit.
 Antirrhinum & Pervinca liberant à fascinatione &
 incantamentis, vel intus assumpta vel amuletice
 apposita.
 Cicuta Satyriasis muliebris antidotus.
 Mespili lignum pro amuleto liberat mulieres ab
 abortu.
 Hamarrhois seu Chondrilla herba contactu hamar-
 rhoides sanat, item folia Sambuci apposita.
 Fraxinus ad lepram, item Veronica decoctum, item
 Saponaria.
 Chamæpitys & Brassica, folia Persici arcent ebrie-
 tatem.
 Dictamnus ad partum accelerandum.
 Radices Acetosæ & Plantaginis appensæ amuleta
 sunt morbillorum.
 Folia Lopathi solvunt ventrem, semina adstringunt.
 Trifolium demorsis à Vipera succurrit, sanis im-
 positum doloribus lancinat.
 Laserpitium antidotus venenatorum animalium.
 Herba nascentes in fimetis ruri ad anguinam.
 Radix Hyoscyami albi portata amuletum est Co-
 licum.
 Herba Paris antidotus Aconiti.
 Echium & Malva folia arcent Serpentes & eorum
 venena.
 Chamæleon album cardui species venenum est cani-
 bus

bus & suis, homini alexipharmacum contra venena.

Planta Indica sanguinalis Panacea curat omnes morbos carnis applicata per sudorem sanguinis.

Alga marina contra inordinatum appetitum praegnantium Cictam.

Radices Arnoglossi suspenduntur collo ad scrophulas.

Taraxacum, Papaver Rheas Pleuritidi medentur, item succus Bellidis.

Scordium & Centaureum minus venenatorum ictibus medentur.

Anacardis antidotus lini semen torrefactum.

Rhododaphnes antidotus Juniperi succus, Apii risus, melissa antidotus.

Hellebori albi antidotus Nymphaeae flos.

Chamaepityos ramis coronati non inebriantur.

Caltha movet menstrua per sympathiam, nam sanguis mulieris bene valentis redolet Caltham.

Polypodium contusum & plantis pedum parturientium applicatum partum accelerat.

Foeniculum in nutricibus lac generat.

Phu Dioscoridis, verbenae flore purpureo, Hypericon, abrotanum, Ruta valent contra maleficia Cacodemonis.

Argentinae folia plantis pedum apposita, spatio unius diei Dysenteriam sistunt.

Helleborus niger femori interno alligatus menses movet, partum accelerat, & fatum mortuum attrahit.

Afa fatida uterum furibundum compescit.

Personaria

Personaria vel lappa, si iumma vertici applicetur, matricem pendulam retrahit: si plantis pedum applicetur, detrahunt.

Brassica folia idem præstant eodem modo adhibita.

Contactu umbræ Tiliæ, capitis dolores exorta ab umbrâ juglandis curantur.

Animalium cæterorum Sympathia cum Vegetabilibus.

Venenata animalia sympathiam habent cum Pino, Piceâ, Quercu, Cupresso, Nuce, Buxo, Napello.

Palumbes, Monedula, Merula, Perdices, laurum amant, & morbos suos abigunt lauri foliis.

Testudines Cicutam amant, & morsus suos eâ adjuvant.

Ursi Mandragoram amant, & eâ curantur.

Apri hederam amant, & eâ tanquam Panacæâ utuntur.

Asini amant Ceterach & Scolopendriam.

Aves aquaticæ delectantur salviâ fontanâ.

Gallinæ Alfine, Anseres Hieracio gaudent & Accipitres.

Rana, Bufones, Serpentes, licetæ esu vel attractu Ranunculi recreantur.

Catus Nepetam amat, canes gramen.

Cervus transfixus Serpentariâ & Dictamno se curat.

Bufo munit se ab hoste Araneâ & morbos curat Plantagine.

Mustela

*Mustela Rutasin amat, & eas munit à Regulo.
Serpentes amant Faniolum, & visum ab eo robo-
rant.*

Grues Sefeli amant & iis medetur.

Ciconia Origano delectatur.

Columba Verbenâ delectantur.

Hirundines curant oculos Chelidoniâ.

Ibi pasta serpentibus utitur Origano pro antidoto.

*Scorpiones exanimati contactu herbæ Scorpioidis,
excitantur rursus. contactu radicis Hellebori
albi.*

*Mustela à serpentibus laesa, salutem querit à Ver-
basco, & ejus folia apposita ictus serpentum sa-
nant.*

*Cervi Elaphobosco pasti resistunt moribus serpen-
tum.*

*Ulmî & Persicæ folia præter solitum tempus deci-
dentia portendunt pestem in jumentorum & pec-
cuno genere.*

*Aristolochia rotunda pisces ad se allicit & inebriat
ut capi possint.*

*Dictamnus applicatus ventri Capræ facit lac ei a-
bundare.*

*Per cribrum ex pelle lupinâ transmissa semina quævis
crassescunt.*

*Per cribrum ex pelle Phocæ marinæ transmissa semi-
na gradini & tempestatibus resistunt.*

*Solanum sylvaticum collo boum appensum curat eo-
rum vertiginem.*

*Equi si leviter percutiantur fuste ex Sambuco con-
fecto provocat in urinam remorantem.*

Bubo Thymum amat & sub eo delectatur jacere.
 Asini Ferulam in deliciis habent, quā pereunt equi.
 Coturnices Veratro delectantur.

Homini Sympathia cum Mineralibus & Lapidibus quæ morbis ejus adversantur.

Magnes Herniam curat, Catarrhum sistit, uterum firmat, quartanam hydropem, & Cephalalgiam profligat.

Si Sapphiro Anthrax aut Bubo fricentur, curantur.
 Lapis Alectorius in stomacho veteris Galli reddit gestantem apud omnes gratiosum & audacem.

Ætites valet contra abortum, si brachio sinistro aut collo applicetur; contra verò si femori interno.

Gugates lapis hydropicis confert.

Succinum applicatum pulsibus amuletum pestis est.

CrySTALLUS generat lac mulieribus.

Unionum pulvis, Bezoar, Rubinus, Granatus, Smaragdus, Hyacinthus cyaneus cordialia sunt.

Terra lemnia & Armenia veneni Aranei, Cantharidum, leporis marini antidota.

Smaragdus collo alligatus, Epilepsiam, & ventris dysenteriam eradicat.

Selentes lapis sistit sanguinem in quacunque parte corporis, si pelli applicetur, & tertio digito applicatus sanat dysenteriam in unius horæ quadrate.

Sulphuris odor pacat furores uterinos.

Ossi fragus lapis curat & conglutinat ossa fracta exhibitus, item confert lithiasi & Podagræ amuletice gestatus.

Succinum est antiepilepticum & urinæ difficultatibus succurrit.

Lapis bufonis puero appensus certo experimento lumbricos necat & expellit, item moribus Araneæ & ipsius spumæ contrariatur.

Sardonius lapis ventri alligatus conceptum firmat.

Lapides Cancrorum in vino dolori splenis medentur.

Electrum minerale arcet malificia sagarum & in cantamenta.

Hydrargyrum antivenereum est, & c. pro amuleto colico portatur.

Chalcedonius lapis Melancholiæ antidotus.

Chelidonium lapis lunaticis medetur amuletice appensus.

Arsenicum, Auripigmentum sublimatum sunt amuleta pestis, licet non convenient cum homine

Jaspis virudis os stomachi adjuvat, & sanguinem fluentem cohibet.

Hieracites lapis Indicus Hamorrhoides sistit.

Corneolus lapis in armillis idem præstat.

Lapis Corvinus ex Corvo pisce sumptus dum palpitat, Colicos dolores sanat.

Lapis Colubrinus si ventri alligetur, hydropicis aquam exhaurit.

Sapphirus arteriæ applicatus minuit calorem febrilem.

Adamas madendo venena irrita reddit.

Lapis Spongiæ collo gestatus tussim cohibet.

Plumbum

Plumbum & varia ex eo medicamenta ulceribus tam internis quàm externis medentur, nam amicum est carni humane.

Stannum & ex eo composita medicamenta uterum furibundum placant.

Aurum adversatur Elephantiasi.

Ferrum & Chalybs & ex iis composita Splenicis succurrunt.

Argentum & ex eo composita Epilepticis conveniunt &c. ex libris Chymicorum passim desumenda quibus referti sunt.

Animalium cæterorum Sympathia cum Lapidibus & Mineralibus.

Struthiocamelus ferro maximè delectatur, & illud in stomacho conficit.

Galligallinæ aureis nummis maximè delectantur, & deglutiendo in stomacho digerunt.

Mineralium Sympathia cum Vegetabilibus & contrà.

Vinum sulphure præservatur à corruptione.

Ligna oleo Sulphuris præservantur in ævum.

Vina à fulmine præservantur si ferrum doliis superponatur.

Magnes servatus foliis laccæ sive Kermes, & Ictis sylvaticæ roboratur.

Coryli

Coryli virga eodem modo concinnata quo acus nau-
tica venas argenteas monstrat.

Sic virga ex Piceastro plumbum monstrat.

Aurum & argentum attrahunt Olivas & Palmas, ut
testantur thesaurorum occukorum investigatores.

Aqua Tartari præservat argentum à rubigine.

Lapis Aetites appensus ficus radici omnes ficus matu-
ras ex arbore detrahit & arbor infecunda in po-
sterum redditur.

Stannum cum plumbo, cupro, ferro, argento coit
cum pice Græcâ.

Antipathia Mineralium cum Vegetabilibus.

FRUCTUS Ananas eâ vi pollet ut ferrum aut chaly-
bem propinquum consumat.

Portiuncula argenti vivi in medicullio arboris impo-
sita impedit ne crescat arbor.

Agrifolium foliis perpetuò visentibus & spinosis, si
injiciatur igni quo utuntur in liquando & purifi-
cando ferro, impedit liquefactionem ejus & fria-
bile reddit, quod quotidie experiuntur ejusmodi
artifices.

Ferrum molle redditur à succo Cicutæ.

Succinum si fricetur oleo festucas non trahit.

Lignum in aqua Salis gemmæ lapidescit.

Antipathia & Sympathia Speciales.

INter omnia metalla Magnes solùm attrahit & attrahitur à ferro.

Lapis Theamides inter omnes lapides ferrum solùm à se pellit.

Quidam Rosas, pisces, carnem suillam vel carnem omnem, lac, caseum, ova, Sylibrium, rutam, Hericium animal, Catum, mures, vinum Allium, panem mannam abhorrent, ita ut, si ea comederet aliquis qui speciali Antipathia adversatur, aut videret, in lipothymiam continuo caderet.

Aliqui Cicutam sine noxa comedunt.

Aliquis lapidibus pascitur.

Aliqui à serpentibus immunes sunt ut Psilli, à scorpionibus Hydaspis fluvii accolæ in India.

Quidam Helleboro potu non purgantur.

Alii à raneis sine noxa pascuntur.

Aliqui aspectu medicamenti purgantur.

Quidam cremorem Tartari, quidam Diaphanicon abhorrent.

Aliqui viso mari purgantur vomitu, non solùm navigantes.

Veratrum in argo Tridentino non purgat, in omnibus aliis locis summè purgativum.

Adamas presente toxico sudat.

Quendam novi qui legendo tractatum de Chymo & Chylo animi deliquio tentabatur.

Antipa-

Antipathia eorum quæ sub nullo prædictorum continentur.

Electrum non trahit Ocymum, utut reclamante Keirchero.

Electrum minerale arcet maleficia sagarum, si gestetur.

Topazius verus si imponatur aquæ bullienti, continuo defervet.

In tabulâ planâ ex Bismutho frustrum Succini, & tribus inde spithamis colloca vitriolum viride, mox hoc colorem & acredinem invisibiliter amittet.

Flante vento turbatur Zythum ex lupulis & hordeo factum.

Quercus excisa, flante Borea, verminosa redditur. Siquis, dum panes in Clibano sunt, calidas placentas ex eadem massâ scindat cultro, cuncti panes in clibano integrâ crustâ à micâ divelluntur.

Item si, tempore dum panes in furno sunt, aliquis rectum ejus conscendat, aut aliquo modo concutiat, idem continget.

Gallinâ ovis incumbante si in iisdem ædibus ovum igne affetur, intereunt pulli exclusioni vicini.

Si lac vaccarum ab uberibus calens projiciatur super prunas candentes, inflammantur cum dolore ubera, & lac discedit, quod etiam sæpissimè accidit mulieribus.

Crescente Lunâ decrescit Capè, licet omnia alia bulbosa crescant.

Cina.

Cinamomum ex patrio solo planatum degenerat in laurum.

Piper extra patrium solum, nampe in Italiâ plantatum, producit hederam.

Gingiber ex patrio solo Arabiâ desumptum, marore tabescit.

Aquaticæ plantæ ad arida loca transplantatz phthisi pereunt.

Aridæ in locis aquaticis Hydrope pereunt, &c.

Galaxias lapis in mediis flammis non potest califieri.

Si furculus Borealis arboris Australi ramo inseratur, non crescit.

Pomum in duas partes æquales dissectum, si iis verrucæ fricentur, usque dum tepescant conjunctis pomi partibus filo si reponatur ubi putrescere potest, disparent verrucæ, si verò non putrescat, manent: hoc etiam verificatur in particulâ carnis eodem modo adhibitâ & sepultâ.

Phocæ marinz pellem qui gestaverit immunis redditur à fulmine, ut & ipsum animal dum vivit.

Vinum adustum cum sulphure aut Pipere si super-spargantur stercori calenti, dysenteriam & scabiem ani, cacanti inferunt.

Si vasi ex hederâ confecto instilles vinum aquâ dilutum, extillabit aqua vino remanente.

Siquis Verrucas, Melicerides, nactas, & ejusmodi excrementias collecto in conum vitri lunæ lumine, superradiet donec frigus percipiatur, suâ sponte evanescent.

Hydrops, monia, & morbi lienosi dissolvuntur & Dysenteria.

Febris

Febris Apoplexiam fugat.

Febris ab Ictero post diem sextum superveniente pellitur.

Lethargus à delirio expellitur.

Epilepsia non patitur tertianam febrem aut quartanam longam.

Corallium rubrum si carnem mulieris hystericae aut fluxu menstruo laborantis tetigerit pallescit colorem mutando, removendo pristinum recuperat splendorem.

Oleum Tartari instillatum infusioni foliorum Sennae rubicundam reddit.

Oleum Vitrioli recuperat splendorem Rosae marcidis & discoloratis.

Confossus cadaver praesente homicida ante iudices cruentatur.

Si farina ex tritico fiat quando germen emisit, pulkes ex eo nulla coctione spissantur.

Vasa ex Aurichalco si sunt in mensa ubi est venenum, varios attrahunt statim colores.

Smaragdus, si sit in manu ejus cui offertur venenum, statim viriditatem amittit, & alium colorem induit.

Cornu serpentis si teneatur in mensa ubi est venenum, induratur.

Sues, ut & boves à scorpione morfi non laeduntur nisi ingressi fuerint aquam.

Pestilentes febres, Phthisis, morbilli, ophthalmia, lippitudo ad distans contagio inficiunt; Phthisis pulmonibus officit, ophthalmia oculis, vertigo capiti, plica Polonica capillis, &c.

Sanguis

Sanguis hircinus Adamantem emollit.

Serpentes, Ranae, Bufones, Araneae, ut & alia venenata in Hiberniâ non generantur neque vivunt. Muria carniû salitarum impedit generationem pulicum.

Igois, aeris humiditas, sebum, oleum, rubigo, scabrities, pruinae, pluviae, radii Solis Magnetis vim resundunt. Item si detineatur in aquâ quâ utuntur lapidibus ferrâ secandis totam vim amittit. Si succus venenatae plantae ponatur apud radicem aliqujus salutaris plantae, ut succus Aconiti, hyocyami, &c. ad radicem Brassicae, Boraginis, Buglossi, &c. redduntur venenosa, sic & arbores per emphytismum producere possunt fructus vomitivos, purgativos, cordiales, deleterios, sudorificos, &c. si talia medicamenta perforato loco, ubi fit emphytismus imponantur artificiose.

Venenata animalia, ut sunt serpentes, bufones, reddunt plantas cavernis suis accrescentes venenatas, quod verificatur à Salviâ infectâ halitu bufonis. Suecus tithymalli sale & stercore humano injectus ventrem solvit.

Quaedam plantae succos omnes sive amaros, falsos, acres, dulces, acidos in suam naturam convertunt, ut Colocynthis reddit omnes ad radicem sparsos amaros.

Sic quaedam animalia, ut pisces in mari falso insipidi sunt.

Si vescicatorium aliquod imposueris excrementis adhuc Calentibus intestina corrosione afficientur.

Item

Item pisa frixa injecta excrementis tot pustulas in pedice excitabunt quot pisa.

Sympathia eorum quæ sub nullo prædictorum continentur.

M Agnes se ad polum Telluris dirigit Australem vel Borealem.

Electrica corpora, qualia sunt Electrum, Gagates, Mastix, Vitrum, cera sigillaris, sulphur, Resina durior, Arsenicum, Selenitis, Sapphirus, &c. omnia promiscue attrahunt.

Terra ex Nilo desumpta exsiccata & diligenter asservata, toto anni tempore nihil in pondere mutatur ad diem 17. Julij, tunc seipsa fit gravior quo tempore inundatio fit Nili.

Aqua in vasis æreis asservata notabili incremento attollicur dum nubes in pluviam colliguntur.

Silignum demergatur in aquam illâ parte quâ celum aspexit, supernatat, situmque universi quo ad partes reservat, quem, dum cresceret, servavit.

Esula ut & Ebulus vel Sambuci extremitates, & Asari folia sursum evulsa per vomitum, deorsum per secessum purgant, reliquum autem Sambuci quocunque modo vellicetur, uno modo tantum purgat.

Physa seu Orbis piscis Ægyptiacus semper faciem ad eam partem cæli dirigit dum vivit, ex quâ ventus spirat; item exsiccatus & suspensus in domo eandem qualitatem retinet.

Hirundo

Hirundo marina eandem qualitatem habet.
 Flores Heliotropii, sicut Tragopogon, Cyclamen,
 Chamæleon, Chrysanthemon, lupinus, omnia
 Cichoreata, Tulipæ, Liliū Persicum, Anemo-
 ne, Scorpiurus, Caltha, Acatia, lotus, & alia,
 tam diebus serenis quàm obnubilatis & noctibus
 solem sequuntur.

Abies, Tilia, Populi, Olivæ, Ulmus, & Salicis spe-
 cies, & quæ folia habent virentia in unâ parte, &
 albicantia in alterâ, suis foliis denotant solis an-
 num cursum, nam crescant & virent continuo
 dum sol accedit ad solstitium, ab isto tempore
 extenuantur & marcescunt.

Selenites lapis noctu imaginem lunæ sequitur.

Omnia bulbosa inter herbas & Cucumeracea lunæ
 incrementum & decrementum servant accrescen-
 do & decrescendo, item ostreacea, & pupilla oculi
 Cati.

Virga ex Alno monstrat aquam sub terrâ, eodem
 modo facta ut acus nautica ex duabus virgulis.

In concavis puteorum sine semine crescant, Adian-
 thum, Capillares herba, Scolopendrium, Cym-
 balaris, Hepatica.

In fontibus crescant Nasturtium, Becabunga, &c.

In rimis murorum aut tegulis crescant Parietaria,
 Blitum, Sedum omnigenum Leucoion.

Nymphæa in loco arido plantata inclinat ad vas aquæ
 plenum juxta positum.

Triticum potest transplantari in avenas si juxta fe-
 rantur, sic Ebulus in Sambucum.

Ilex in quercum, Adiantum in Scolopendrium;
 sic

sic Rapa, Raphanus, Typha, Zea, Sysimbrium & Mentha alternas subeunt transplantationum metamorphoses.

Plumbum liquatum & scutella ligneæ capite superpositæ & aquæ semiplenæ injectum, dolores capitis acutos curat.

Radix Tamarisci urinæ patientis infusa, postea si comburatur curat Icterus.

Periscaria, Consolida, Sophia, Serpentaria, Brasatella istud habent peculiare, ut, si demergantur in aquam, & super vulnus aut ulcus repositæ, & defodiantur ubi putrescant, tunc vulnus sanat, si verò non putrescant sed arescant, non sanetur.

Tapsus barbatus applicatus & postea sepultus curat Hamorrhoides.

Chameleon mutat foliorum & florum colorem, promutatione terræ, aut fundorum diversitate in quibus crescit, ut nunc sit nigra, alba, &c.

Secundina si non comburatur aut sepeliatur, damnum adfert mulieri.

Serum Urinum in pyxide reservatum augmentatur eo tempore quo urfi hyeme in suis latibulis pinguescere solent.

Pisa sata in novilunio totâ æstate florent, usque ad finem autumnii, licet non germinent.

Spiritus sanguinis in vitro servatus monstrat sanitatem aut morbos ejus à quo detractus est, licet longè absentis, nam morbido eo existente turbatur diversimodè & claritatem amittit & contrâ.

Pellis vitulo marino detractæ pili eriguntur & rigent
accidente maris æstu, recedente autem demittun-
tur & flaccescunt.

Si mulier terretur ab inopinato lunæ conspectu tem-
pore conceptus, fetus maculâ luniformi signabi-
tur; quæ incrementum & decrementum ejus se-
quetur.

Succus Hyoscyami commixtus sanguini leporino, &
si cum pelle ejus sepeliantur congregat omnes le-
pores istius tractus ad locum.

Naphtha è longinquo attrahit ignem.

Heliotropium in Euphrate non solum sequitur solis
cursum, sed ex aquâ paulatim ad solis adventum
emergit, recedente sole sic etiam paulatim undis
immergitur.

Nasus impositivus ex carne musculosâ brachii cadit
mortuo eo ex quo de sumptus erat, licet rami ar-
boris insititii non marcescant corruptâ arbore cu-
jus erant rami.

Ovum in urinâ febricitantis ebullitum, & inter for-
micas reconditum tollit febrem.

Porci se solent fricare quando nimium obesi aut sca-
biosi si mappa affricetur istis lapidibus & deinde
applicetur fancibus inflammationibus earum me-
detur.

Hydrops, Podagra, Icterus, febres curantur, san-
guinem calentem agri includendo putamini ovi &
carne mistum canibus exhibendo, & sic transfertur
ægritudo.

Filo quo suffocatur serpens curatur anguina, si collo
circundetur.

Attractrici

Attractrici vi pollent Aristolochia longa, Scopa regia, Cadmia, adeps Cuniculorum, Asa foetida, Tapfia, Dictamnus, feamentum panis, fimus Columbinus, Anserinus, Anagallis flore purpureo, Arundinis radix, Pyretum, Thalaspī semen, Euphorbium, Anemone, Helleborus uterque, &c.

Omnis herba, lapillus, metallum, fructus aut semen habens similitudinem cum aliquo membro aut morbo in figurā aut colore confert, ut plurimum, illi membro & morbo. ut malum Citreum cordi, Papaver capiti, Orchis genitalibus, Scrophularia scrophulis, Chelidonium minus, &c. Chelidonia Ictero, ut & Crocus, Rheum purgat humores ejuldem coloris.

Ea quæ Sympathiam inter se habent idem in nobis fere semper efficiunt, ut Cucurbita & aqua, olea & myrtus: Quæ antipathiam exercent contrarios pariunt in nobis effectus, ut Cucurbita & clea, Brassica & Vitis.

Membra animalium conveniunt membris animalium similibus, præsertim si animalia vel eorum alimenta virtutem habent morbo membri contrariam, ut lienī confert splen Capræ, lentisco Capris & Tamarisco Pastæ. Item splen suis aquam ferratam fabrorum bibentis, sic fimus & splen Asini pastæ Chelidonio curat Icterus.

Quædam vegetabilia ita propriis locis delectantur, ut alio transplantata non crescant vel specie aut qualitatibus mutantur, ut Cinamomum, &c.

Dulcia, fimus, sal, Piper, aqua vitæ, olea distillata, carnem & multa alia à putredine præservant.

In

In paludibus fracidis fiunt conchyliæ, limaces, bufones, ranæ, lacertæ, hirudines, vermium multæ species, &c.

Mel cum pane mistum in formicas mutatur.

Sassafras in Florida solum provenit, Iberis herbâ in Hispaniâ Cetrâ fert cupressum, Malabathrum & Agallochus in Indiâ, Schœnanthus Cinamomum Piper in Arabia, &c.

Ulmus & Alnus apud flumina crescunt, Ornus in montibus, Myrtus amat littora, Vitis in dumetis, Taxus amat aquilonem, pediculi in homine fiunt, tinea in lanis, Cantharides in Fraxino, Buprestis in Pino, Conchyliæ marina & testaceæ in petrosis locis degunt, Anseres in Scotiâ Septentrionali fiunt ex lignis aridis abietinis, apes etiam sunt ad generandum sibi simile.

Magnes qui vim amisit ex aqua quâ utuntur lapidibus ferrâ secandis eam recuperat moderato calore.

Herba aliqua minutim concisa & terræ commissa, producit herbam ejusdem speciei, ut plurimum. Conchyliæ contrita & in arenâ seminata aquâ falsâ irrigata, producunt Conchyliæ.

Serpens mortuus seminarium est novis serpentibus.

In quercu fit Polypodium, & cortex ex quercus pulverisatus & aquâ subactus arboris alterius trunco impositus producit in gentem Polypodii copiam.

Anguis ex spinâ humani cadaveris nascitur.

Ex vitulo mortuo oclusis membris fiunt apes.

Capones qui vescuntur serpentibus & bufonibus eorum caro est salutaris.

In cavernâ quâdam Scotiæ Shûnes dicta aqua pora illic

Illic decidua vertitur in *pesram* albam Marmoris
amulam.

Lascu Hibernia quem *lactum Neich* appellant, la-
pidescit lignum, ita ut eo utantur ad novacula
acuendas.

Animalia quæ vescuntur piscibus eorum qualitates
participant, ut sunt *lues*, *anser*, *anates*, &c.
multa ejusmodi alias declaranda.

Testacea fere omnia licet extra mare, quoad vi-
vunt accedente maris aestu hiant, recedente au-
tem aestu, clauduntur.

Sæpe notavi morbidi cum sua urina in vase clauso
per aliquot dies servata, *sympathiam*.

Arum *Aegyptiis* edulium optimum, in nostris re-
gionibus ob acrimoniam non potest degustari.

Arbor Persica fructus producit *Europæis* suaves, *Per-
this* & *Aegyptiis* venena.

Nux Myristica sub torrida Zona crescit, & in Euro-
pa in *Juglandem* degenerat.

Cypressus adeo austro dilectatur ut in septentrione
non bene crescat, nam in *Livonia* mutatur in ali-
quid *Sabinæ* simile.

Hyssopus & *Abrotanum* in *Germania* & *Britania* o-
ptimum odorem spirant, in *Italia* fere nullum ha-
bent.

Ocimum fragrantissimi odoris est in *Italia*; in *Ger-
mania* obtusi tantum.

Panthera maculam habet in pelle, lunæ typos per-
fecte imitantem, filimenta hepatis glirium, ad
normam luminis lunæ crescunt & decrescunt.

Formica crescente luna lumine laborant, decreſcente ceſſant.

Phyſa piſces deſceſcit, & creſcit, cum lumine lu-
nari.

Glycyriſa, & acacia, amplectuntur ſolem dum ſplendet, elevando & extendendo ſua folia: abſente autem eo, ſaccida folia demittunt.

Trifolii ſpecies quædam eſt quæ ter in die, pro va-
riis ſolis ſpectu, colorem mutat, nam mane albi-
ca, meridie purpureſcit, veſperi ſaturate rubet.
Iſis in Ægypto ſolum vivit, alibi transportatus mo-
ritur.

Polypus ſolum vivit in aqua marina, in aliis mori-
tur.

Ex



Ex Fructu ARBOR.

UT principia Philosophiæ nostræ feliciter ac facilius ex precedentibus exemplis eruantur, quædam, quæ præsentî instituto magis accommodata videntur simpliciter sine aliquâ confirmatione, hic subiiciemus; quorum licet maxima pars prius descripta sit in variis Sympathiæ & Antipathiæ complicationibus elarioris doctrinæ gratiâ ea rursus describere haud videbatur inconveniens, sic autem se habent.

Accipe terræ virginis quantum satis, quæ nunquam semine animalis, vegetabilis, aut mineralis imprægnata fuerat, & colloca in concavis puteorum recenter extractorum fontiumque saxis porosis Cryptisve carbonum; & si pluviam irroretur in istis locis, terra ista virgo ingrauidabitur absque semine, radice, aut pollutiæ seminali: his herbis & non aliis; vid. *Adiansho*, *Capillis Veneris*, *Scolopendriâ*, *Symbelariâ*, *Hepaticâ*.

In rimis murorum si ista terra locetur, uti prius dictum, ingrauidabitur his & non aliis plantis, vid. *Parietariâ*, *Salviâ vitæ*, *leucoio*, absque ullo semine, &c.

In tegulis seu tectis domorum si terra talis locetur, uti dictum, in eâ producuntur *Sedum* omnis generis, *Herniaria*, & *Millepedes*. Si radices aliarum

aliarum plantarum puta *Hyoscyami*, *Angelica*, &c. illic plantentur, destruunt fermentum proprium loci.

Si terra ista locetur in loco alto in summitate pali aut in vase aliquo longè à seminali aliquà misturâ successu temporis ingravidabitur semine herbarum naturaliter illic subitus jacentium, & crescentium, ex earum evaporationibus, & hoc seriò notandum quòd post productas plantas remaneat terra virgo, in eodem pondere & quantitate.

Per sex ferme mensium spatium à coitu, *Gallina* ova prolifica pariunt sine ulteriori cum *Gallo* commercio, neque potest genetura *Galli* tamdiu in ovario corporaliter remanere.

In uteris quadrupedum viviparorum (ut optime annotavit doctissimus *Harveus*) à coitu, non remanet seminis corpus. Nam in *Cervis*, *Damis*, *Ovis*, &c. uno aut altero mense à coitu vidit uteros vacuos, quicquid *Abbas* dicat *Highmorus*.

In lacu *Hibernia* quem *Lochneich* vocant lapidescit lignum in eum projectum minimo temporis spatio.

In rupe *Scotia* Septentrionalis lapidescit aqua illic guttatim decidua: Si autem aqua ista extra cavernam in aere aperto locetur non lapidescit, licet vim habeat lac coagulandi.

Ex *Anate* putrefacta sub fimo fiunt *bufones*.

Ex pilis equorum in aquam projectis fiunt *Anguilla*.

Ex stercore equino *Scarabei*, &c. hujusmodi.

Ex uno pane vi diversorum stomachorum fit caro
porcina,

porcina, equina, bovina, canina, humana, &c.
Item pisces diversi.

Item ex vino, pane, oleribus, leguminibus, car-
nibus omnium generum, piscibus, herbis, fructi-
bus fit unus chylus diaphanus ex talibus multorum
colorum in stomacho hominis, & ex isto chylo fi-
unt centum fortassis partes specie & proprietatibus
diversæ.

Piper recens in *Italiâ* plantatum fit *hedera*. Se-
men *bordei* in locis incultis mutatur in *avenas*.

Veratrum in agro *Tridentino* vi purgativâ orba-
tum est.

Rhabarbarum apud nos ignaviter aut parum pur-
gat.

Papavera apud nos vi lethali orbata sunt; licet
regio sit *Thebis* decuplo frigidior.

Zinzibar extra patrium solum non crescit.

Triticum in *avenas* & *lolium*, *Ebulus* in *Sambu-
cunum*, *Ilex* in *Quercum*, *Adiantum* in *Scolo-
pendriam*, *Imperatoria* in *Angelicam*, *Rapa* in
Raphanum transplantari possunt, si propè crescant.

Pica, serpentes, aranea, *busones*, rana, ve-
spa, &c. venenata in *Hiberniâ*, neque sponte,
ut in aliis regionibus, proveniunt; neque illic vive-
requeunt, si ex aliis locis portentur.

In insitionibus arborum surculus convertit succum
radicis alterius speciei in suam naturam, mutatis
omnibus ejus proprietatibus, tamen in quibusdam
remanent, ut surculus *Pomi* in *Rhamno* aut *Meze-
reo* acquirit vim purgativam, &c.

Apud cavernas serpentum & *busonum* herba cor-
diales;

diales, putà *Buglossum*, *Borago*, *Melissa*, *Viola* induunt qualitatem deleteriam.

Mercurialis & *Mexarcon* juxta vinum plantata, vim ei purgativam communicant, sicut *Cicuta*, *Hysciamus* & *Solanum* ei vim narcoticam induunt.

Animalia quæ vescuntur piscibus, putà aves marinz, sues, anseres, Gallinz, &c. induunt qualitates piscium, nam eos redolent.

Anseres in *Scotiâ Septentrionali* ex lignis abietinis crescunt redolentes eis.

Vitis Brœssicæ applantata arefcit, vel se in adversum flectit, &c. exempla similia prius descripta.

Sublimatum vel *Arsenicum* apposita venenatis ulceribus, duo venena se mutuò ligando curant ulcus.

Si liquori *Sublimati* instilletur *Oleum Tartari* duo ignes se mutuò ligando relinquunt *Balsamum dulce*, sic *Oleum Vitrioli* & *Tartari* agendo in se relinquunt *Tartarum Vitriolatum*, sic etiam *Oleum Arsenici* & *Realgaris* relinquunt *Balsamum pargoricum*.

Vox Pavonis item *fraxini* folia ligant serpentes.

Succus Betulae Martialis solvit impotentiam veneream.

Saliva canis rabidi in carne à dentibus relicta, reddit homines, & cætera animalia hydrophobia hæredes, &c.

Item cerebrum *Cati* comedentes mores & gestulationes ejus præse ferunt.

Tarantula ictus reddit homines & bruta iostar *Tarantula* inquietos, & in motu continuo saltantes,

tes, & unius eorum cernitur aliquid simile telis *A.*
TANCAYUM.

Ferino sanguine epoto ferini mores induuntur.

Carnes animalium rapacium, ut sunt *Lupi, Corvi, Accipitres, &c.* imprimunt sæpè comedentibus mores eorum; multa istiusmodi exempla annotabit lector in precedentibus complicationibus.

Ex primis quatuor exemplis liquidò constat *terram virginem* post natas plantas remanere in quantitate & pondere pristinis, ideoque eam non ingredi plantarum illuc nascentium compositionem: Relinquitur ergo plantas istas ex solâ aquâ fieri aut ex nihilo, non verò ex somniatis mistionibus quatuor elementorum. Si fortasse dixerit aliquis terram crescere, rogonum eadem sint Cali phenomena nunc & ante mille annos, & si sunt eadem, oportebat terram condensari, & unus manipulus nunc esset gravior multis ante tempora Noachi, & licet ista exempla clarissimè illud demonstrent, in tanto (ut videtur) paradoxo describendo ne nimis jejuni videamur, alia ex naturæ promptuario habebis. Si mense martio, perforaveris *Betulam, Quercum, Fraxinum, &c.* extillabit aqua limpida, clara, & pura obscurum arboris saporem & odorem referens, quæ spatio 12. aut 14. dierum præponderabit arbori cum ramis & radicibus; ideoque sequitur arbores ex solâ aquâ fieri, quam ex terrâ sugunt sale nitro imprægnatam.

2. Ex aquâ guttatim deciduâ in cavernâ *Scotie* septentrionali videmus petram albam fieri sine aliqua sensibili misturâ alterius rei. 3. Chymicorum sal, Sulphur, & Mercurius migrant in aquam claram, inspidam,

inspidam, & æquiponderantem corpus in eam dissolutum, quod Chymicis peritis notissimum. 4. Cadavera mortuorum in Camiteriis in aquam migrant, nam si in cinerem & terram migrarent, camiteria in immensum crescerent, quod experientia quotidiana repugnat. Præterea, si ex mistela quatuor elementorum omnia corpora resultarent, tunc *aerum*, & cætera, *metalla*, *marcasita*, & *lapides* non præponderarent terra, quod liquido patet. Licet obstrepant nonnulli, missitantes nescio quid de terrâ purâ, quæ non nisi in centro reperitur, atque eam esse omnibus mistis graviolem. Sed contra sic arguo. Ubiçunque sunt metalla, lapides, &c. ibi est terra pura, At in istis locis terra est levior istis. Ergo. Si igitur ex aquâ solâ sunt omnia corpora quæ mista creduntur, utrum sunt *Vegetabilia*, *Mineralia*, vel *Animalia*, unde existentiam suam mendicabit Chimericum illud monstrum *Mistio*, atque omnes salubrosæ & inextricabiles difficultates, atque incompatibiles contradictiones, quæ ingenia Philosophorum acutissimorum hucusque torserunt, exinde natæ, quis quæso contrariis elementorum in misto qualitatibus (quibus omnis generatio & dissolutio rerum falso ascribitur, cui neque insunt neque inesse possunt) dabitur locus? Et si neque mistioni, neque contrariis in misto (quod nunquam exitit) qualitatibus detur locus in naturâ unde originem suam habuerunt temperamentorum tot diversæ complicationes, &c.

Licet ex aquâ tanquam unico principio materiali omnia quæ mista prius fuisse putabantur, fiant; tamen

tamen omnia fieri ex unico principio simpliciter minime dicendum est: Quia tunc nulla esset distinctio inter principium & principiatum, & ambo essent illud unicum, ideoque in exemplis istis ulterius investiganda sunt alia.

Secundo igitur ex quatuor præallegatis exemplis patet locis omnibus à creatione indita esse principia quædam activa spermatopoetica in ævum duratura, quæ neque sunt calor, frigus, &c. aut contemperatio istarum qualitarum inter se pugnantium, aut influentia solis, lunæ, aut exterorum syderum, nam si hoc esset, quodlibet ex quolibet fieret, & id promiscue in omnibus locis, nec hinc *capillares herbe, segetes, vva*, illic *Blitum, Sedum, Leucoion*, & sic de cæteris. Sol autem per suum calorem inservit productioni istorum vegetabilium, excitando nimirum & fovendo ista principia ut imprægnent virginem suam terram eorum seminibus, ista autem principia subjectantur in odoribus concreatis aut percipibilibus à sensu aut aliquando non ut in experimento quarto, quæ medio isto odore contagio quodam per totam massam substratam serpunt masculinum robur illi impertientes. Ut in panificio, v. g. fermenti grana aliquot inficiunt contagio suo massam farinæ maximam, & in suam naturam transmutant. Sic *saliva canis rabidi* in minimâ quantitate mutando humores spiritus partes, & consequenter actiones hominis aut bruti demorsorum inducit *Hydrophobiam*. Sic *Tarantula* ictu suo fere ob exilitatem aculei insensibili mores suos & gesticulationes ad hominem aut brutum transplantat. Sic aqua decidua

decidua in terram virginem à fermento regularum vertitur in *Sadum*, à contagio puteorum in *Adi-anthum*, *Capillos Veneris*, &c. Ita ut istis principiis nullum nomen melius quadret, quam si fermenta vocitentur; quæ prius à solo *Helmontio* viro in multis perspicacissimo satis perfunctoriè, leviter, & obscurè delineata sunt. Ergo horum anatomiam ex propositis exemplis eruere pro virili conabor, & primum de locis fermentorum producentium vegetabilia, animalia, &c.

Loca fermentorum, ut ex exemplis constat, vel sunt in terrâ, Aere, Aquis, Vegetabilibus, Animalibus vivis & mortuis & eorum partibus, & Mineralibus.

Secundò loca fermentorum in terrâ, aere, aquis, &c. sunt vel in,

Septentrione, ut *Taxus*, *Cochlearia*, *Anseris abietini*.

Oriente, ut *Piper*, *Aloe*, *Sarcocolla*.

Occidente, ut *Petum*, *Mirabilis Peruviana*, *Iber herbâ*, *nux vomica*.

Austro, ut *Stachas*, *Laserpitium*, *Euphorbium*, *Rhabarbarum*.

Tertiò, loca fermentorum sunt in particulibus regionibus, ut *Sassafras* in *Floridâ*; *Radix China* in *Chinâ*, *Malabathrum* & *Agallochum* in *Indiâ*, *Schenanthus* in *Arabiâ*, nec alibi, *Theamides lapis* in *Aethiopiâ*, *Mirabilis Peruviana* in *Petru*, *Rhabarbarum* in *Ponto*, *Cochlearia* & *Saxifragia minima* in *Britanniâ*, *Opium* in *Thebe*, *Manna* in *Calabriâ*, *Senna* in *Alexandriâ*. Sic dantur

dantur herba *Italica*, *Syriaca*, *Aegyptiaca*, *Cro-*
tica, *Græca*, *Virginiana*, *Americana*, *Massili-*
ensis, *Belgica*, *Æthiopica*, *Lusitanica*, *Brasilia-*
na, *Persica*, *Illyrica*, &c. quæ passim in libris
 herbariorum extant. Sic etiam de animalibus &
 mineralibus dicendum.

Quartò, fermentorum loca sunt in particulari-
 bus locis omnium fere regionum, tali autem sunt.

Prata, ubi fiunt *Orebia*, *Trifolium pratense*,
Pentaphyllum bacciferum, &c.

Uda loca, ubi fiunt *Juncus*, *Verbenaca*.

Sylvestria, *Carlina*.

Aquatica, *Nymphaea*, *Plantago aquatica*, *Pi-*
peritis, *Flammula*.

Olida & uliginosa, *Spatula fetida*, *Coryla fe-*
tida, *Atriplex fetida*.

Palustria, *Caltha palustris*, *Ranunculus*, *Spon-*
dilion, *Scordium*.

Stagnantia, *Perficaria*, *Cannabis agrestis*.

Umbrosa, *Cyclaminus*, *Dracunculus major*.

Fracida, omnia *Tuberum* genera.

Arenosa, *Ononis*, *Plantago*, cornu *Cervi*.

Maritima, *Cochlearia*, *Brassica*, *Soldonella*, *Evin-*
gium, *Scylla*.

Arida, *Saxifragia*, *Pimpinella*, *Lonchitis*.

Saxosa & petrosa, *Acanthus*, *Thymum*, *Ser-*
pyllum, *Rosmarinus*, *Clinopodium*, *Chamaedrys*.

Incolta, *Sysimbrium*, *Carnocopus*.

Aspera, *Salvia major*, *Satureia*, *Baccaris*, *Cha-*
memelum, *Lithospermum*.

Pinguis, *Centaureum majus*, *Clomatis*.

In colliculis, *Vitis*, *Centaurium minus*, *Smyr-
nium*, *Meum*.

Subsepibus, *Thlaspi*, *Dracunculus minor*, *A-
ron*, *Alitaria*, *hedera terrestris*.

Apud rivulos, *Alnus*, *ligusticum*, *Iris*, *Ca-
lamus*, *Salix*.

Inter segetes, *Cyanus*, *lolium*, *Papaver Rheas*,
Rapistrum, *Antirrhinum*, *Artimesia*.

In ripis, *Chelidonium minus*.

Ericeta Ros Solis, *Tormentilla*, *Canda vulpina*.

Apud aquarum scaturigines, *Quinquefolium*,
Equisetum.

Apud flumina, *Ulmus*, *Petasites*.

Apud rudera, *Digitalis*, *Erisimum Marru-
bium*.

In aliis herbis, *Cuscuta*, *Epithymum*.

In fontibus, *nasturtium aquaticum*, *Becabunga*,
Erinum.

In Vallibus, *lilium convallium*, *botrys*.

Apud radices arborum, *Polypodium*.

In arbore, *Agaricus*, *auricula Judæ*, *Viscus*
quercinus, *hedera*.

In superficie aquarum, *Potamogeton*.

Sub aquis, *Sion Heliotropis species*.

In tectis & tegulis, *Sedum*, *Blitum*.

In parietibus antiquis, *Leucoion*, *Salvia vitæ*.

In montibus, *Parmica Gentiana*, *Chamaeleon*,
Calamentha, *Asclepias*.

In concavis Cryptarum & puteorum, *Adiantum*,
Capillus Veneris, *Symbellaria*, *Hepatica*.

In homine, *pediculi*, *lendes*, *vermes*, & in
spinâ ejus demortui *anguis*. In

In fraxino fiunt *Cantharides*; In Pino *Buprestis*,
sic omnes arbores, frutices & herbar habent erucas
sibi peculiares sicut animalia pediculos.

Animalia sicuti Vegetabilia habent sua loca de-
terminata & fermenta. Sic *Cancer*, *Cochlea*, & re-
stacea omnia in saxis marinis generantur; *Truta* in
rivulis, *Anguilla* in stagnis, *Perca*, *Lucii* in lacubus.

Ex Anate putrefacto sub fimo fiunt *bufones*.

Ex pilis equinis in aquam projectis fiunt *an-
guilla*.

Ex stercore columbino aut asserino urinâ hominis
macerato fiunt *pulices*.

Ex stercore equino *Scarabei* fiunt.

Ex stercore humano *lumbrici*.

Ex vapore sudoris fiunt *cimices* lectularii.

Ex vitulo mortuo occlusis meatibus fiunt *apes*.

In lanâ fiunt *tinea*.

Ex frumento fracido fiunt *glires* & *mures*.

Animalia etiam quæ fiunt ex parentibus licet non
nascantur ex fermentis locorum, tamen non vivunt
neque generant in omnibus locis, ut sunt *Simia* &
Psittaci in *Britanniâ* non generant. *Echinus* non
vivit nisi sub sepibus, &c.

Quæritur, cum Vegetabilia & Animalia ex fer-
mentis locorum sine parentibus provenientia habe-
ant sua determinata loca in aëre, aquâ, terrâ, Se-
ptentrione, Occidente, Oriente, Austro, in par-
ticularibus regionibus & in locis diversis omnium se-
re regionum, uti dictum, cur multa imò fore omnia
ubique crescant? Respondeo id fieri per transplan-
tationem aut insitionem artificialem aut accidenta-
lem,

lem, ut cum *Rhabarbarum*, *Mirabilia Peruviana*, *Tanacetum Americanum* transplantantur de suis locis ad nos, & cum crescunt in fundo nostro fit nova insitio, quodcumque aliquid sive sit planta, animal vel minerale transplantatur de loco ubi naturaliter proveniebat fit insitio cum crescit & vescitur alibi & alijs succis cibis, & aere, & licet fortassis crescant in iis locis tali alimento, tamen naturaliter illuc non provenirent, ex loci fermento, & vel partialiter vel totaliter immutant loci naturam, vel à loci succo mutantur; ita ut Vegetabilia, & sic de Animalibus, & Mineralibus judicium esto, propriis locis provenientia fortiora sint & meliora, quàm si transplantentur, nam adventu fermenti extranei debilitantur & morbida redduntur, sicut animalia aere, & cibis insolitis & extraneis & venenis vespentia, aut in locis contagiosis degentia, morbos aut mortem incurrunt. Ista igitur transplantatio merito insitio dicenda erit quæ nunquam prius cognita fuit nisi in arboribus, & uno famoso exemplo de naso impositio ex carne alterius, & ut sunt arbores quæ cujusvis alterius insitionem admittunt, ut *Castanea*, & *Malus punica*, sic multæ sunt regiones in quibus vegetabilia fere omnia crescunt exceptis paucis *Sche-nantho* scilicet, *Zinzibere*, &c. & ut sunt multæ arbores quæ multorum conjugia repudiant, quales sunt *Nax* & *Taxus*, sic sunt multæ regiones quæ non admittunt insitionem eorum quæ fere in omnibus alijs locis proveniunt, ut in Hiberniâ, ubi venenata animalia, ut sunt *angues*, *serpentes*, *rana*, *bufones*, *pica*, *aranea*, &c. neque naturaliter proveniunt

veniunt ut alibi, & si ex aliis regionibus eo portentur, continuo moriuntur. Item sunt multa vegetabilia quæ non crescunt nisi in suis locis & regionibus, ut *auricula Juda* in *Sambuco*, *Epithymum* in *Thymo*, *Agaricus* in *Cedro* & aliis arboribus & non alibi, *Schananthus* in *Arabia*, *Radix China* in *China*, &c.

Omnis igitur emphytismus, siue sit ab infeminatione, implantatione, impositione, irrigatione, insectatione, aut approximatione, vel est,

Primo, Vegetabilium, ut videre est in infestationibus arborum, ut in *Pomo*, *Pyro*, *Castanea*, &c. Item quando vinum redditur laxativum à *Mercurio Mercuriali*, soporiferum à *Solano*, sic per infestationem, fructus unius arboris possunt reddi purgativi, vomitivi, cordiales, delecterii, sudoriferi, adstringentes, &c.

Secundo, Vegetabilium cum animalibus exempla sunt in venenis Vegetabilium ab animalibus assumptis medicamentis purgantibus, alterantibus, &c. & in cibis & in potibus ex Vegetabilibus desumptis.

Tertio, Animalium cum Vegetabilibus, ut herbe cordiales apud cavernas serpentum & bufonum venenatae sunt, item ea Vegetabilia quæ speco alienius venenati animalis irrigantur, vel halitu inquinantur, ut in *salvia* ab halitu bufonis. Item morbi Animalium transplantantur in Vegetabilia per mumiam, ut loquuntur.

Quarto Mineralium cum Vegetabilibus, ut Vegetabilia super aurifodinas, &c. induunt qualitates Mineralium illis latentium, ut *Kermes* & *Isatis sylvatica*

sylvatica super ferri fodinas crescentes redolent ejus naturam, & præservant ac corroborant *Magnetem* æquè ac ferrum.

Quintò, Mineralium cum Animalibus, ut sunt venena & medicamenta omnium generum ex Metallis, *Marchasitis*, & lapidibus confecta.

Sextò, Animalium cum Animalibus, exempla sunt in cibis & medicamentis ex iis confectis, & etiam venenis, qualia sunt morsus canis rabidi, *istius Tauranula*, *Viperæ*, *Scorpionis*, cerebrum *Cati*, extremitas cauda cervina, *Cantharides*, *spuma Bufonis*, &c.

Septimò, Animalia & Vegetabilia in certis locis naturam & proprietates loci induunt.

Atque omnis insitio Animalium, Vegetabilium, aut Mineralium vel est substantiæ solidæ, ut in plantis rami, folia, fructus, acini, radices, semina, succi. In animalibus totum, caro, ossa, excrementa, morbi, nervi vel ex effluviis ex talibus afficientibus propinqua quæcunque ut immutent vel immutentur.

Facta igitur per transplantationem insitione, ut dictum est, res per fermenta in seinvicem agunt, potissimum quatuor modis.

Primò, se mutuò adjuvant, ut *Asparagus* gaudet associari *Arundini*, si *Lilia Rosæ*, applantata sint, fragrantiores fiunt & melius crescunt, &c. In Sympathiâ Vegetabilium, Animalium & Mineralium.

Secundò, res per fermenta se mutuò ligant & solvunt, ut in exemplis de *Arsenico* & sublimato appositis

appositis venenatis ulceribus duo venena se mutuò ligant, & curatur ulcus. Item succus *Brassica* vinum inebriativam ligat, *Pavonis* vox serpentes, *Bufo Mustelam*, serpentes *Alandam*, item succus *Betula* martialis solvit impotentiam ad venerem.

Tertiò, res perfermenta se mutuò destruunt, ut videre est in *Vite* & *Brassicâ Filice* & *Arundine*, & cæteris ejusmodi.

Quartò, se mutuò transmutant, transmutatio autem omnis triplici modo fit.

Primò, qualitates (ut loquuntur) tantum mutantur, manentibus formâ & figurâ externâ, ut apud cavernas serpentum & foveas bufonum & venenatorum animalium herbæ cordiales deleteriam induunt qualitatem, item cordiales plantæ irrigatz furcis *Solani*, *Napelli*, *Cicuta*. Item *Cicuta*, *Solanum*, *Napellus*, *Mezerion*, *Mercurialis* in vineto reddunt vinum particeps suarum qualitatum, manente figurâ vitis & uvæ: item animalia quæ vescuntur piscibus, ut porci, anates, anseres, gallinae, redolent pisces, & non solum caro eorum, sed & ova gallinarum hæc cum intestinis pastarum, item anseres ex *Abiete* nascentes in *Scotiâ* eam redolent.

Secundò, transmutatio fit mutando formam & etiam figuram externam, remanentibus quibusdam proprietatibus, in quibusdam magis, in quibusdam minus, ut in exemplo allato, quando anseres ex *abiete* fiunt, forma & figura *abietis* pereunt, remanentibus sapore & odore: item quando *Buprestis* ex *Pino*, & *Cantharides* ex *Fraxino* fiunt, item in istis animalibus quæ vescuntur piscibus forma perit,

E

remanente

remanente odore, &c. Ab isto transmutationis modo omnia seminaria morborum originem trahunt ab assumptis cibis, potu, medicamentis, venenis, aut ab inspiratis ab aere aut contagiis aliunde haustis, aut hæreditariorum in fermento seminum parentum latitantium; nam qualitates istæ ambulatoriæ, vel à debilitate partium coctioni subservientium, vel ab exaltatâ suâ virulentia indomabili resistentia in visceribus, vel in toto corpore per generationem univocam, producunt sibi simile in specie quod contrariatur fermento animalis, & secundum gradus suæ virulentia Symptomata sæviora vel mitiora, morbos vel mortem inducunt. Sic inspiratio aeris fermentis venenatis vel infestis contaminati generat simile in nobis, ut in peste, contagiosis morbis, lippitudine, phthisi, &c. item ex parentum semine calculosi, calculosos, podagrici podagricos, epileptici epilepticos, &c. generant.

Quæri hic potest, cum omnes morbi ad hunc transmutationis modum referri possint: nempe ad qualitates remanentes ab assumpto cibo, potu, &c. uti dictum, & cum à tot rebus diversis oriantur, utrum detur medicamentum universale, quod sit par extinguendo omnia fermenta morbifica etiam maxime contraria; Chymici acriter uno ore contendunt dari, atque eorum Antesignanus Vanhelfmont dicit esse liquorem *Alkabeft*, *Mercurium Diaphoreticum*, &c. & ut hoc contra Galenistas evincat, dicit morbos omnes debellari posse tribus modis, primo extinctione *Idea*. 2. Per sedationem *archai* commoti. 3. Per ablationem *materia occasionalis*,
&

& dicit ista præposita remedia morbos superare secundo modo, quem etiam sequitur *Oswaldus Grembs* in sua arbore.

Sed Contra 1. etiamsi detur morbos curari posse tot modis, tamen *Idea* ista excitatur à fermento (quod causam occasionalem appellat) & quomodo potest ista extinguì, superstitè fermento, nam si centies extingueretur, toties repullularet præsentè adhuc fermento eum producente; idem dicendum de *Archæo* commoto eum non posse sedari præsentè fermento cudente *Ideam* à quâ commovetur exemplis res erit manifestior, v. g. si spina infigatur digito alicujus sua præsentia turbando spiritus loci, causat dolorem, pulsum celerem, febrem, &c. si igitur aliquis adhiberet remedium spiritibus turbatis remanente adhuc spina; vel *Idea* furiosæ mederetur & non extraheret spinam quæ utriusque fuerat causa (quod perficitur *adipe leporino*) incassum laborans operam & oleum perderet. 2. Ponamus aliquem à cane rabido demorsum esse cujus spiritus satis sedati erant, tunc à fermento *hydrophobico*, in saliva canis gliscente ligantur hominis fermenta vel destruuntur (pro quorum modulo operantur spiritus) in quorum vicem subit fermentum *hydrophobicum* & spiritus hominis furentes reddit, si in hoc casu aliquis adhiberet remedium sedando *Archæo*, remanente fermento *hydrophobico* in corpore, spiritus fortassis magis depauperaret, uti sæpius continget in febribus malignis, exhibito *laudano opiato* aut *sulphure Anodyno Vitrioli* dum spiritus ferocientes & sylvestres paululum ligantur & cicurantur

virtute medicamenti narcotica, interea fermentum febrile infidiatur vitæ & patientem de medio tollit; remedium autem extinguens fermentum *hydrophobicum* fit ex jecore ipsius *Canis*, *Cinere Cancrorum*, radice rosæ *Canina*, *Hyana* corii particula, quæ cum cane adhuc viveris antipathiam habuit. Sic de *tarantismo* *Catismo* *lycanthropia*, &c. & cum supponitur ante adventum istius fermenti spiritus fuisse satis sedatos, cur non erant igitur pares extinguendo istud venenum sine remedio? Et cur cesserunt fermento extraneo jam sedati, quod à remedio sedati secundum *Helmontium* expellere possunt: cum facilius multo sit, ut vulgo dicitur, non admittere quam jam admissum inimicum expellere, spiritus autem aliquando sine aliquo remedio solent morbum expellere quando fermentum morbificum debile est, neque satis virium habet ad ligandos, destruendos aut transmutandos nostros spiritus; ex his igitur patet quod solum verum remedium sit extinctio fermenti exotici, non verò extinctio phantasticæ *Idea*, aut sedatio commoti *archai*, remanente adhuc commotionis causâ.

Cum igitur ab expulsionem fermenti morbifici solum fiat proprie dicta curatio, & quia quot simplicia sunt in mundo tot diversa sunt fermenta, & cum morbi ab iis fiant uti dictum qui specie differunt, quomodo potest fermentum unius rei omnia destruere & expellere, præsertim cum sint quidam morbi à depauperatione spirituum, ut *Apoplexia*, *syncope*, *Lipothymia*, *Lethargus*, *Comus*, *Catoche*, quæ fiunt à fermento Narcotico & anodyno? Qui-

dam

dam etiam morbi fiunt à Conturbatione spirituum, ut *febris, dementia, delirium, hydrophobia, Mania, vertigo, phrenitis, &c.* à fermento furente, tremulo rotante, &c. quidam tandem morbi ab inquinamento spirituum & partium, ut sunt *Elephantiasis, psora, lues venerea, Cancer,* à fermento excoriantem, ulcerantem serpente, &c. quomodo potest unum medicamentum Conturbatos spiritus sedare? Depauperatos instaurare? Et inquinatos depurare? & v. g. cum *Apoplexia* à febre exorta abigitur, & se non patiuntur in eodem subjecto, quomodo potest uterque uno & eodem medicamento expelli, sic dicendum de *lathargo* & *phrenitide*, &c. præterea frustra creata essent simplicia *Cephalica, neuritica, hepatica, stomachica, Antiscorbutica, antiëpileptica, antiëterica, &c.* quas virtutes istis simplicibus *Betonica, Vincervinca, Hepatica, Absinthio, Cochlearia, Chelidonia, Peonia, & valeriana agresti*, inesse, certo norant omnes practici, quicquid in contrarium adferant ii qui primis qualitatibus omnia ascribunt. Et tandem licet omnia fermenta morbifica in hoc conveniant quod operentur conturbando, depauperando, & inquinando spiritus, & sic puca saltem, si non unum remedium sufficerent, tamen omnes modi prædictorum specie distinguuntur, & sic plura requirunt remedia; v. g. spiritus conturbantur in *phrenitide, febre, vertigine, &c.* à diversis specie fermentis, & licet in hoc conveniant quod omnes conturbent spiritus, tamen hic uno modo, alius alio, ita ut quod exstinguit fermentum febrile, non poterit

poterit extinguere fermentum *vertiginosum* & contra. Sic de iis quæ depauperant & inquinant spiritus dicendum ; & non solum, sic sed & diversa simplicia unum & eundem morbum per fermenta sua excitantia, diversa remedia postulant, pro eorum defermmentatione, ut videre est in Convulsionibus ortis à *Napello* assumpto, & ab *Apio* risus & sic de cæteris ejusmodi fermentum *Napelli* destruitur ab *Antithora*, non vero *Apii* risus qui à *Melissa* abigitur, quæ non attingit fermentum *Napelli* : quod si vero medicamentum sedativum spirituum solum sufficeret ad omnes morbos abigendos, cur sit cum *Antithora* vel herba paris sedant spiritus commotos à *Napello* vel *aconito*, quod non etiam sedant spiritus ab omnibus aliis rebus ferocientes : Unde ex his omnibus liquido constat eos qui in aliquo uno simplici utut rectificato, spiritualizato & ad ultimum perfectionis gradum perducto quærunt remedium universale, haurire aquam cribro: sed fruantur suâ opinione decepti isti adeptorum nomine superbientes. Interim non inficias eo quando fermenta plurium morborum in aliquo omnibus communi conveniant, posse ratione symboli uno & eodem medicamento superari, p. g. ex lapidibus *Cancrorum* præparatis fit *diureticum*, *febrifugum*, & *vulnerarium*, medicamentum optimum, nam isti morbi in hoc conveniunt quod acorem habeant præternaturalem spiritibus summè infensam ac molestant, qui actione sua in lapides *Cancrorum* eos dissolvere tentans, & in suam naturam convertere, acorem amittit & dulcificatur humor ; ut videre est in dissolutione *corallorum*,
perlarum,

perlarum, & cernisse, à spiritibus acidis aceti, aut ranciorum, &c. ammittunt acorem per suam actionem mutuam & dulcificantur: at lapides Cancro- rum quocunque modo preparati & exhibiti, non attingunt fermentum Apoplecticum, Epilepticum, Lethargicum, &c. Neque negandum est diversa rerum fermenta unius morbi fermento ita adversari ut simul vel separatim exhibita eum curent, ut v. g. Isteri fermentum superatur à Chelidonio majori, Cuscuta, stercore, anserino, & millepedis animalculis, &c. inde tamen neque omnem morbum uno remedio, neque unum omnibus curare sequetur.

Tandem *Oswaldus Grembs* ex *Helmontio* hoc argumento probat dari medicamentum universale, datur unicus vitæ moderator hîc male se habens integritatem naturæ lacerat, ex qua subsequuntur impuritates vitæ insidiantes: est itaque unitas naturæ alterata, unitas sanitatis læsæ, & unitas spiritus super morbum agitati considerata, non autem multiplicitas varietatum occasionalium, si una natura humana alteraretur, & una sanitas laderetur, & unus spiritus agigaretur ab unicâ re, optime sequeretur unicum requiri tantum remedium (cujus contrarium ex jam dictis elucet) at tunc non opus esset recurrere ad *Helmontii* & adeptorum secretum, nam quodcunque unum morbum curaret ex Vegetabilibus, Mineralibus aut Animalibus, omnem morbum curaret ob eandem rationem: & quod impuritates vitæ insidiantes oriantur à spiritu male se habente, falsum est, nam istæ impuritates male affici-

unt spiritum qui ante earum appulsum bene satis se habebat, ut palam fit in fermentis externè advenientibus, ut in *Hydrophobico*, *Tarantismo*, &c. & internis, ut in *Epileptico*, *Apoplectico*, *versiginoso*, &c.

Cum igitur propriè sic dicta curatio, neque sit extinctio *Idea* in morbis non requisita, neque sedatio *Archei* (nisi dicas palliativam & per accidens) sed solum ligatio, transmutatio, aut destructio fermenti aut intus geniti aut advenientis, externè, & cum tot diversa sunt specie fermenta quot morbi, & cum id quod unius rei fermentum destruit, alterius non attingit (etiamsi ambo eundem morbum causent) Consequens erit nullum dari medicamentum universale, aut omne remedium esse universale.

Tertiò transmutatio fit totalis, tum quoad formam & omnes qualitates, tum quoad figuram externam, ut quando cibi & potus transmutantur perfectè in stomacho sine ullà qualitate superstitè ut cernitur in herbis quæ contactu mutuo in seinvicem commutantur ratione symboli, ut *Imperatoria* in *Angelicam*, *Rapa* in *Raphanum*, *Triticum* in *lolum*, mutatio *Cinamomi* in *Laurum*, si extra proprium locum plantetur, mutatio *Piperis* in *Haderam* in Italia & alia quæ fiunt per metamorphosin, ut cum *eruca* mutantur in *Chrysalas* & *Crysale* in *Papiliones*, & cum conceptus in utero ab excellenti imaginatione transmutantur in *Anatem* vel *glirem*, &c. neque ullum exemplum reperiri potest quod non sit reducibile ad aliquem ex prædictis modis fermentorum in se agentium. Notandum autem est
quando

quando dicimus formas mutari, nolumus formas in se mutari, ita ut una ab aliâ specie differat, sed diversificari actiones unius & ejusdem formæ ratione diverforum fermentorum supervenientium, ut posterius in discursu formarum patebit.

Cùm mutatio omnis tum in generatione, tum in corruptione sit vi fermentorum, uti dictum, paucis agendum est de generatione, & videndum est num distinctio ista solennis generationis in univocam & analogam sit admittenda; dicunt enim, cum effectum continetur in suâ causâ efficiente formaliter, & ab eâ producitur sibi simile in unâ determinatâ specie, esse generationem univocam, ut *ignis ignem, glis glirem*: cum autem effectum continetur in suâ efficiente causa eminenter tantum & quæ producit multa alterius speciei, esse generationem æquivocam, ut quando sol producit *glirem, murem, vermem*, &c. ex putri (ut loquuntur) materiâ, aliquando dicunt causam æquivocam esse nobiliorem effecto, ut *statuarius statuâ*, aliquando ignobilior, ut *Sol ignobilior ranâ, muscâ*, &c. dicunt utramque causam esse principalem & habere in se vires producendi effectum.

Videndum autem num hæc vera sint, & primum rogo, si *Sol sit* ignobilior istis animalculis, & ratio est, quia ista sunt viventia, Sol autem non, quomodo ignobilius & non vivens potest nobiliori & viventi tradere formam per quam vivit & est nobilior? Secundò quæro, etsi concederetur solem non viventem concedere viventibus formam, quomodo simul & semel in uno & eodem loco diversas imò contrarias

erarias poterit formas dare ? At audio eos dicentes pro diversâ materiæ dispositione solem diversas dare formas, quod dissonum etiam ipsis auribus peripateticis, nam sic tota formarum specifica differentia non proveniet ab ipsis formis, sed à materiæ variis dispositionibus. Tertiò, quæro à quonam disponitur materia tam diversimodè ? v. g. in uno sterquilinio sunt muscæ, vermes, lacerti, araneæ, ranæ, & centum generationes animalium specie differentium ex unâ aquâ, ut dictum, & qui fit ut in uno horto simplex aqua pluvialis amarescat in *Rutâ*, *Aloe*, *Abfynthio*, *Calocynthide*, dulcescat in *liquiritia*, *uvæ*, *pomis*, acescat in *Berberis*, *Acetosâ*, *Ribis*, insipida reddatur in *lactucâ*, *Portulacâ*, *Spinachio* : acerba, in *Gallis*, *Mespilis*, *Sorbis* : austera, infructibus immaturis : acris in *Nasturtio*, *Sinapi* : salsa, in *Cochlearia*, *Statice marina* in quonam diversificantur prædictæ qualitates in singulis individuis, ut specialis sit amaritudo in *Ruta* : alia in *Aloe*, alia in *Abfynthio*, &c. Item specialis fit sapor aromaticus in *Cinamomo* distinctus, à *Cardiophyllis*, *Cardomomis*, *Cubebis*, &c. Item quid est quod aquam istam reddit purgativam in *Rhabarbæro*, *Tithymalo*, *Colocynthide*, *Senna*, *Agarico*, &c. vomitivam in *Asaro*, *Graziolâ*, *Sambuco*, *Sedo* minimo : adstringentem in *Granatâ*, *Tormentillâ*, *Bistortâ*, *Centinodio* : emollientem in *violis*, *malvis*, *parietariâ* : antidotalem in *Scordio*, *Scorzonera*, *Pentaphyllo*, *Dictamno*, *Gentianâ* : venenatam in *Aconito*, *Solano*, *Cicutâ*, *Aspio risus* : Cephalicam in *Betonicâ*, *Salviâ*, *Roromarinâ*,

*marino, Marjorana: splenicam in Tamarisco, Cappari, Scolopendrio, lupulo: uterinam in Matricariâ, Artimesiâ: stomachicam in Menthâ, Absinthio, Centaureo minori: Bechicam in Hyssopo, Tussilagino, Enula, Liquiritiâ: cordialem in Boragine, Buglosso, Rosâ, Violâ, Melissâ: antiepilepticam in visco quercino, Tiliâ floribus, Pœonia: antiictericam in Chelidoniâ majori & Cuscutâ, &c. ejusmodi. Potestne unus calor vel lux solis tam diversimodè materiam disponere? Si hoc foret, tot essent in sole specie distincti calores quot sunt effecta diversa; nam quorum effecta specie distinguuntur, eorum causæ æquè distant. Calor autem per se, quicumque is sit, tantum calorem producit, per accidens autem exsiccât, liquefacit, vapores elevat; aliud autem nihil præstat. Præterea omnia promiscuè in omnibus essent, nec fierent hîc segetes, illîc uvæ, Blitum, Sedum, &c. Ut igitur veritas in tantâ caligine elucescat. Primò dicendum causam absolutè proximam unicâ tantum esse in uno effecto, licet plures esse possint causæ remotæ & instrumentales. Secundò dicendum, ubi duo effecta nullo modo inter se differunt, ea ab unâ & eâdem causâ proximâ & immediatâ procedere necesse est. Tertio dicendum eam esse causam principalem, non instrumentalem, quæ habet vires ex se producendi effectum, & à seipsâ non autem ab alio movetur. Quartò dicendum, ut in exemplis prius descriptis patet, neque in viviparis neque oviparis à coitu remanere semen corporaliter, ut eleganter demonstravit doctissimus *Harvæus*, nam in uteris Cer-
varum,*

varum, Damarum, Ovium, &c. nihil remanere vidit ad unum aut alterum mensem, & Gallinae ex uno coitu cum gallo sine ulteriori commercio ova prolifica pariunt. Quintò dicendum, sicut vivipara per calorem matricis & ovipara per forum incubationis, aut per balneum aut calorem pulveris vel fimi equini producuntur, sic ista, utrum sint animalia vel vegetabilia, quæ fiunt sine parentum semine in suis determinatis locis, requirere tantum calorem solis ut producantur; & si Sol aliquid aliud iis præter calorem tribueret, non hyeme calore balnei crescerent, quod frequentissimum est. Adde quod vegetabilia existerint ante natum solem ex 1. Genesios.

Cùm igitur neque in viviparorum neque oviparorum uteris maneat, multò adhuc minus in ovis, neque parens actu præsens esse potest in eo quod non remanet, & si detur quod remaneat, non moveri poterit ab eo fortassis absente, mortuo, combusto, aut putrefacto, ut in vegetabilibus effatis. Dicendum est semen non esse causam instrumentalem parentis in generatione, sed à se moveri, & esse causam principalem & immediate proximam, ideoque animal non generat animal, ut neque planta plantam, sed tantum semen ad plantam & animal. Et cum matrix nihil tribuat viviparis præter forum, quem incubatio, balneum & calor solis aliis tribuit, restat igitur immateriale & invisibile fermentum remanere, quod contagio quodam serpit per massam sublatam, eam organizando & singula membra & partes delineando & distinguendo, quo
impræ-

imprægnabantur uteri parietes, & attactu uteri sic imprægnati sanguis illic deciduus (vel materia alia lactea, ut quidam volunt) fermentatur, utero fortum præbente: & istud fermentum suscitatum à calore quovis moderato imprægnat ovi omnes partes & opus suum aggreditur, membra pulli delineando. In locis fermentorum particularium in terrâ, terra uteri vicem gerit imprægnata à fermento, aquâ illic cadente materiam & calore solis forum suppeditante, & sic nascitur animal, minerale, vegetabile, *bufo, glis, mus, musca, adianthum, sedum, leucoion, aurum, argentum, es, ferrum, lapis marchasita* pro diversitate locorum & fermentorum inibi laticantium. Cum igitur immateriale fermentum sit causa immediata & proxima in omni generatione, & *mus, glis, serpens, rana, capillus Veneris, Adianthum* quæ producuntur à fermentis sine parentum semine in suis locis, nullo modo differant ab iis quæ fiunt ex parentum semine (nam æquè apta sunt ad producendum sibi simile ut illa) igitur Conclusio erit vel omnem generationem esse univocam vel nullam.

Quod autem ex semine unius animalis fit aliud ejusdem speciei, figuras partes, & proportionem easdem habens, fit quia semen est deciduum ab omnibus partibus corporis plantæ vel animalis, in plantis v. g. quia succus ejus ascendendo per radices ramos & successivè per totam plantam, servat Characteres & sigilla omnium partium in motu ad superiorem plantæ partem sibi inusta; ita ut sit quasi magisterium totius plantæ, continens substantiam & proprietates

prietates ejus: sic etiam semen animalis testium factum ab arteriis & venis, & harum à reliquis partibus, & cætera, provenit à distantissimis, vel potius quia testes ex sanguine formant semen, qui sibi alimentum quærit ex omnibus partibus eas depraedando (ut pulchrè demonstrat *Glissonius* in sua anatomia hepatis) & sic retinet naturam & proprietates omnium partium cum proportionibus debitis & fermentis, neque proprietates fermenta, & cæt. magis confunduntur quam virtutes forte quadraginta simplicium in uno medicamento commistorum, quorum alia purgant, alia corroborant, alia aperiunt, alia corrigunt, alia respiciunt stomachum, caput, renes, uterum, hepar, splenem, & cæt. agentia per modum lucis quæ agit impermixtis radiis, ea autem impermixtis virtutibus: Nam à spiritibus nostris separata unumquodque suum pensum absolvit sine alterius impedimento, & amicè conspirant ad hostem expellendum, & amicum corroborandum quædam fores aperiendo, quædam hostes ligando, quædam attrahendo, quædam expellendo, & cæt. hæc etiam similitudine pulchrè demonstratur, edificetur domus absque fenestris, foraminibus & rimis, ita ut sit tota tenebricosa, tunc in uno loco perforetur terebello ita ut lumen & solis radii per istud foramen intrent, tunc extra domum colloca effigiem hominis variis coloribus depictam in tabula, intra domum autem colloca aliam tabulam in qua nihil sit depictum in loco appposito, ut sit in certa distantia à foramine, videbis omnia membra lineamentis & coloribus variis correspondencia effigiei in tabula depictæ

picta extra domum, si vero tabulam istam intra
 domum propius admoveas foramini, membra o-
 mnia cum suis proportionibus & coloribus quasi
 confunduntur, & nihil apparet in tabula præter lu-
 men, ita ut in foramine lineamenta & colores sunt
 misti, & quasi confusi nobis apparent, sic fermenta
 membrorum & diversarum partium corporis hu-
 mani sunt misti, indistincta & confusa in semine: in
 matrice autem à calore & vi plastica ordine sepa-
 rantur, ut unum ex sanguine vel materia lactea ut
 quidam volunt caput, aliud cor, aliud stomachum,
 intestina, testes uterum, nervos, hepar, & cæc. effici-
 ant, licet ut dictum non remaneat corpus seminis,
 nam satis est si semel tetigit vel imprægnavit uteri
 parietes: homo igitur est quasi arbor inversa, sto-
 machus est radix, solidæ partes cum venis & arte-
 riis sunt quasi truncus, Massa sanguinea est pro so-
 lis & frondibus, purior ejus pars descendens per
 arterias & venas ad testes flos est, ex quo semen
 intestibus generatur, veresimile autem est sangui-
 nem ex quo fit semen impressiones omnes mem-
 brorum tempore formationis ipsius fetus accepisse,
 aliter mutili & membro aliquo truncati tales
 generarent; sicuti morbi, nævi, & mores, quibus
 fermentatur semen parentis, ad seros nepotes
 transplantantur: quomodo autem tales impressio-
 nes fiant posterius fufus declarabitur spinosas ali-
 as difficultates de generatione & semine agitari
 solitas consulo prætermittimus de iis alibi dicturi.

Ut ulterius prosequamur causas Sympathiæ &
 Antipathiæ operæ prætium erit de ortu qualitatum
 paucis

paucis differere: & ad confusionem in re tam ardua ac difficili evitandam. Primo, Ponemus emunctiorum Philosophorum hac in re disquisitiones breviter & succincte, ne animus lectoris diutius suspendatur. Et primò dicunt ut investigent omnes qualitates ordine & methodo debitis, in mixto considerari posse Rei substantiam, substantiæ modum & accidentia.

2. Dicunt substantiam aliam esse totalem, ipsum scilicet ens Physicum, aliam esse partialem, materiam videlicet & formam.

3. Dicunt materiam posse vel considerari ut est pura potentia indifferens simpliciter ad omnes formas, vel ut est prima materia elementaris, quæ ignea, aerea, aquea, & terra dicitur.

4. Dicunt modum substantiæ esse duplicem, alterum substantiæ totius entitatis Physicæ, ut substantia, existentia, & unio. Alterum dicunt esse modum substantiæ solius materiæ primæ, non ut est pura potentia, sed ut sigillata ex præcessisse formæ elementaris in illâ, &c.

5. Dicunt accidentia quæ superveniunt in mixtis alia produci à formâ ut est mixta, alia ut est vivens, alia à formâ, ut nec mixta nec vivens, sed ut est forma specificè talis.

6. Dicunt, quæ producuntur à formâ ut mixta, producuntur ab ea ut continet virtualiter eminenter elementa, ut sunt quatuor qualitates primæ, calor videlicet, frigus, humiditas, siccitas, & qualitates quæ earum interventu superveniunt, ut sunt secundæ, quæ sequuntur calorem, sunt facultates

tates aperiendi, rarefaciendi, attenuandi, incidenti, & cæt. quæ sequuntur frigus: incrassandi, repellendi, condensandi, & cæt. quæ sequuntur humiditatem: emolliendi, relaxandi, & quæ siccitatem: indurandi & cæt.

7. Accidentia quæ producuntur à formâ ut vivens, sunt facultates quæ operantur sub aliquo vitæ gradu determinato, vegetabili, sensitivo viz. aut rationali.

8. Quæ verò sequuntur & sunt à formâ ut nec est mixta nec vivens, sed, ut est specificè talis, nec sunt primæ qualitates, nec quæ interventu illarum superveniunt, nec potentia contenta sub aliquo vitæ gradu determinato (aliter omne mixtum & vivens haberet eas) ut est vis, antiepileptica in *paonia*, trahendi ferrum in *magnete*, & cæt. Sed sunt vires & potentia forma ut præcisè talis, nam per substantiæ modum particularem determinatur forma ad qualitates debitas & specificè coaptatas, ita ut licet forma informet materiam secundum alios substantiæ modos, non producat in illa talem qualitatem, ut apparet in *Rhabarbore*, quod in partibus tenuioribus habet vim solvendi ventrem, & in crassioribus adstringendi. *Lentiscus* in unâ parte solvit. Sic quædam animalia in una parte habent venenum, in aliâ antidotum. Notandum affectus provenientes à facultate quæ pullulat à formâ ut specificè tali, dici mirabiles quia non percipitur eorum causa sicut reliquorum, & quia non immutant aliquem sensum externum, ut affectus reliqui determinantur à totâ substantiâ, quia proveniunt à formâ ut taliter determinatâ

terminata à materiâ, ut virtus *magnetis*, & cæt., non dicuntur occulti, quia non omninò cognoscuntur, sed quia ab externo sensu non percipiuntur.

Speciosa equidem hæc sunt verba, sed fragili fundamento innixa, ex fabulo peripatetico, quo à tempestate sublato proculdubio mole suâ corruent. Et primo supponentes omnia corpora esse mista, & ex congregationibus elementorum fieri, experientia & sanæ rationi vim maximam inferunt, cum corpora quæ creduntur mista esse, solius aquæ imprægnatæ fermento fructus sunt, uti prius in principio hujus tractatus satis clarè inductione exemplorum manifestorum demonstratum est : & cum non entis nullæ sint passiones, quomodo possunt qualitates oriri à formâ misti nunquam existentis? Et si hoc verum, unde suum ortum mendicabunt qualitates istas quas primas vocant, calor, videlicet, frigus, humiditas, & siccitas, quas immediatè ex finè misti deducunt? Nam istæ qualitates exæque competunt omnibus rebus, & non primò elementis, ut loquuntur, quia omnia corpora, & etiam aer, aqua, terra, sunt capacia caloris vel frigoris, & cæt. immutatis eorum essentiis, & etiam ignis calor intenditur & remittitur, & radii solis sunt ex se calidi & sicci & non ab igne; ratio autem consequentiæ istius est, quia dicunt mista habere in se istas qualitates, quatenus continent elementa vel formaliter, ut quidam volunt, vel virtualiter & eminenter, ut alii, quæ in misto in actum reducuntur adventu formæ misti, & præterea si qualitates istæ dicerentur primæ, quia primis corporibus insunt, nempe elementis,

mentis, tunc etiam gravitas & levitas quæ motrices dicuntur, essent primæ, quia istis insunt, neque dependenter à primis supple, calore, frigore, & cæt. nam gravia & levia se indifferenter gerunt ad calorem & frigus, & multa sunt gravia & levia in quibus ne vel calor vel frigus potentiales percipiuntur. Si autem gravitas aut levitas fierent à frigore & calore, & cæt. tunc res quò plus haberent ignis essent leviores, cujus contrarium elucet in ferro candente, lapidibus ignitis, & cæt. quæ ab igne nihilo leviora sunt, & terra esset gravior *auro, stanno, cupro,* & cæt. quia cum ex eorum suppositionibus mixta sunt, plus habent ignis quàm terra, uti prius dictum. Neque gravitas & levitas mediatè ab iis fiunt: mediante nempe raritate, & densitate, nam sic *oleum* densius esset levius *aquâ*, & oleaginosa non supernatarent aque, & cæt. & si qualitates istæ primæ, ut vocant, ab istis quæ elementa communiter vocantur, non oriuntur, unde eorum supposititii satus originem suam derivabunt? Qualitates nempe quæ secundæ vocantur, quas interveni primarum supervenire volunt, quod probatu esset impossibile, etiamsi daretur calorem, frigus & cætera esse primas & primis corporibus primò inesse. Nam si à primis fierent, exactum posset dari iudicium ex iis de qualitatibus primis, quod simpliciter impossibile esse ostendo inductione. Et primò à coloribus non datur iudicium de primis qualitatibus, nam singulæ fere herbarum facultatibus diversissimæ, viridi colore dotatæ sunt. Albedo est in *nive* frigida, & *Arsenico* adurente, item in flore *papaveris* albi, &

Bore Galanga Matricaria, & cæt. succus lacteus in *Esula* & *Tichymallo* adurentibus, & in *Cithores*, *Sancho* & *Lactuca* frigidis. Secundo, neque à saporibus datur de primis qualitatibus iudicium, nam *opium* amarum refrigerat & *Camphora* piperis calidi saporem nacta, & succus *papaveris Rheodas* amarus refrigerat. Acida, ut *acetum*, *oleum sulphuris*, *Virioli*, *aurantiorum*, *succi herbarum*, & cæt. calefaciunt; Nam dissolvunt *corallia*, *lapides*, *perlas* & *Conchylia*, & dissolutio & penetratio sunt caloris actiones. Tertiò, neque ab odoribus datur iudicium de primis qualitatibus, nam primò homini inter animalia odoratus obtusissimus obigit, & multa odorata frigida sunt, ut *Camphora*, *opium*, *cicuta*, & cæt. & multa inodorata calida, ut *Arsenicum*, *Mercurius*, *Eryngo*, *Cantharides*, & cæt. Denique à densitate, mollietie, durtie, crassitie, subtilitate, ariditate, lubricitate, lentore, friabilitate, asperitate, & cæt. non datur iudicium de primis qualitatibus, nam nulla earum magis à frigore quàm à calore dependet, ut experientià constat, nam multa crassa sunt calida, & multa frigida, & sic de cæteris. Qualitates autem tertii ordinis, quas occultas vocant, non possunt provenire à sigillatione materie, a formis elementorum in mistione, etsi daretur mistio, sigillatio forme ignis tantum calorem produceret, aque humiditatem, & cæt. & sic istæ nullo modo occultes qualitates producere possunt, nam ipsis fatentibus à primis non oriuntur. v. g. si virtus Antiepileptica inest *Paonia* quia prædeterminatur forma eius

jus à præcessisse formarum elementarium, istud est vel à formâ terræ vel aquæ, vel ignis, & cæ. vel à complicatione trium, duarum, & cæ. atque hoc nullo modo fieri potest ob rationem supra allatam, neque vis solvendi ventrem in tenuioribus Rhabarbari partibus quâ talibus consistit, neque adstringendi in crassioribus & in lentisco, aliter omnia compacta & crassa hoc sibi tanquam peculiare vendicarent, & etiam tenuia, quod experientia contrarium. Et quod dicunt qualitates non dici occultas quod non omnino cognoscantur, sed quod ab externo sensu non percipiuntur, ut reliquæ; vel visio non est sensus externus æquæ ac tactus, vel si sit, cur vis attractiva ferri magnetis quæ visu clarè discernitur, magis occulta est quàm humiditas in aquâ vel calor in igne & sole quæ percipiuntur à tactu. Et cum nemo demonstratione à priori adhuc investigare potuerit cur ignis sit calidus vel aqua humida, magis quàm quare magnes attrahat ferrum, & cæ. vel igitur omnes qualitates erunt occultæ vel nullæ. Nam si primæ quæ maximè videntur sensibus subjici non cognoscantur plus quàm occultæ, multò adhuc minus secundæ ab iis ortæ. Præterea quæcunque ab uno & eodem principio fiunt, una earum non potest dici magis occulta, alia minus. At ab uno principio sunt omnes istæ qualitates, Ergo, & cæ. Nihil est in composito præter materiam, formam, & fermentum, at forma est una & eadem in omnibus (homine solùm excepto) ut postea dicitur, igitur diversæ qualitates ab ea haud provenire possunt, materia est etiam una & eadem in omnibus

nempe

nempe aqua, & ob eandem rationem non potest esse radix et fons tot diversarum qualitatum, Ergo à fermento tanquam scaturigine fluunt odores, sapor, colores, proportiones, et figurae diversae, item vis attractiva, repulsiva, sympathetica et antipathetica, et cæt. vel à nihilo. Nam aqua ante fermenti adventum, neque sapida, odorata, colorata, neque tot diversis proportionibus dotata, neque purgativa electivè, nec deleteria, nec antidotalis, neque cephalica, hepatica, splenetica, arthritica, et cæt. sed pro diversitate fermentorum quibus nubit, capax est recipere myriades signaturarum hinc mineralis in auro, colore fulvo, in argento albo, in minio rubescit, in Vitriolo viridescit, vel caeruleus evadit, illic plantescit in ruta coloris viridantis, flore luteo, amarescit odore grav. olenti qualitate venenis resistente & Brassica antipathetica, istic animalis fit in Tarantula subfusi coloris instar araneæ, cum qualitate hominibus infesta, et cæt. particulariter autem investigare quomodo fermenta ludendo tot diversas signaturas et proprietates producant non est hujus loci.

Hiscæ igitur positis ad ortum formarum deveniendum, qui adeo obscurus et incognitus est ut tota doctrina de sympathia et antipathia hucusque inculcata manserit, ut veritas (si possibile sit) in tam abstrusis mysteriis elucescat, operæ pretium duxi omnes sententias celebriores examinare, quarum naturæ phænomena melius explicet, et postremo propriam de formis sententiam ponere, fortassis non non prius audiam.

Prima igitur sententia est Peripateticorum contendendum dari formas substantiales in sensitivis & Vegetabilibus, quæ cum materiâ constituunt compositum, dicuntque esse immateriales & incorporeas, hoc est, non constitui ex materiâ tanquam parte essentiali, tamen esse materiales, quatenus dependent à materiâ in esse, fieri, & operari, neque norunt quid vocitent, nam si materiales, tunc neque erunt generabiles neque corruptibiles, quia materia neque generatur, & cæt. Neque possunt materiam informare, aliter idem seipsum informaret; si immateriales, tunc non erunt corruptibiles, adeoque nec generabiles. Ex nihilo nihil fit, at nihil habent ex quo orientur formæ nisi sit materia vel ejus accidentia, at non à materiâ tanquam ex parte essentiali (ipsa fatentibus) constituuntur, ergo vel accidentibus ejus vel nihilo: non ab accidentibus ejus, quia tunc accidentia non solum producerent substantiam sed ex nihilo crearent. Præterea forma non esset principium, cum ab alio produceretur.

Dicunt formam ex nihilo fieri, id est nihilo sui, non vero ex nihilo subjecti. At hæc distinctio difficultatem non tollit, cum nolint eam fieri à subjecto, id est materiâ tanquam parte essentiali, ideoque ex nihilo adhuc essentialiter fit.

Si forma educeretur ex potentiâ materiæ, vel existeret materia vel non existeret. Non posterius; quia (ut dictum) ex nihilo nihil fit. Si prius, existentia ejus vel erit Physica vel Metaphysica: non Physica, quia materia est pura potentia, Physica,

fica, existentia est actus. Si sit Metaphysica tantum, uti distinguunt, quomodo forma acciperet à materia existere Physicè, cum nullus dabit quod ipse non habet.

Distinguant licet in æternum de potentia materia educivâ & receptivâ, ego nihil prorsus audio nisi formam educi ex gremio, sinu, vel potentia materia, id est, materiam habere in se aptitudinem ad recipiendam formam, si quis dederit, non verò fabricandi formam, ideoque forma non educitur ex materia, sed in materiam inducitur.

Alia sententia est Epicureorum, qui, quia videntur *Aristotelis* opinionem non posse bene defendi, & formæ substantiales us imperscrutabiles videbantur, eas dari negantes pro constitutione & generatione corporis naturalis ad Atomos se conferunt, dicentes duo esse principia Concretorum, *Atomos* & *Inane*, existentiam atomorum evincentes ex eo, nimirum considerando quidnam singulis horis us quæ lentè crescunt adveniat, & quid singulis horis decedat ab iis quæ sensim imminuuntur: ut in nutritione Vegetabilium & Animalium, & in insensibili decremento, interim non attendentes quot rami, folia, flores, fructus, & semina quotannis in arbore fiant, ut, singulis exacte in statera libratis, aliquot uncias singulis horis alimenti eas conficere confiteri necessum sit. Idem eveniet etiam in nutritione Animalium, si quantitas cibi & potus ingestorum conferatur cum excrementis omnibus (& præterea in arboribus præter folia, & cæter, truncus arboris quotannis grandescit) qui ista requirere indivisibiles
atomos,

atomos, & non aliter fieri posse existimat, cum sensuum testimonia repudiare concludendum, cum nihil, ut probatum, requiratur ad nutritionem vegetabilium præter aquam.

Secundo dicunt istos Atomos, uti vox sonat, esse indivisibiles, & ob identitatem substantiæ quam sortiti sunt, prorsus ejusdem esse naturæ, unde nulla disparitas. Præterea dicunt eos habere magnitudinem, figuras, gravitatem, & unum esse alio majorem. Sed quomodo Atomorum pariter indivisibilibus unus potest esse alio major & gravior, & diversas sortiri figuras, nempe Sphæricam, Cubicam, Hexaedricam, Heptaedricam, lenticularem, & cæt. Credat Judæus apella. Si autem quaeratur quomodo hoc manifestum sit eos habere diversas figuras, cum atomi non possint sensari, & concreta corpora figuras & proportionem sortiantur à formis perfermenta, ut dicetur, non autem ab istis atomis non existentibus.

Tertio dicunt, Atomos qui non possunt dividi, non habere inane in se, sed omnia concreta, prout sunt duriora vel molliora, plus aut minus vacui possidere: quod non dixissent si attendissent quod ex eorum placitis necesse sit atomos rareferi. Nam dicunt ignem, formas, spiritus animales brutorum, effluvia magnetis, succini, & cæt. fieri ex flore materiæ, & ex atomis multò subtilioribus quàm sunt corpora reliqua. Hinc sequeretur corpora quò compactiora & duriora & plus materiæ participarent eò esse activiora, spiritus formas, & cæt. quia multum vacui possident, esse minus activa; quia vacuum

cum nihil est, nihil autem nihil activitatis habet. Præterea, idem seipsum informaret : nam raritas & densitas non inferunt differentiam specificam, & si spiritus animales perciperent omnia in brutis (nam illos ab animâ, & animam à temperamento non distinguunt) simile à simili perciperetur, nempe atomi subtiliores qui sunt anima, perciperent alia sensibilia ex atomis minùs subtilibus. Quartò dicunt, atomorum conjunctione res omnes generari, & segregatione corrumpi & interire, atque inter se vario modo agitados, conjunctos, segregatos, & dispositos, proprietates omnes naturæ originare, explicare, & ab innatâ sibi gravitate moveri, ascribentes iis proprietates generales, nempe magnitudinem, figuram, identitatem substantiæ, gravitatem, atque etiam proprietates específicas, ut sunt diversæ species figurarum, planities, acuties, angularitas, asperitas, obtusitas, orbicularitas : & dicunt istas omnes congenitas esse proprietates, & inesse iis quæ tales. Alias etiam ascribunt iis proprietates quæ possunt abesse vel adesse ; & quæ insunt quatenus concurrunt ad generationem & corruptionem concretorum, ut sunt concursus, positio, connexio, ordo, numerus.

Quæro primò, si magnitudo, figura, & cætera proprietates generales, & proprietates specificæ, ut sunt figurarum species rotundæ, oblongæ, orbiculares, hexaedron, heptaedron, & cæc. inter se concurrant, connectantur, & cæc. an unquam aliam aliquam qualitatem ab iisdem diversam generabunt? Num magnitudo, gravitas, figuræ diversæ, ut planities,

nities, angularitas, & czt. diversas dimensiones secundum longitudinem, latitudinem, & profunditatem producent: at nunquam odores, sapores, colores, atque alias qualitates manifestas aut occultas (ut loquuntur) licet iis etiam jungatur calor (quem aliquando atomis à creatione impressum, aliquando à motu atomorum levissimorum oriri volunt) nam qualitates sibi similes qualitates generant, neque alias, ut calor calorem tantum per se producit; item diversæ species figurarum connexæ vel disjunctæ diversas figuras producunt, præterea autem nihil. Licet in istis absurdi superlativè sint, tamen dicunt se melius aliis Philosophis explicare naturæ phænomena. At si interrogentur unde procedat sensatio in brutis, dicunt à variâ connexionem & concursu atomorum subtilissimorum inter se. Si autem interrogentur, qualis vel qualium sit concursus, vel quare à concursu horum potius quàm aliorum, ~~non~~, ipsis fatentibus in obscuro lateret. Neque similitudo desumpta à connexionem, ordine, & transpositionem literarum Alphabeti aliquid evincit præter hoc, ut ex istis literis variz apparitiones fiunt à diversis positionibus, & variz syllabæ & verba fere innumera, à diversis connexionibus, sic dato quòd sint atomi, & quòd habeant tales proprietates generales & speciales per connexionem, congregationem & segregationem, diversæ erunt & parè innumeræ species figurarum, sed quid aliud nobis adhuc incognitum? Quintò, ut probent atomos mirabiles posse producere effectus hoc utuntur argumento satis fragili. In inanimatis relucet stupenda

da effecta quæ à solo temperamento proveniunt. Ergo in brutis, judicare, meminisse, appetere, fugere atque ejusmodi provenire possunt ab eorum temperamentis, id est à materia & qualitatibus vivacissimis, id est, à materiâ & materiâ : & supponit actionem fieri ab inanimato, cujus contrarium probabitur, & dari temperamentum, cujus contrarium in præcedentibus elucet. Sexto, dicunt species visibiles & odores fieri ex aporrhæâ atomorum, & ut vitent hoc absurdum, corpora ista continuo minorari dicunt ex aliis corporibus alios in locum eorum substitui, obliti quòd omne corpus constet tali & non aliâ connexionione talium atomorum, ideoque atomi ex aliis corporibus vel non possunt apponi, vel si sit, mutabunt formam & colorem eorum quibus apponuntur, & sic nihil esset idem hodie cum seipso cras : videmus autem Magnetem per multos annos emittere effluvia, nihil autem de pondere amittere, licet senio virtus ejus, nisi benè præservetur, labefactetur. Item videmus argentum vivum & Antimonium millies aquam aut vinum imprægnare sine aliquo ponderis sensibili dispendio.

Quæro, cum in uno horto sexaginta forsitan plantæ crescant, utrum quælibet earum attrahat succum ex tali atomorum commistione quæ sibi sit conveniens, vel si sibi conficiant ex uno succo materiam alimoniam. Si prius dixerint, omnia sunt in omnibus cum Anaxagora, vel diversæ plantæ successivè non crescerent in uno numero loco, sibi attrahendo succos diversos, v. g. Buglossum & Aconitum, Fraga, & Absinthium, ergo necesse est dicant posterius, nempe ex uno succo conficere alimenta,

menta; & si hoc, tunc principium transmutativum plantis inesse fatendum est. Hoc principium igitur erunt Atomis vel quid ab iis diversum: non atomi, quia si omnes eorum qualitates tum generales, ut sunt identitas substantiæ, gravitas, & cæt. tum speciales, ut sunt species figurarum diversæ, tum accidentia communia, ut sunt connexio, numerus, ordo, & cæt. nihil producere possunt per varias mutationes somnias, ut dictum, præter accidentia ejusdem speciei, ut videri potest, si omnes complicationes possibiles qualitarum istarum percurras, ergo fatendum est aliquid diversum ab Atomis esse in plantis, & cæt. transmutationis principium. Item supponendo viginti animalia specie & proprietatibus diversa uno cibo vesci, cum quædam ex eo faciunt venenum, quædam antidota venenosorum, quaero utrum tot proprietates cibo, vel num rectius in singulis illis animalibus ingerat fermentum transmutativum cibi in tot diversas species, & multa alia istius fursuris, quæ brevitatis causâ omitto.

Neque concipi potest quomodo materia sit ex se activa, & si hoc fieret, quomodo ex atomorum concursu fortuito (etiam si animati essent) essentia rerum, quas fixas esse constat, unde differentia specificæ oriuntur, coalescere possunt?

Alia sententia est *Helmontii* asserentis in omni composito dari formam, & eam distingui pro gradibus rerum diversis. Primus gradus est eorum quæ formam essentialem habent, ut in lapidibus, machanicis, metallis, vegetabilibus effatis, & eorum partibus, ossibus aridis, & cæt. Secundus gradus est

est eorum quæ formam vitalem possident, ut in plantis crescentibus. Tertius gradus est eorum quæ formam substantialem habent, ut in sensitivis. Quartus gradus denique eorum quæ substantiam formalem habent æternæ durationis, ut in creaturis rationalibus. Istâ formâ semper exceptâ dicit reliquas esse medias inter substantiam & accidens & creaturas neutras, & esse de profapiâ luminis & specie distingui, eas autem non generari, aut ex materiâ per ejus dispositiones produci aut fabricari (generationes rerum omnes causâ efficienti ascribens) sed ex nihilo à Deo creari, qui pater est luminum, & in instanti creationis in materiam à fermento prius dispositam infundi, & ex materiâ & formâ per fermentum compositum fieri, viz. vel animal vel vegetabile vel minerale, quæ vocat producta seminalia, & dicit corrupto composito formas sponte annihilari, & hæc sententia licet veritati magis consona sit, tamen multis haud levibus scætet erroribus. Et primò, hæc distinctio (omissâ substantiâ formali) in formam essentialem, vitalem, & substantialem inepta est, quia omnia formam habentia vivunt & sentiunt, licet alia obscurius alia luculentius, gradus autem rei non infert differentiam specificam, ideoque si unum habeat formam substantialem, alia habere necesse est. Nam inferendo animalia quia vivunt & sentiunt habere formam substantialem, tunc, si omnia sentiant, ut infra probabitur, omnia habebunt formam substantialem. Secundò, dicere formas omnes specie diversas de novo semper creari, præter quod contradicit

dicat sacra Scriptura dicenti Deum sex dierum spatio totum opus creationis finivisse : vult Deum immediate presentem esse in productione cujusvis muscæ, apis, crabronis, sine concursu causæ secundæ, confundens modum productionis animæ humanæ, cum productione talium vilissimorum ex sterquiliniis productorum. Præterea dicit formas annihilari per se aut per accidentia, cum tamen neget accidentia posse eas producere, & tamen requiritur eadem potentia pro annihilatione, qua requisita erat pro creatione.

In tantâ rerum caligine liceat mihi (candide lector) libertate philosophicâ uti, ut inter alios sententiam meam liberè proferam, ad quam stabilendam primò repetenda sunt quædam de fermentis, nempe inesse aliquid locis omnibus iis coævum & concreatum subjectatum in odoribus vel fracedine quod præparat materiam ad suam ultimam perfectionem recipiendam ex unione cum formâ, quam dari contra Atomistas probavimus, nec educi ex materiæ potentiâ aut dispositionibus contra Peripateticos, nec de novo creari & rursus annihilari suâ sponte contra Helmontium. Ne a symbolos videar repetenda primùm sunt quædam exempla 1. Saliva canis rabidi ex morsu carni impressa, hominem, boves, oves, canes, equos, corvos, gallos gallinaceos, & cæt. rabidos reddit, & mores & gestulationes canis, latrando, ringendo, aquum timendo, & cæt. habent.

Item comedentes cerebrum Cati ejus mores induunt.

Tarantulæ

Tarantula ictus reddit homines & bruta Tarantulis similes, inquietos, & in motu perpetuo fcalescentes.

Ferino sanguine epoto ferini mores induuntur.

Carnes animalium rapacium, ut lupi, Corvi, Aquila, Accipitris, Vulpis, leonis, si saepe comedantur, mores proinde eorum in aliis generant: ut carnes leporis saepe comestæ qui timidum & melancholicum est animal eadem producant in homine symptoma.

Aspidis morsus præter alia prava symptoma gesticationes ipsius serpentis inducit, ut sunt crebri hixtus, volatatio corporis & membrorum, &c.

Lascivientium animalium carnes, ut sunt passeris, Schinci, &c. lascivos reddunt omnes comedentes, ut missas faciamus mutationes facias in hominibus & brutis per Vegetabilia & Mineralia.

Hicce igitur positis dico 1. Quando anima sensitiva hominis (nam animam immortalem & rationalem ista venena non attingunt, saltem immediate) & brutorum demotforum, punctorum, & pastorum supra dictis, easdem operationes habent, quas canis rabidus, Tarantula, Catus, Aspis, lupo, &c. & non solum operationes vitales sed & naturales mutantur, ut videre est in hydrophoborum urinis sententibus vermibus capitibus caninis, & Tarantismo affecti aliquid simile telis aranearum in urinis & excrementis habent. Facendum igitur est vel duas in illis esse formas, nempe formam, canis, bovis, corvi, &c. vel esse animam

animam canis rabidi & ceter. à quâ proveniunt tales operationes, & sic de ceteris iudicium esto. Fatendum est aliter operationes canis rabidi non ab eius formâ fieri, sed æque benè à formâ galli, bovis, ovis, & ceter. fieri posse. 2. Fatendum est, formam canis rabidi non esse in salivâ eius nec sic posse transplantari. 3. Fatendum est, quod boves, oves, galli gallinacei, & ceter. demorâ non careant propriâ formâ, & ut anima canis non est in salivâ eius, sic neque anima Tarantula est in veneno eius, neque in carne animalium rapacium aut ferarum sanguine, & ceter. aliter ad generationem non opus esset semine, nec sexuum diversitate, quod absurdum, etiam si animæ fierent ex traduce.

Consequens igitur erit (cum operationes quæ fiunt in hove, corvo, & ceter. demorâ à carne sint prorsus eadem cum operationibus canis rabidi (& sic de ceteris exemplis) nec anima canis, Tarantula, & ceter. possit transplantari per morsum aut puncturam, & si possibile esset eam transplantari, tamen illuc essent duæ animæ simul & semel in qualibet parte corporis & reliqua absurda) animas beatorum prorsus eadem esse nec distinguî specie ex se & suâ naturâ, omnem autem distinctionem fieri à diversis fermentis supervenientibus. Animam autem vegetativam non distinguî à sensitiva demonstrant animalia quæ fiunt in arboribus, ut sunt Buprestis in Pino, Cantharides in Fraxino, Eruca, Papiliones, nam materia & forma arboris Pini à fermento Buprestis superveniente, mutatur in Buprestem, anima-
 G sentibus

nentibus forma & materia arboris, sed aliter operante in Boprelli quam in arbore.

In vegetativis id palam videtur, nam herbe cordiales apud cavernas serpentum veneni serpentini dotes explicant, item vinum laxativum vinum accipit à Mercuriali remanentibus eorum formis non mutatis, cujus rei innumera fere exempla proposuimus in fermentorum distinctionibus. Fermenta igitur formas rerum reddunt sequaces, & pro diversitate fermentorum diversificantur operationes, & consequenter formæ actionum auctrices. Haud aliter sol durat lutum & liquefacit ceram & per fenestram vi-tream splendens variis coloribus depictam, viz. rubro, cæruleo, flavo, viridi, nigro, &c. pro diversitate colorum diversificatur sol ipse immutatus in sua essentia.

His positis demonstrationibus, ut videtur, satis sensu perceptibilibus, cum dari formas substantiales nullus (Atomistis solum exceptis) dubitet, neque aliquo ex prædictis modis fiant aut producantur, ut probatum, nec specie differant magis quam materia unius rei & alterius, consequens formam dari universalem (animam hominis immortalis et rationali semel et semper exceptam) sicut datur materia talis, in principio creatam, immaterialem, neque dimensionum vinculis strictam, per totum mundum extensam unitative (hic obscure vivens in vegetabilibus effectis, illic clarius in vegetabilibus crescentibus, illic sentit in animalibus, illic mineralcit, & sic de ceteris) licet non quantitative, rebus quibuscunque divisibilibus indivisibiliter presentem, & in omni generatione & corruptione, quæ potius mutationes

dici debent, nulla est productio novæ entitatis aut
 destructio propriè sic dicta, & licet variæ sint trans-
 mutationes, tum quoad qualitates, remanentibus
 formâ & figurâ externâ: tum quoad formam & fi-
 guram, remanentibus quibusdam qualitatibus: tum
 quoad figuram & formam & omnes proprietates, ta-
 men id solum à fermentis variè materiam disponen-
 tibus provenit, quod forma sit susceptiva tot diver-
 sarum mutationum, in se tamen non mutatur. Nam
 si dentur operationes & qualitates omnium rerum
 quibus ab aliis distinguuntur, neque aliter discerni
 queunt, ut sunt sapores, odores, colores, & cæt.
 & si mutatis istis semper mutaretur forma; vel si
 quando plures diversæ qualitates insunt uni rei, tunc
 essent diversæ formæ, ut quando *vinum* laxativam
 facultatem accipit à *mercuriali*, quando *sars* por-
 cina pisces redolet, & cæt. tunc formæ rerum, quas
 stabiles esse & permanentes constat, essent in per-
 petuo fluxu, & semper differrent à seipsis, & diver-
 sæ formæ imò contrariæ unum compositum informa-
 rent, quod superlativè absurdum. Neque hinc tol-
 litur distinctio animæ humanæ immortalis ab anima-
 bus brutorum: nam anima hominis ex substantiâ
 celesti creatur, & in instanti generationis à Deo
 Patre luminum infunditur: animæ autem relinqui-
 um, vegetabilium, brutorum, mineralium, simul
 cum materiâ creatæ sunt, & cum materia sit incor-
 ruptibilis quod à formâ accipit ut sit hoc aliquid,
 quid absurdi etiam est si dicatur formæ esse incor-
 ruptibiles? Præterea de fide credimus in die extremæ
 iudicii mundum non annihilatum iri, sed tantum re-

novari secundum Apostolum *Heb. 1. 11, 12. Rom. 8. 19, 20, 21.* at animarum seu formarum brutorum, & cet. sunt mundi pars integrans, ideoque contra Apostolum aut annihilabitur mundus, aut formae istae non peribunt.

Igitur in animalibus, vegetabilibus, mineralibus, insque effatis, & in ossibus aridis, & omnibus rebus & locis mundi ubi fermenta gliscunt, adest forma. Nam nulla est res tam mortua quae sensus aliqualis vitae & consequenter formae, non sit particeps, neque ullus est locus mundi ubi operationes animarum non sentiuntur per vegetationem, nutritionem, sensum evidentiorum aut obscuriorum, ut probabitur inductione singularium. Cum igitur res quae mortua prorsus videtur agit, actio non est solius fermenti, sed est formae per fermentum in materia, ideoque sequitur tot esse gradus formae participantis quot sunt gradus rerum quas informat, non quod forma in se habeat gradus (nam accidens non est) sed quod pro maiori aut minori perfectione rerum per fermenta dispositarum loculentius aut obscurius percipiatur in suis operationibus, nam omnia quamdiu suis fermentis non omnimodè destituuntur, aliquantulum saltem formae capacia sunt, ut videre est in quibusdam rebus quae mortuae prorsus videntur, tamen certo vivunt, & sibi simile in specie producant ut *Canchylia* exsiccata, contrita, & in arena seminata alia producant, serpens mortuus seminarium aliis serpentibus, *Raphani* minutim contriti & terrae commixti *Raphanae* producant, & sic de ceteris eiusmodi. Sensu etiam atque imaginatio-

ne pollere ea quæ maximè mortua videntur, experientia irrefragabili constat. Nam cum quatuor sint gradus rerum in natura, uti prius dictum (de sensitivis & rationalibus nullum est dubium), igitur de duobus aliis, nempe de vegetabilibus vivis & de effatis, atque animalium partibus & mineralibus. 1. In partibus animalium demortuis; ut *Physa* piscis, & *hirundo marina* retinent etiam exsiccata post mortem, virtutem se convertendi ad eam plagam cœli ex qua spirant venti, quâ qualitate pollebant pisces viventes. Concepta inimicitia ovi cum *lupo* remanet in pellibus & intestinis, ut superius dictum. Item inimicitia remanet in pennis à morte, ut videre est in *aquilarum* pennis & cæterarum avium, sic stragulum ex pelle voracis *Gulonis* efficit somnia de epularum voracitate. 2. In metallis, ut videre est in magnetismo inter *aurum* & *Mercurium*, inter *magnetem* & *ferrum*, inter *polum* & *magnetem*, item in Antipathia inter *lapidem Theamedem* & *ferrum*, & cætera ejusmodi multa in exemplis. 3. In vegetabilibus effatis, ut armilla ex *corallo rubro* si carnem mulieris hystericae aut fluxu menstruo laborantis tetigerit, pallefcit & obscuratur; tactu autem carnis benè valentis pristinum recuperat splendorem, *fraxini succum* retinet qualitatem resistendi morsibus serpentum, quæ inerat arbori dum vegetaverat, in succis *Brassicae* & *Viciae* remanet Antipathia eadem quæ inerat frutici & herbæ crescentibus. 4. In vegetabilibus crescentibus, ut in *filice* & *arundine*, & cæ. in exemplis prædictis. His positis ad demonstrandum procedo.

In quibuscunque effecta sensus clarissimè elucet, illa revera sentiunt; At in animalium partibus, metallis, lignis aridis, vegetabilibus vivis & effatis, effecta sensus clarissimè patent, ut ex exemplis clarissimè constat, Ergo, & cæt. Minoris ratio est, amor, complacentia, hostilitas, repugnantia, sunt effecta sensus & hæc in iis reperiuntur: Ergo, & cæt. Probatur, ubicunque sunt motus, inclinatio, tractio, fuga, expulsio, declinatio, aversio, ibi est amor, hostilitas, & cæt. At in istis rebus talia effecta cernuntur, Ergo omnibus rebus inest sensus. Cum nihil sit in toto naturæ amplexu quod non sui conservationi studeat, nam philautia cubat in gremio naturæ, ideoque omnia sensu pollere necesse est ut adjuvantem à lædente distinguant, & non solum ut sensu polleant, sed etiam electionis quadam specie, ut *magnes* præsentibus duobus objectis nempe alio magnete & ferro, ad unum neglecto altero se convertit, istud voca instinctum vel ut libet, modo res sit, non erimus solliciti de nominibus, nam nomina sunt propter res, non contrà.

His igitur positis, nempe dari formam universalem, & proinde formas rerum (formam hominis semper exceptâ) non differre specie; & omnia, imo ea quæ videntur mortua, habere formas, & proinde sensum & vitam, & per sensum & vitam sui conservationi studere percipiendo hostem quia ab eo timet suam destructionem vel partialem aut totalem transmutationem, ab eo declinat, & in adversum flexitur, percipiendo autem amicum, cujus sodalicio quasi roboratur & confortatur cum intuitu lucri & voluptatis, quasi ad eum inclinat, ut mutuis amplexibus
consortio

consortio mutuo fruuntur, ut videre est in *Vite & Brassicâ, Nymphaea & Ranunculo, Asparago & Arundine & cæt.* Consequens igitur erit omnem omnino consensum aut dissensum rerum, utrum sit in distans immediatione virtutis, aut per contactum immediatum suppositi, per motum localem trahendo vel pellendo, aut per simplicem (ut loquuntur) alterationem, à sensu rerum mediante fermento dependere, & ab hoc fonte unice originari. Nam omnes res inter sphaeras sensationis (quæ variæ sunt) positæ, per fermenta in se invicem agunt, adjuvando, transmutando, vel destruendo, uti prius dictum.

Sicuti philtrea seu potiones amatoriarum quæ sunt ex spermate, menstruo sanguine, radicibus aut seminibus herbarum, aut animalium partibus, qualia sunt *Orchis species, Eriogonum, Eruca, passeris, Schin-ci,* testiculi animalium salacium, sudore hominis irrigata, & sic exhibita, conciliant amorem, ita ut comedentes sequi cogantur eum cujus sudore imbuta sunt. Sic caseus detentus sub axillâ hominis donec madescat si canibus exhibeatur, eos sequaces reddit. Sic avis *Cacavora India* sequitur continuo aves quarum stercore pascitur, & ratio est, quia in sudore, stercore, aut spermate restat tinctura saltem fermenti ejus ex quo decidua sunt, quo fermentantur humores, partes, spiritus, & cæt. recipientium, & consequenter formæ redduntur sequaces istius fermenti, uti dictum. Et cum quisque seipsum amat, & pars suo toti conjungi gaudet, pars ista fermenti in philtro & cæt. recepti gaudet conjungi cum homine ex quo venit, & animam recipientis quasi se-

cum

cum rapit, ideoque amborum animæ eodem modo operantur in duobus corporibus ratione unius fermenti symbolizantis, & sic compatiuntur. Sic *spiritus sanguinis* alicujus viventis, vitro hermetice clauso, impositus monstrat sanitatem & morbos ejus cujus est sanguis licet longè absentis, mutatione coloris in turbidum, lividum, clarum, rubrum in *Febris*, *Tætero*, *Melancholiâ*, & cæt. Sic *Vegetabilia* & *Mineralia* intra suas sphaeras posita, quorum fermenta symbolizant, neque se mutuo transmutant aut destruunt, & cæt. sed se amicè amplectuntur, ut *caprificus ficum*, *Palma mas foemellam*, *magnes ferrum*, & mutuo sodalicio gaudent, ut *Nymphaea* & *aqua*, *lilia* & *rosa*, & cæt. vel contactu radicum seu suppositi, aut contactu virtutis ex iis effluentis fermentum unius conjungitur cum alterius: & sic unum alterius redditur sequax, aut ambo ad seinvicem inclinant, aut mutuo consortio gaudent, ut prius dictum de philtris.

Antipathia, seu odium, fit contrâ inter ea quæ fermenta habent asymbolica & mutuo se ligant, transmutant aut destruunt, & discordant ratione locorum in quibus fiunt aut dissimiles effectus produciunt. Et, licet ea quæ mutuo se destruunt & cæt. non possint compati per *sympathiam* aut seinvicem amare in totâ specie, tamen particularia individua quæ maximam antipathiam exercent, possunt longâ consuetudine consentire, ut patet in purgantibus crebrò exhibitis alicui; nam non solum non deturbant humores, sed sunt quasi cibus ordinarius. Sic quidam usu continuo veneni eodem utuntur sine noxâ,

noxâ, ut in *Mithridate*, sic *cygnes*, *ursi*, *leones*, lactantes lactis mulieris continuo usu cicurantur : at hæc sympathia perit cum individuo, nec ulterius ad totam speciem extenditur, sed verisimile est sympathias & antipathias quæ omnem speciem & singula ejus individua complectuntur, provenisse ex fermentis locorum se mutuo penetrantibus & afficientibus ante productionem alicujus individui.

Atque hæc dicta sufficient de causis amoris & odii, inter ea quæ agunt per contactum molis & per contactum virtutis, intra certam sphaeram ; de iis autem quæ in distans agunt ulterius inquirendum, quorum scrutinium multorum clarissimorum virorum hæcenus torfit ingenia, magneticam virtutem appellantes, similitudine sumptâ à virtute Magnetis. Quidam dicentes fieri per modum soni adæquatè clausa corpora in momento penetrantis. Quidam per expirationem effluviolorum vel Actinobolismum, ceu qualitas odorifera herbarum. Alii dicentes esse facultatem influentiis similem agentem per irradiationem in objectum sibi appropriatum : alii per phantasiam æsteticè suscitaram, alii denique ab Atomis. Quorum sententiarum celebriores, ut veritas magis elucescat, hic examinare statui : sed quia sympathia ab amore & odio, & amborum à magnetismo nulla adhuc posita est distinctio, ideo breviter de iis agemus.

Ex omnibus exemplis prius descriptis in diversis complicationibus Sympathia & Antipathia liquet ea quæ in seinvicem agunt, sive id sit adjuvando, corroborando, trahendo, pellendo, inclinando, aver-
sando, destruendo, & transmutando diversimodè,
vel

vel certas suarum virium & actionum sphaeras agnoscunt, vel nullum intra mundi polos terminum sibi positum habent. Quae sphaeram agnoscunt, vel operantur in distantia certa (ut *magnes* attrahit *ferrum*, *succinum* *Gagates*, *Mastiche* *paleas* & *festucas*, & ea quae consortio mutuo delectantur, ut *nymphae* & *ranunculus*, *lacerti* & *homines*; vel consortium mutuum averfantur, ut *Brassica* & *Vitis*, *Cervus* & *Aries*, & sic de ceteris ejusmodi) vel operantur per contactum molis tantum, & ea vel exterius tangunt, ut *caprificus* & *ficus*, *palma mas* & *famella*: vel interne exhibita, ut *venena* & *alexiteria*. Ea quae nullum terminum suarum actionum agnoscunt, vel uno affecto afficitur alterum, ut in exemplis de spiritu vel sale sanguinis cum sanguine, & de vino florente cum vino in cadis & cat. vel uno affecto non afficitur, ut *magnes* & *polus*, *heliotropia* & *Selenitropia* varia cum sole & luna, nam affecto polo non afficitur *magnes* & è contra & cat.

Helmontium dum distinguit Magnetismum à Sympathia & Antipathia, dicit omnem Magnetismum esse Sympatheticum vel Antipatheticum, sed non è contra omnem Symp. & Antip. esse Magnetismum, sed verbi gratia. cum *quercus* *olea* adversatur, *Vitex* *Saxifraga*, *Nymphaea* *hyperico*, & *Asparagus* *arundines* amat, *ruta* *ficum*, & sic de ceteris. Quando uno affecto ab aliquâ re laedente aut juvante non afficitur alterum, non propriè Sympathia dici potest, sed amor aut odium, discordia aut concordia; Sympathia autem propriè sic dicta est, quando

quando aliqua duo amoris vinculo ita conjuncta sunt, ut affecto uno per compassionem afficiatur alterum, sive id fit in distans (ut sebum urinum repositum in vase clauso augmentatur eo tempore quo urfi in latibulis suis pinguescunt, terra ex *Nilo* sumpta fit gravior eo tempore quo fit *Nili* inundatio mense *Julio*, pilorum pellis *phoca* erectio eo tempore quo fluit mare, item spiritus sanguinis humani morbos ejus ex quo extractus fuit sanguis monstrans mutatione coloris, item testacea omnia longè à mari eo fluente aperiuntur, refluxu clauduntur, & infinita fere similia) sive contactu mutuo ut *palma* & *famella*, *Caprificus* & *Ficus*, &c. Exemplo reserit manifestior, v. g. Spiritus sanguinis in quavis distantia servatus in vitro hermeticè clauso, & sanguis reliquus in venis ejus de quo desumptus erat per Sympathiam compatiuntur: nam si exhibeatur aliquid homini quod malè eum afficiat, mutant spiritus in vitro suum colorem; si verò exhibito antidoto homo à morbo liberatur, liberantur & spiritus sanguinis in vitro recuperando pristinum splendorem, illic Sympathia est inter spiritus sanguinis in vitro & in venis; discordia autem inter hominem & venenum, vel venenum & antidotum, concordia seu amor inter hominem & antidotum. Omnia igitur quæ concordant aut discordant, non exercent Sympathiam vel Antipathiam propriè sic dictam, neque Sympathia magnetismus dici potest, nam licet magnes agat in distans, & quoad sphaeram attractionis & virtutis ut Sympathetica; tamen neque magnes neque polus afficiuntur ab alterutrius affectione, uti dictum,

dictum, sicuti Sympathetica. Igitur cum amores & odia rerum, nominibus Sympathia & Antipathia appellatur in principio hujus tractatus, id tantum abusive, non stictè & philosophicè loquendo, Hoc seriò etiam notandum quod Sympathia illa quæ ad distantissima terminatur, semper est inter partem & totum, amores & odia non semper sic. Denique ut summatim repetam convenientiam & disconvenientiam inter Magnetismum, Electricismum, amorem & odium, fascinum et ligationem, sympathiam et antipathiam, sic habet; Magnetismus in hoc concordat cum Electricismo, amore et odio, quod agat intra certam sphaeram attrahendo et repellendo, et discordat cum electricis, quod ea quæ attrahit aut repellit participa reddit suæ virtutis: Electrica autem non sic, sed ea quæ se amant aut odierunt inter vegetabilia et cæt. vel se amplectendo, ad se invicem inclinando averfando, et cæt. mutuo communicant sibi virtutes; Virtus Magnetis ad ferrum et ferrea & alium Magnetem tantum se extendit, virtus electrica attractiva ad omnia se extendit. Electrica corpora indigent, ut plurimum, frictione ut bene trahant; Magnes verò & ea quæ exercent odium vel amorem, non, virtus magnetis penetrat omnia etiam compactissima & durissima corpora: Electrica verò interposito aliquo corpore non trahunt, neque ea quæ odium aut amorem exercent. Denique Magnes non solum, habet orbem attractionis quo intra certam sphaeram agit, sed etiam habet orbem virtutis, convertendo se semper ad polum in quavis distantia, qua concordat cum heliotropiis & Sele-

Selenitropiis, quæ semper se convertunt ad solem & lunam, vel singulis diebus, vel annum eorum cursum sequentia. Sympathetica verò cum amore & odio specialiter sic dictis concordant, quod se invicem alterent: cum Magnete verò Heliotropiis, & Selenitropiis, quod agant in distans & penetrent idæquatè clausa corpora, neque dimensionum legibus astricta: Et præterea hoc habent sibi peculiare, ut uno affecto benè aut malè ab eo cum quo concordat aut discordat, eodem modo afficiatur aliud in distans: ligatio autem & fascinum fit inter ea quæ se mutuo amant vel oderunt. Atque hæc de distinctione sympathiæ, amoris & odii & magnetismi dicta pro præsentis sufficient. Nunc veniunt istæ opinioniones examinandæ de actione in distans. Et primò, *Van Helmont*, ut inveniat causam ejus, dicit in homine exteriori, id est, sanguine & spiritibus esse potentiam quandam ecstaticam, & non solum in homine, sed in brutis, vegetabilibus, & eorum partibus etiam à morte, quæ cum somnoienta sit, excitatione indiget ab imaginatione accensa à vehementi desiderio, aut arte aliquâ pari, ut in unguento aut pulvere sympathetico virtus ecstatica in sanguine extravenato in paxillo, excitatur ab unguento, & exigit noxam ex labris vulneris ejus cujus erat sanguis, & ut ista actio vehatur in distans, dicit latere in universo spiritum quandam quem magnale magnum appellat, qui sympathiæ & dyspathiæ leno, confabulator, & actionum promotor existit, & ratione cujus magnetismus (ut dicit) ad distans objectum tanquam vehiculo extenditur, quod probat magnetismo

tismo chordarum duarum testudinum in unisono concordantium, quod pulsata una in distans subtiliè altera cæteris immotis & cæt.

Sed contra hanc opinionem dico primò, eum ponere entia sine necessitate, nam ut tales operationes fiant, non est opus fingere istum spiritum diverſum à formis, quem magnale magnum appellat, & proinde non probat dari, neque cum principiis ejus consonat; nam animam mundi seu formam universalem dari negat, cum dicit omnem distinctionem specificam à formis immediatè oriri, dicendo formas esse lumina & specie differre, & à patre luminum in instanti generationis de novo creari, & rursus annihilari ab accidentibus vel sponte, & quid sit istud magnale nisi animam mundi vocitet vel cui usui inserviet ex principiis ejus, etsi daretur, certè confiteor me non capere. Secundò, etsi daretur quod talis spiritus existeret, & leno esset istarum actionum, impossibile esset vegetabilia, animalia irrationalia & eorum partes emittere suas phantasias ad tantam distantiam, licet concedamus omnia vivere, & consequenter sensus aliqualis & phantasiz participare esse, tamen cum ea quæ vivunt magis manifestè ut animalia & quæ ratione utuntur ad tantam distantiam suâ phantasiâ non pertingant. Neque operantur, quomodo possunt talia sic operari, nam quibus nobilior phantasia obtigit, ea est magis operativa; quod adfert exemplum de chordis instrumentorum in unisono concordantium, si à phantasia vecta magnali, ut vult, fieret, in quavis distantia perciperetur

retur & ubicunque una pulsaretur in quavis mundi
 plagâ chorda illi unisona moveretur, quod absur-
 dum est, & experientiâ constat quod in terrâ tan-
 tum distantia concordant, ut extra eam non per-
 cipitur motus, quod verò dicit de phantasiâ ve-
 nentorum animalium, & vegetabilium transmu-
 tante nostram in suam, ut phantasia canis rabidi,
 Tarantulae, & phantasia aconiti assumpti transmu-
 nte nostram in *anates, anseres, & mergos* etsi con-
 cederetur verum esse, nihil infert de magnetismo
 phantasiae ad loca distantissima, nam in omnibus
 istis requiritur vel contactus molis vel virtutis in-
 tra certam sphaeram, at interim non negandum est
 phantasiam hominis circa rem unice desideratam
 vehementer occupatam, licet longè distet, eam
 aliquantulum adumbrare, coram siltere, & in rem
 cupitam quasi transformari, sed quod phantasia
 ecstaticè sollicitata mille leucas ad rem desideratam
 vehatur non facile inducar ut credam, cum exem-
 pla ab ipso allata nihil tale convincant. Exemplum
 quod adfert de puero quodam in civitate Juliensi
 ex Martino Delrio, qui vehementi desiderio fla-
 grans visendi parentem in ecstasi raptus, vidit
 eum multis millaribus distantem. Dico, ut su-
 pra, quod patens representatus fuit ei sub aliquali
 adumbratione, non verò, quod ejus phantasia, re-
 lictis organis corporeis, per quae agit & sine
 quibus non potest operari, ad tantam distantiam
 veheretur: exemplum autem quod adfert de acu
 notante polos sine contactu magnetis nihil in-
 fert, nam virtutem eam provenire ab ipsis polis,
 &

& à virtute telluris magnetica pulchrè demonstrat *Kircherus*, non verò ab imaginatione facientis, aliter non opus esset, dum adhuc candet ferrum ut unâ extremitate ad Austrum, alterâ ad Boream directè locaretur; Et non solum acus, sed & omne ferrum hoc præstaret: & præterea videtur ista vis conversiva ad polos in lateribus qui diu in pavimento fuerunt sic locati, ut uno extremo Boream, alio Austrum respicerent: & tandem etsi concederetur quod phantasia ecstatica ad distans veheretur, tamen non operaretur per se in amicum vel inimicum, inferendo tot diversas compassionēs, ut sit in Sympatheticis, cum omnes actiones (præter ea quæ sunt animæ propria) sunt à fermentis.

Nisi fere omnibus in ore esset, phantasiam ex se omnium rerum transmutatricem esse, plura nunc non adderem: idcirco ob hanc solam rationem pauca de ejus actione per transennam breviter attingere opere pretium duxi: quod ut melius fiat quædam ejus exempla describam. Sic autem se habent.

Panni diversorum colorum avibus aut aliis animalibus tempore vel coitus, conceptus, vel incubationis, antepositi, pullos & fœtus diversicolores reddit, ut *Jacobo* contigisse legitur, *Genes.* 24.

Cervi, *leporēs*, *cornuices*, *perdices*, *vacca*, *ovēs*, à colore nivis in septentrione & in Alpibus dum coeunt, pullos & fœtus generant albicantes. Sic *Æthiops* sæpè à muliere tempore conceptus visus, nigrum fœtum causat & ex. ejusmodi.

Ex diuturnâ corporis circumgyratione, item rotarum vel aquarum & similium celeri motu, fit vertigo.

Ajari

Asari folia, item *Ebuli* & *Sambuci* extremitates, servant sibi impressum characterem à carptionis sensu, nam sursum evulsa vomitum causant, deorsum excerpta per secessum purgant.

Sanguinis fluentis aspectus pulillaninis lipothymiam causat, cum oscitantibus oscitamus, affligimur cum afflictis, ad cantantes canturimus, cum mastis masti, cum latis lati sumus, & cæt. ejusmodi.

Medicamentum Narcoticum contrariis motibus in mortario pistillo circumactum, imprimit easdem species cerebro accipientis, & inquietum somnum adfert.

Sanguis occisi ad præsentiam occisoris è venis exilit, à sigillo vindictæ spiritibus impresso, ut fit in *asari foliis*, & cæt.

Figura *cervasi* quo percussa erat mulier prægnans imprimitur foetui.

Transformatur foetus in *glirem*, *murem*, *anatem*, *anserem*, *piscem*, *suem*, *canem*, & cæt. vel totaliter vel partialiter si mulier ab iis inopinatio perterrita sit tempore conceptus.

Quodcunque edulii genus abhorrebat mulier tempore gestationis, aut conceptionis, abhorret ut plurimum fetus toto vitæ tempore.

Quosdam purgativa solum visa vel odorata purgant.

Lippitudo alteri lippitudinem causat solo intuitu.

Aspectus vel odor maris, quibusdam vomitum provocant, præcipuè iis qui navigantes in eo vomitu tentantur.

Inuitus *felis*, *carnis porcina*, *casei*, aut nau-

seativæ ejusdam rei, & cæt. iis qui cum talibus assumptis odium exercent, lipothymiam causant.

Quando aliquid intense appetitur à prægnante, fatus ejus figura pingitur.

Quando prægnantes non accipiunt id quod intense appetebant mancus vel mutilus fit embryo, & cæt. ejusmodi.

Hypochondriaci à specierum varietate phantasiz impressarum varie delirant, nam quidam se putant esse reges, alii vates, alii vitreos, testas fragiles grana tritici à gallinis devoranda, alii ceram igne liquabilem, canes, feles, lupos, cuculos, luscinnias, horumque aut aliorum animalium voces imitantur, alii se mortuos credunt nec edunt nec bibunt, alii mingere non audent ne diluvium inde oriatur, alii se capite truncatos, alii ingentem se habere nasum, serpentes ranas, catos, glires, mures, & alia animalia in ventre habere & infinita insulsa similia.

Injuriz illatz species phantasiz impressa, causat rabiem.

Metus & horror subitaneus, gravidis abortum, aliis fluxum, aliis uteri suffocationem, hemicraniam, epilepsiam, & mortem sæpe attulit.

Quartana, tertiana, podagra, paralysis repente à terrore abiguntur, & cæt.

Ut ergo modum inveniamus quomodo hæc omnia fieri possunt.

Notandum est omnia prædicta vel fieri à rerum præsentium & sensu perceptibilium motu, figura, defectibus, colore, odore, & aliis signaturis, fermentorum *imagines* dotatis: vel ex rerum absentium

um valida & forti cogitatione, memoria per species sibi prius in illas prædictas signaturas motum, calorem, odorem, & cæt. representante vel à prolatione nuda quæ omnia primo fiunt à charactere & sigillo odii vel amoris indelebili spiritibus matris tempore conceptus violenter impresso, & in fœtum transplantato, quod sigillum non solum resuscitatur à visu, gustu, aut odoratu talis rei, sed si forte sit sigillum odii, & pars cum qua discordat debilis, vel nuda denominatio rei exosæ sigillum prius impressum somnolentum excitat, v. g. si mulier conceptus tempore vomituriebat à conspectu alicujus rei nauseativæ ab impresso spiritibus ejus, humoribus & consequenter fœtui, (dum humores ei in alimentum cedunt) sigillo odii spiritus stomachici fœtus, vel à sola denominat one istius rei figuram ejus pingunt, & ab ista figura præseni, excitatur sigillum odii prius impressum, à quo sic excitato conturbantur spiritus stomachici, & subsequitur vomitus: sic etiam de iis quæ lipothymiam vel tremorem faciunt vel sudorem ut prolatio carnis porcinæ & similium dicendum.

Secundò quædam fiunt ab excellenti & vehementi passione, aut spirituum conturbatione, à tali re prius læsorum: uti continget, dum vulnerati plagæ, non solum ad præsentiam vulnerantis sed ad ejus nominis prolationem (specie depicta in spiritibus, qua excitatur sigillum vindictæ prius impressum) sanguinem plorant & recrudescunt; sic de sanguine occisi fluentis ad præsentiam occisoris dicendum.

Sic recordatio rei periculosa vel abominabilis, tremorem facit & horripilationem.

Tertiò quædam fiunt à vehementi assidua & fixa cogitatione rei amatae aut exosa, qua imprimitur species talis rei phantasiae, spiritibus, & cæt. quæ species seu imago eodem modo operatur ac si res ipsa præsens esset, unde pollutio nocturna à specie mulieris prius cupitæ, impressa spiritibus, sanguini, vasis spermaticis, & cæt. sic spectrorum apparitiones contingunt pusillanimis & perterritis pro specie aut figura imaginis, ab iis intensè cogitantibus, in spiritibus impressa, ita ut ab ipsis solum videantur, non vero ab adstantibus, nisi etiam illi cogitabundi & perterriti, eandem sibi imaginem in spiritibus depingant. Haud ab simili modo, ab assidua & fixa cogitatione, hypochondriaci imaginem ejus rei figillant in phantasia & spiritibus adeo firmiter, ut spiritus & consequenter ipsa anima operetur pro modulo istius imaginis, ut dum se putant esse reges, vates, canes, lupos, anseres, cuculos, luscias, & cæt. gestus & voces eorum præ se ferunt ac si essent tales, huc referendæ sunt noctambulonum actiones, adeo firmiter fixa est phantasia, circa imaginem sibi impressam rei desideratæ in somno, ut cogantur reliqua membra phantasiae sic in objectum propensæ prompte mandata exequi; huc etiam referenda sunt terribia insomnia, & ephialtes seu incubus sub diversis figuris hominis, canis, cati, diaboli, & cæt. similia. Species seu imagines omnibus prædictis modis phantasiae & spiritibus impressæ operantur sicuti fermenta, rerum assumptarum aut
exterius

exterius admotarum, nam si fortes sint spiritus nostros & consequenter animam sequaces reddunt.

Igitur cum motus motum imprimit ut in exemplis de Medicamento Narcotico, de oscitatione, de Carptionis sensu in asaro, de sanguine occisi ad presentiam homicidæ, & cæt. & color colorem generat ut in exemplis de *Æthiope* cervis, leporibus, perdicibus, ovis mutantibus colores suos à rebus presentibus coloratis, & cæt. similia.

Et figura figuram sigillat, ut in cerasi specie in embryonem inusta, macula luniformi, item quando transmutatur foetus in glirem, murem, piscem, & cæt.

Et defectus defectum imprimit, & redundantia redundantiam, ut cum prægna appetit id cuius non fit particeps, & quando mutili à conceptu, mutilos generant, & quando qui duplicia habent membra tales generant, & cæt.

Et aliz qualitates & signaturæ quæcunque tales producunt, ut in exemplo de virtute purgativa medicamenti aspecti vel odorati, de lippitudine, & cæt. omnia similia & cum præfata omnia non solum in conspectu & præsentia, sed & vehementer exosa & desiderata dum absunt, per recordationem, & nudam denominationem, memoria (ex suis speciebus prius impressis, in conceptione, vel à vehementiâ passionum puta iræ, odii, terroris, amoris, & cæt.) ea representante, ut fit in iis qui à nuda prolatione carnis suillæ syncopizant, aut à recordatione rei nauseativæ, puta mucilaginis, puris, Chymi, Chyli, & similium vomunt vel nausea tentantur: & quando à vulnerantis non solum præsentia sed denominatione vulnerati

vulnerati plagæ cruorem effundunt. & non solum quando characteres prius impressi erant in conceptione à specie, spiritibus & sanguini mulieris sigillata, aut à vehementia præteritarum passionum, sed etiam ab assidua super objectum aliquod cogitatione, imago seu species in spiritibus sigillata transformat hypochondriacos in canes, catos, vitrea vasa, grana tritici, saltem uti ipsi putant. Sequitur phantasiam per se non esse transmutatricem omnium rerum, sed quod species seu imagines rerum præfatis modis impressæ phantasiæ (quæ lucida cum sit, & diaphani ad instar speculi) similes species in ea producant, istæ vero sic productæ similes in spiritibus sigillant, istæ similes in humoribus & illæ similes in fætu, Stomacho, Corde, Capite, & cæt. producant & sic omnia producant sibi simile; istæ autem omnes species sic impressæ retinent rei sensibilis fermenti tincturam, adeoque ab eo fiunt vel proximè (ut species rei coloratæ, figuratæ, moventis, purgativæ, deleteriæ, & cæt.) vel remote ut quando imago rei, vel denominatio, producit tales effectus sicuti res ipsa præsens, virtute sigilli prius impressi. His adde ut supra sæpius dictum, per animam seu formam res tantum sentit & vivit, & cæt. non autem alterat, multo adhuc, minus transformat; Ergo neque ejus unica potentia, phantasia. Præterea si phantasia talia per se faceret, poterit novam entitatem producere, quod soli creatori infinito optimo maximo competit, vel omnia rerum seminaria in se contineret, quod æquè absurdum.

Ex his clarissimè patebit, quomodo tum semen
fiat,

fiat, tum ex eo in utero generetur embryo, tum
 quomodo ab aliena specie impressa phantasia mulie-
 ris, transformetur in utero, quomodo autem im-
 pressionibus omnes sigillantur in semine prius dictum,
 in discursu de generatione, igitur tempore coitus,
 fermenta in semine continet membra singula cum
 suis proportionibus, lineamentis, & connexionibus,
 item colores, odores, saponem, dispositiones, incli-
 nationes, gestus, nervos, maculas, defectus, re-
 dundantias, & seminaria morborum hæreditario-
 rum, puta Epilepsia, podagra, Apoplexia, & cæ-
 tera. illabentem autem materiam ex matre in uteri cavi-
 tatem, omnes & singula ista signaturæ sigillant suis
 characteribus, impermixtis virtutibus, uti dictum
 prius de motu, defectu, coloribus, figura, & cæ-
 teris impressis imaginationi. Si autem mulier terretur ino-
 pinato à glire, cane, vel pisce, sigillantur figura pro-
 portio & cætera omnes signaturæ gliris, & cæ-
 teris in imaginatione mulieris, quæ imprimuntur spiritibus,
 ista humoribus, hi autem sic sigillati illabentes in
 uterum ad nutritionem embryonis, fermenta duo
 cum diversis figuris sigillatricibus in se invicem agunt,
 & debilius à fortiori vel ligatur & transmutatur, ut
 in caractere gliris, muris, sanguinis, cerasi, & cæ-
 teris impressis membro alicui embryonis, remanente
 adhuc forma & figura ejus vel destruitur debilius to-
 taliter, ut quando ex semine humano à peregrina
 impressione superveniente fit glis, mus, anas, im-
 pressionem belluina destruyente & obliterante huma-
 nam totaliter. Neque mirum est tales impressio-
 nes recipi in semine, & tenello embryone, cum ho-
 mines

mines toto vitæ spatio, ab impressionibus similibus fermentorum extraneorum haud sunt immunes; uti videre est in tarantismo, hydrophobia, & omnibus morbis contagiosis, quæ licet formam externam hominis non immutent (cum organa corporea magis solida sint quam ut tales recipiant) tamen mutando spiritus, qui facile peregrinis impressionibus auscultant, operationes formæ totaliter, vel partialiter, immutant.

Cum autem morbi dicuntur produci à phantasia quæ sunt à passionibus modum excedentibus, est error inconsiderantiæ; nam sunt à terroris, pavoris, tristitiæ, sigillis impressis spiritibus, sicuti ut dictum, motus motum producit, color colorem, figura figuram, sic terror terrorem, metus metus sigillum, & ira iram, per se tantum producant, per accidens autem morbos, quia si per se producerent morbos, unus & idem morbus à diversis passionibus non oriretur neque diversi morbi ab una passionum, non solum in diversis constitutionibus, sed & in eadem penderet, rabies vero, abortus, diarrhœa, uteri suffocatio, & reliqua similia; sequuntur igitur tantum per accidens ad commotionem passionum, non vero à fermento, contagio aut veneno à spiritibus sic turbatis confecto aut profluente, sed quia istorum morborum semina prius impressa erant, in semine avito, materno, paterno (sic de aliis à talibus passionibus ortis judicandum) vel quia iis laborarunt prius, & ex levi occasione recidunt, & sic irrumpunt in spiritus nostros jam à valida & subitanea perturbationum procella debilitatos & ligatos.

& pro modulo sigilli ex semine impressi, utrum id sit Epilepticum, Apoplecticum, vertiginosum, & cat. captivi trahuntur spiritus, ob imbecillitatem nimiam sequaces reddituri cuivis impressioni cedunt: ut in uno Epilepsiam, in alio diarrhoeam, in alio Cephalalgiam uteri suffocationem, rabiem, & cat. producant.

Quartana, tertiana, podagra, paralytis, & cat. à terroris vel timoris specie fortiter spiritibus impressa, curantur etiam per accidens, quatenus nimirum impressio terroris subitanea & fortis, expellit istas debiliores, & etiam quod spiritus concentrati à terroris specie, fortiores redduntur: ita ut erumpentes ad loca affecta pares fiant ad extinguendum hostile morbi fermentum, quomodo autem per se ab una & eadem specie terroris sic impressa, quartana, podagra, & paralytis curari possunt, cum à diversissimis causis oriantur, vix ac ne vix concipi potest.

Alii, ut probent dari operationem in distans, dicunt primò, ab omnibus corporibus radios emitti, in quibus anima operatur presentia sua, & dat iis *inagrar* operandi, & corporeos esse istos radios, & habere in se spiritum vitalem, & non solum tales radios sed & excrementa retinere spirituum vitalium portionem, ideoque vivere, & vitam eorum esse eandem cum vita animalis cujus sunt effluvia & excrementa. Secundò dicunt inter corpus & excrementa esse quandam concatenationem radiorum istorum in omni distantia, licet maximâ, & similem etiam fieri inter sanguinem & aliquam aliam corporis

poris partem separatam ab eo in quavis distantia.

Sed contra primò, dato quòd sint effluvia ex sanguine venoso, & in excrementis, impossibile est, si sint corporea, dari concatenationem eorum in quavis distantia, nam si corpus etiam maximum rarefieret ad vel invisibiles atomos, non sufficeret ad effluvia suppeditanda pro mille leucis, & etiamsi hoc daretur quod sufficerent, cum tamen nullum aliud certum vehiculum iis assignent in via certò deficerent. At si dixerint concatenationem istam ab anima fieri, si hoc daretur, sequeretur quamlibet animam replere totum mundum à polo ad polum, & etiamsi hoc absurdum daretur quod anima se extenderet ad omnem locum, effluvia ista corporalia non poterunt illam concomitari ob rationem modò allatam, prætereà videmus sanguinem & excrementum extravenatum in pyxide non minorari, quòd fieret si effluvia continuo emitterent corporea ad tantam distantiam. Deinde cum dicunt excrementa vivere, hoc verum fateor: sed eandem esse cum vitâ animalis nempe hominis animâ rationali informati Atheum non Philosophum Christianum decet asserere. Ut demonstrent effluvia sua dicunt cape & allium è longinquo lachrymas ex oculis eliciunt ex pipere, Iride, Ptarmica fit sternutatio à Croco, Hyoscyamo, Solano, Opio conciliatur somnus, etiam è longinquo, homo per effluvia unius noctis multo levior evadit, & innumera hujusmodi, attamen hoc universaliter non tenet, nam ista effluvia sunt tantum violenter ex corporibus calorem actualem habentibus, & in iis quæ aqueis humiditatibus sca-

tent

tent à calore solis aut ignis, & cæt. quod evincunt Mercurius & Antimonium per infusionem semper menstrua sua imprægnantia, & nihil per multos annos ponderis amittentia, item Moschus, Ziberthum, Asa. magnes, & alia, effluvia & odores emittunt, nihil autem de pondere perdunt : at si hoc esset emissionem corpusculorum, leviora sanè essent, quod experientiæ repugnat, nam advenientibus aliis fermentis labefactatur eorum virtus, aut senio contabescit : sed de quantitate & pondere pristinis nihil amittunt ; ideoque sequitur ista effluvia non esse corporea, nisi violenter à calore interno aut externo fiant. Sed quòd fermenta in suis locis, vel in rebus, in quocunque sunt loco, per suos radios spirituales certam sphæram constituunt, quæ sphæra, tam latè patet quàm ut aliqua eorum virtus sensari queat. Qui radii vestiuntur amictu aut vaporum violenter excitatorum ex ipsis à calore interno in animalibus, & externo in cæteris quæ non actu calent, aut aliis ex terrâ ipsâ elevatis : cùm verò radii isti exeunt de aliis quæ nullo ex præfatis modis emittunt effluvia corporea, ut magnes succinum cæpe, allium, & cæt. dum è longinquo operantur, crediderim sanè non esse emissionem corpusculorum, quia non minorantur, & cæt. sed tantùm fermentatione vaporum aqueorum in aere suscitatorum, & sic de aliis ejusmodi : cum autem emissio vaporum sit actio violenta præcipuè in iis quæ actu non calent, non possunt talia effecta constantia ut videntur ab iis quæ sympathiam aut antipathiam exercent ab eâ oriri. Præterea excrementis viventium jam à corpore separatis, nisi
 sic

sit à calore externo non possunt talia effluvia susci-
tari. Igitur talis concatenatio saltem non erit hye-
me, atqui hyems non impedit quo minus sympa-
thetica agant. Ergo non valet eorum argumentum,
affecto excremento afficiuntur cacantis nates vel in-
testinâ in quavis distantia, quia datur concatenatio
effluviolorum corporeorum continuò ex ambobus e-
manantium.

Tertiò venit Atomistarum opinio examinanda, sed
cum fusè satis, dum deformis sermo esset, eorum
principia ventilavimus, non opus erit hîc ea repe-
te, ut verò ex eorum principiis actionem ad distans
inveniant, magisterialiter quasdam positiones vio-
lenter in Philosophiam intrudunt, dicentes eos ra-
tionis expertes qui non credunt. 1. Quod omnes
actiones fiant ab atomis discrepanti modo motis, fi-
guris suis proportionato. 2. Quod constans detur
effluviolum talium atomorum ab omnibus corporibus
compressione corporum circumjacentium, & cæt.
& quod possint effluvia ex magnete & cæteris videri
ope microscopii. 3. Quod Atomî isti sint diversâ-
rum figurarum & quidem sint adeò exiles & subtiles,
ut omnia media pervadant, sine aliquâ oppositione
ut in peste, & cæt. Alii sunt majores qui alios præ-
terire facile non possunt. 4. Quod omnia quietem
ament permanendo in suis locis. 5. Quod qua-
dam sint loca magis apta ut recipiant tales atomos
quàm alia, ut atomi morborum animalium bruto-
rum, bruta aggrediuntur non hominem & è contra,
& concordantia hæc inter poros & atomos dicitur
cognatio. 6. Quod Atomî nullibi quiescant nisi
in

in cognatis poris. 7. Quod nulla distantia impediat motum atomorum ad propria loca, nam nulli alii pori possunt eos retinere ob appulsum propriorum atomorum quibus expelluntur, donec ad proprium corpus pervenerint. 8. Quod quò magis appropinquant atomi suis domiciliis, minor fit resistentia ex parte objecti ad quod tendunt, & pressura fit major, ideoque motus est velocior & contrà. 9. Datur conjunctio atomorum qui in peregrinatione volant in dorso aliorum & operantur simul. Atque his præmissis & consideratis dicunt contactum in distans esse tam realem quàm solis emittendo suos radios ad tot mille leucas, & cùm medicamentum sit corpus constitutum ex multis particulis (nam de unguenti armarii vi & energiâ loquantur) sequetur quod constans effluviū atomorum ex eo expiret per assertionem secundam, & per assertionem nonam oportet ut jungantur cum atomis extravenatis sanguinis in paxillo & comitentur eos in fuga, & sic à constante calore atomos semper emittunt, & per sextam & septimam assertionem necessariò pelluntur ad partem affectam seu vulneratam quamvis longè distantem.

Ad ea quæ superius dicta contra Atomorum existentiam solum unio argumento agam. Omnes Atomistæ in principiis suis constituendis vel confugiunt ad partes homœomeras Anaxagoræ, vel cum *Lucretio* dicunt omnes atomos esse similes, diversas autem operationes fieri ab ordine, connexionē, figuris, & cat. diversis. Sed contra primos sic arguo, Cùm *Leo*, *Vulpes*, *lupus*, *ursus*, *accipiter*,
CORVUS,

corum, canis, fuis, & centum animalia carnivora
 unumquodque eorum unâ librâ carnis bovinæ ves-
 citur, & suppose hominem & reliqua omnia uncias
 quatuor alimenti habuisse ex una ista libra, erantne
 in unâ libra carnis tot diversi atomi quot comeden-
 tes, certè hoc non dixerint cum in unâ librâ ponde-
 rante duodecim uncias hoc computo erunt quadrin-
 gentæ uncia: si verò refugiant cum *Lucretio* ad diver-
 sas positiones atomorum, assignent rationem quæso
 cur omnia non pascuntur omnibus, & cur quod uni
 alimentum alteri venenum. Nisfallor. responsio erit
 ob diversitatem atomorum, vel si dicant provenire
 à diversa connexionione, cur fit cum dicunt species vi-
 sibiles, audibiles, odorabiles, & cat. fieri ab a-
 porhæâ atomorum, ut vitent hoc absurdum, cor-
 pora sic continuo minorari volunt ex aliis corporibus
 alia in locum eorum substitui. Ponamus v. g. ho-
 minem, & venenatas plantas, putà *aconitum, hy-*
oscyamum, & cat. in uno loco perpetuo esse ut ef-
 fluvia ab herbis deperdita suppedientur ab aporhæâ
 ex hominibus & contrà, & tamen non mutantur se-
 cundum eos, quia mutatur situs atomorum adveni-
 entium, cur igitur pari modo dum homines vescun-
 tur talibus plantis non possunt diversas connexiones
 atomorum eorum mutare in suam substantiam, cum
 major vis transmutativa in stomacho residet quam in
 externâ superficie corporis, ubi fit necessario appo-
 sicio atomorum deperditorum. Apage cum talibus
 nugis, inventum sanè puerile homine philosopho in-
 dignum. de cognatione atomorum & pororum ni-
 hil dicam; nam datis semel atomis, cum levissima
 sunt

sunt corpuscula vel minimo oris spiritu à terrâ ad solem, à polo ad polum penetrando saxa, montes, maria, ferrum, & quid non : dicto, citius meant & remeant obsequiosi ut mandata à suis patronis accipiant ad omnes possibiles actiones obeundas non solum ut extraneas peregrinationes subeant magis activi & veloces, sed ut pigriores, hebetiores & desides premant, atque eos in itinere fatiscentes & claudicantes dorsa & humeris portent & sublevent, proculdubio omnibus aliis philosophis palmam praripitis, qui naturam adeo obsequiosam vobis nolit velit redditis, sed de his satis quæ vel fidem Peripateticam transcendunt.

Ultimò, auctor Philosophiæ *Mosæicæ* dicit omnes actiones naturales fieri immediatè à spiritu Dei incumbente aquis, & quia Spiritus iste incorruptibilis, æternus, infinitus, & cæt. ideo suæ actionis nullum habet terminum, & hinc concludit nullum esse rebus naturalibus in agendo virtutis orbem positum, quia hoc spiritu animantur qui agit in quavis distantia.

Contra eum sic arguo. Si res non per se sed per istum spiritum infinitum, & cæt. operarentur, nullæ essent rebus virtutes propriæ, & vires rerum naturalium non essent iis concreatæ, & frustraneæ esset omnis Philosophia, & v. g. cum ignis comburit, non erit ignis actio sed Dei aut Spiritus in igne, & cum aliquod medicamentum purgans exhibetur, purgatio non erit actio naturalis medicamenti, sic de attractione magnetis, & cæt. & sic omnes actiones erunt supernaturales, & proinde
nulla

nulla dabuntur accidentia, sed cum hæc sint ma-
 ximè absurda, refutatione non egent. Dum hæc
 scribo non possum silentio pertransire argumenta
 quædam *Kircheri* cum refutantis in arte suâ magne-
 ticâ tanquam patronum unicum unguenti armarii,
 nam primò licet ex principiis ejus inferre liceat,
 unguentum agere in distantia infinita, nempe quia
 fit à spiritu illo infinito virtus ejus sanativa, tamen
 alii qui id defendunt, dicunt virtutem ejus exten-
 di ad certam distantiam tantum intra mundi polos,
 ideoque non esse simpliciter infinitam. 2. Dicit,
 si sphaera rerum esset infinita in agendo, tunc ne-
 mo Romæ esset tutus à basiliscis *Lybiis*, à dipla-
 dibus *Aegyptiacis*, draconibus *Africanis*, eorum-
 que virulento flatu, nemo à contagione pestis *Ger-
 manicæ*, aut ab effluvio *Napelli Alpini*, & cæc.
 in aliis regionibus esset tutus à vertigine. Neuter
 eorum se intelligit, unus quid defendat, alter quid
 refutet. Nam primò, si hoc esset verum quod
 actiones omnium rerum essent indeterminatæ & in
 quavis distantia agerent, tunc contra auctorem
 Philosophiæ Mosaicæ habet intentum *Kircherus*,
 sed ideone illicitum est istud unguentum quia in-
 sulsus ille non bene defendit? Non dicendum est
 res omnes haberetam amplam sphaeram operatio-
 num, sed tantum determinatam, & sphaeras re-
 rum distingui, & ea quæ agunt per odium vel amo-
 rem non habere tales, sed ea quæ sympathiam exer-
 cent, quæ non sit inter omnia prædicta, sed tantum
 inter totum & partem. Quod dicit inter omnes
 res creatas hoc solum indulgendum huic unguen-

to quod in tantâ distantia curret ; omnino falsum & contrarium in plurimis exemplis constat, prius descriptis, nempe Sympathia Conchylium in-quavis distantia cum mare fluente & refluxo ; ostreorum & pupilli oculi cati cum luna, vini & cervisia in cadis cum vino & hordeo florentibus in campis, Cerasi species impressa in embryonem per imaginationem internam mutat colores cum aliis in arboribus, &c. Et cum dicis à pacto aut explicito aut implicito fieri cum diabolo an & ista etiam ut sentiant amicum aut inimicum indistantia pepigerunt cum eo fœdus? Ut probet nullam dari actionem indistans negat Sympathiam inter polum & magnetem, & dicit magnetem esse partem terræ homogeneam & genuinum ejus filium & è semine terræ & naturali fieri, & habere totam suam vim à terra, & sicuti tellus ad polos mundi, ita magnetem ad polos terræ dirigi. Si sit pars terræ homogenea, cur igitur reliquæ partes non æquè participant vim attractivam, repulsivam, & conversivam. Cur contra *Gilbertum* negat terram esse magnetem? Et si tellus, ut vult sit totus virtutis magneticæ fons, certe ipsa terra erit magis magnetica, quomodo quis dabit quod non habet in se? Proinde magnetem fieri ex semine terræ & suo & esse partem terræ, nescio quomodo hoc fieri potest, nam terra cum ex ejus principis sit elementum, nullum semen habet. Si verò dicat semen habere in terrâ, cur reliqua semina non idem faciunt quæ sunt in terrâ? Ignorat magnetem sicuti reliquos lapides fieri ex aquâ semine lapidifico imprægnata, ut & ipsa terra ex suo semine, uti in principio hujus tractatus

I

probatum.

probatum. Ideoque dico si bene distinxissent inter sympathiam & concordiam & discordiam & concordiam & discordias. in eas quæ contactu & in distantia operantur, neque magneti inter ea uni tantum tribuissent, neque omnia magneticè agere dixissent promiscuè, neque *Kircherus* librum suum mundum magneticum appellans eos reprehendisset, nam non video quâ ratione mundum magneticum magis appellaret quàm mundum Calheticum.

Eos quæ à stellis & sole virtutem istam sympatheticam deducunt jam refutavimus in principio tractatus, ubi ostendimus res nullo modo dependere ab illis ut tales vel tales fortiantur virtutes, nam terra habebat in se ante productum solem fermenta omnium vegetabilium, & consequenter omnes virtutes.

Cum igitur Sympathia non fiat in distantissimis locis à phantasiâ rerum ecstaticè suscitata, ut vult *Hellmontius*, neque ab atomis, neque per concatenationem effluviiorum corporeorum, vel ab animâ extra proprium corpus operante, neque à spiritu illo infinito aquis incubante, & cæ. Ut modum igitur inveniamus quomodo fiat illa compassio cum ex innumeris exemplis constet talem dari. Primo ex præcedentibus liquet omne compositum constare ex materiâ, formâ & fermento: à materiâ habet suam quantitatem & consistentiam, à formâ habent quod vivat & sentiat luculentius aut obscurius, ut prius probatum, & à fermento omnes alia actiones quæcunque dependent, ut & mutationes omnes ad bonum vel malum. Hinc igitur patet quomodo affecto sanguine & spiritibus intra venas hominis, fer-

mento

mento icterico vel melancholico afficiatur spiritus sanguinis in vitro hermetice clauso etiam, mutatione coloris in lividum & flavum (& sic de cæteris ejusmodi exemplis judicium esto) quod simili modo ab eodem fermento iste spiritus afficiatur quo afficitur sanguis in venis licet in maximâ distantia: & cum istud fermentum non possit produci per se intra vitri parietes, oportet illud advehi, unde etiam patet fermentum penetrans vitrum hermetice clausum, dimensionum legibus non esse astrictum, quod etiam patet in magnete penetrante marmora, saxa, montes, & cæc. Secundo, cum constet ex prædictis formas rerum in se non differre specie sed numero (omnem autem differentiam provenire à fermentis) & esse quasi radios formæ universalis quam demonstravimus dari, radii autem illi in centro universalis formæ conveniunt & ununtur. Hinc patet primo radios formarum totius & partis compatiendum simul convenire & cum affecto uno eodem modo afficitur alterum (sive id sit totum sive pars) neque forma unius per se alterius radios sic permutare potest (cum res non alterent se per animam sed tantum vivant & sentiant.) Restat cum radius unius formæ fermentum (cum sit spirituale) alterius affecti in distans ferri, ut reciprocè colloquia privata habeant: ut unum aliud bene aut male afficiat, totum attrahendo ad se ægritudinem partis, pars etiam ægritudinem totius, vel illi communicando robur & sanitatem sibi ab alio amico præsentem communicatam: licet non sit utrique præsens, sufficit ut vel toti vel parti adhibeatur, & sic de mor-

his ab inimico uni vel alteri implantatis dicendum. Prioris exemplum erit quod testacea ferè omnia procul etiam à mari, fluente, eo, aperiuntur & contra. Alterius exemplum erit quod natus insititius mortuo eo de cujus carne desumptus erat de facie ejus ubi vegetaverat Gangranâ affectus decidat, atque innumera alia ejusmodi superius descripta. Vel sic quia sigillatur forma rei ab inimico affectæ, fermenti specie & imagine; & istud sigillum sic formæ inustum, retinet fermenti & rei sensibilis vim & efficaciam: & penetrando radios formæ amici sigillum in ea simile producit (uti fit in colore, sapore figura, motu, & cæteris signaturis prope conspectis producèntibus in subjectis appropriatis & dispositis signaturas sibi similes) sigillatur primo in rei compactionis phantasia & spiritibus, & successivè reliquis partibus imprimitur, v. g. suppone Brachium hominis Gangrana affectum esse, vel ipsum hominem moribundum, de cujus Brachio nasus insititius desumptus erat, fermentum Gangranosum & mortiferum, sigillum suum inurit humoribus, phantasia, & spiritibus, hominis moribundi aut Gangranâ affecti: qui spiritus (cum sint uti formæ reliquorum ex formâ universali) sic sigillati in centro obviant radiis spiritus partis, nempe nasi, & pro modulo sigilli us prius impressi, sigillant istos spiritus nasi, & cum totum moritur, moritur etiam pars, & sic de aliis exemplis ejusmodi.

Hinc igitur clarè sequitur, eos qui tot simplicia selecta in compositione *Unguenti Armaris*, aut *pulveris Sympathetici* congerunt, penitus errare, credentes

dentes istis solum simplicibus in tali quantitate commistis inesse talem virtutem : nam quod pulvis vel unguentum agant in distans, non fit ratione ingredientium, nam non requiritur medicamentum quod ex se vel sua virtute, agat in distans, sed satis est si habeat in se virtutem curativam cum non vehatur suis alis; nam adhibitum vni vel alteri quæ compatiuntur vis curativa vel destructiva, fertur radiis formæ spiritualis (uti dictum) ad amicum ut eum participem reddat gaudii aut terroris & tristitiæ : quod vero in distans fiat talis perceptio amici vel inimi, cum gaudio & tristitia solum à forma provenit, quæ dat omnibus ut sentiant uti probatum, curatio autem destructio, ligatio, aut transmutatio provenit à fermentis cum forma advectis.

Quando in ictero, Scorbuto, & cæt. exhibetur tantillum sanguinis aut urinæ patientis cibis commixtum canibus, canes non trahunt ægritudinem, neque transfertur ad eos (ut falso putant nonnulli) nam non sunt capaces istius morbi, sed si sanetur morbus (quod sæpissimè continget) est quia in sanguine & excrementis, pars fermenti morbifici à Canibus, & cæt. commesti, destruitur à fermentis eorum fortioribus vel ligatur, & sic affecta ista portunculæ fermenti morbifici à cane commesti, afficitur totum quod erat in homine, & perit ægritudo. Sic etiam quando Vegetabile aliquod aut ejus semen homini vel particulari membro amicum, & morbo ejus contrarium irrigatur mumia morbi & terra committitur ut crescat, ut v. g. in Ictero Chelidonia grana Juniperi, & cæt. in Hydropse Absinthium,

synthium Ebulus, in Pleuritide Papaver Rheas, Hypericon, in Peste Scordium, Scorzonera in ulceribus & vulneribus Persicaria maculata, panax: illic pars fermenti ligatur vel destruitur à fermentis istarum eam vincentibus & sic debellatur reliquum ægitudinis in homine: quod vero perhibetur istam herbam tali modo à fermento morbifico irrigatam homini aut alteri animali exhibitam communicare iis morbum nullo modo verum est, nisi fermentum morbificum quo irrigata erat planta transmutaverit virtutem herbæ sanativam, totaliter aut partialiter in suam naturam deleteriam, ut continget in Salvia ab halitu Bufonis infecta, & in herbis prope serpentum Cavernas, sed si hoc fiat, morbi vis intenditur quod alias abigeretur. Si autem herbæ aut eorum semina irrigantur mumia morbi, quæ habent virtutem producendi talem morbum (sic de Animalibus, Mineralibus, & eorum partibus judicandum) intenditur tunc ægritudo: ut v. g. si urina, aut sanguine, & sudore, & cæt. febricitantis irrigetur anacardis aut ejus semen, intenditur febris; sic lolium eodem modo usurpatum intendit vertiginem, sic asarum intendit vomitum, & cæt. ea autem Vegetabilia, Animalia Mineralia & eorum partes quæ intus exhibita venena homini sunt puta Hyoscyamus, Cicuta, Aconitum, Arsenicum, & cæt. si mumia hominis alioquin bene valentis irrigentur corrumpendo & destruendo portunculam fermenti in mumia ratione compassionis reliquum in homine destrunt aut transmutant diversimodè pro diversa uniuscujusque natura: & multa alia ejusmodi mirabilia per trans-
 plantationem

plantationem resultantia inveniet curiosus lector.

Deuisssem huic tractatui subnectere Curationis methodum, clariorem per Sympathiam, sed de eâ aliâs *ovis* *Om* dabitur occasio differendi.

Atque hæc sunt benevole lector quæ ex primâ inspectione naturæ in speculo Animalium, Vegetabilium, & Mineralium nitentis delineare poteram, visu disgregato deficientibus coloribus vivacibus, & ex intensâ nimis cogitatione spiritibus pæne exhaustis non abs re erit cæptis paulisper desistere, refocillatis autem spiritibus languentibus, oculis ablutis & coloribus novis probè instructus, propediem, ut spero, secundò opus aggrediar. Si autem ex prædictis facilior pateat aditus ad naturæ occulta mysteria, *D n o* Opt. Max. à quo descendit omne donum bonum, gratias age. Vale.

F I N I S.
